

El santo evangelio según San Juan

Dios oca gotirocū masa rāca Cristo ĩ ñare gaye

1 ¹ Cajero ñe manirajuti Cristo, Dios oca goti rēto burocū ñacāyiju. ĩ Dios rācati ñayiju. Ito yicōri ĩti ñayiju Dios. ² Adi macārucūro ĩ rujeoroto riojuaju Dios rāca ñacāyiju Cristo. ³ ĩna suoriti macārucūro gaye jeyaro rujeoyiju Dios. Ñejuā gaje Cristo manoti rujeobisiju Dios. ⁴ ĩti ñami catitĩñare rucogu. Ito yicōri ĩti ñami busurise rucogu. Ito bajigu ñari masa ĩna tuo masiroca yi masiami ĩ. ⁵ Rāitĩaroju masa ĩna ñeñaro yibojaja cuni busu masiguĩji Cristo. “Ñeñaro yirā ña mani”, ĩna yi masiroca, yigu yiguĩji Cristo. Ito bajiri ĩre rēto cū masibicu yiguĩji rāitĩaro ñagū rāmūa uju.

⁶ Sīgū ũmugū ñaquĩ gna masare ĩ riasotoni Dios ĩ cūrū. ĩ wame catiquĩ Juan idé guri masu. ⁷ “Cristo ñami busurise rucogu”, masare yi riasorocū wadiñi Juan idé guri masu. Cristore masa ĩna tuorūnūtoni Dios ocare gotigu wadiñi Juan idé guri masu. ⁸ ĩ meje ñaņi busurise rucogu. Cristo, busurise rucogure busi ĩsigū wadirū ñaņi Juan. ⁹ Busurise rucosagu ĩ ñaquĩ Cristo. Jeyaro masa ĩna tuo masitoni wadirū ñaquĩ Cristo. Ito bajigu ñari ñajediro masa ĩna tuo masitoni wadiñi ĩ.

¹⁰ Adi macārucūro rujeoroto riojuaju ñacāyiju ĩ Dios oca gotiri masu. ĩna suoriti adi macārucūroju Dios ĩ menire ñabojarocati adi macārucūro gāna masa ĩre ti masibisijarā maji. ¹¹ Adi macārucūro ĩ rujeore ñabojarocati ĩ ñarājua ĩre boca āmibisijarā. ¹² Gājerā coriarāma ĩre queno boca āmiyijarā. Ito yicōri ĩre tuorūnūyijarā ĩna. Ito bajiri ĩre ĩna tuorūnūjare Dios rīa ĩna ñaroca yiyiju Cristo. “Yare masogū yiguĩji Cristo”, yi tuorūnūrāre Dios rīa ĩna ñaroca yiyiju Cristo. ¹³ Ito bajiri Dios rīati ñama ĩna ĩja. ĩre boca āmicōri ĩ rīa ñama ĩja. Masa ĩna rīa cutirona ĩna yiro bajiro meje ña. Dios rīati ĩna ñaroca Cristo ĩ yiana ñama ĩna. Ito bajiri Dios rīati ñama ĩna ĩja. Ito yicōri Dioti ñami ĩna Jacu.

¹⁴ Dios oca gotiri masu manire bajiroti ruju cuticōri, mani wato ña ucuquĩ. ĩti ñami masare ti maigū, ito yicōri riojo gotigu. ĩ, Dios Macu sīgū ñagūre ticōri, “ĩti

ñami busurise rucogu. Ī Jacure bajiroti rētoro ñasagu ñami ĩ cuni”, yi tuoia mani. ¹⁵Juan idé guri masu, Cristore busi ĩsigũ ado bajiro masare gotiquĩ ĩ ejaroca:

—Ñni gaye gotisugogu, ado bajiro muare goticu yu. “Yu berojua sigũ ejaqu yiguĩji. Yu berojua ejaqu ñabojaguti, yu rētoro ñasagu ñagũ yiguĩji ĩ. Yu riojuaju ñacãni ĩ”, yi goticu yu, yiquĩ Juan idé guri masu, masare gotigu.

¹⁶Mani jeyaro queno ĩ yirise boca amisotia mani. Manire ĩ queno yiado bajiroti manire queno yitĩñami maji. ¹⁷Moisés ñayoruna suoriti bucura ina rotire gaye manire ejayija. Dios manire ĩ ti mairise gayeama, ĩ oca riojo ñasarise cuni, Cristona suoriti manire ejayija. ¹⁸Sigũjua Diore tigu maquĩji. Ī Macu sigũti ire tiguĩji. Ī ñaguĩji ĩ Jacu robo bajiroti corocõ tuoĩagũ. “Ito bajiro bajigu ñami Dios”, mani yi masitoni, manire riasogu ñami Cristo.

Jesucristore Juan ĩ busi ĩsire gaye

(Mt 3.11-12; Mr 1.7-8; Lc 3.15-17)

¹⁹Paia mesare ito yicõri levita masare cuni cõani judio masa Jerusalén gãna. “¿Ñimu ñati mu?” Juan idé guri masure ina yi seniãtoni ñnare cõani ina. ²⁰Ito bajiro ire ina seniãaja tuocõri, riojo ñnare cudiquĩ Juan idé guri masu:

—Yu, Cristo Dios ĩ cõaru meje ña yu, yiquĩ Juan ñnare.

²¹Mucana tudi ire seniãa quenocã ina:

—¿Ito yijama ñimujua ñasati mu? ¿Elías, Diore goti ĩsiri masujua ñatite mu? yi seniãacã ina ire.

—Ī meje ña yu, yiquĩ ĩ ñnare.

Ito yija mucana tudi ire seniãacã ina:

—¿Muti ñati Diore goti ĩsiri masu, “Ejaqu yiguĩji”, ñna yicacu? yi seniãacã ina Juan idé guri masure.

—Ī meje ña yu, yiquĩ ĩ.

²²Ito ĩ yija tuocõri, ado bajiro yicã ina:

—¿Ñimujua ñasati mu? yicã ina. Guare roticõarãre oca ami tudi wa amoa gua. Mumasiti mu gaye, ¿no bajiro guare gotiati mu? yi seniãacã ina Juan idé guri masure.

²³Īna ito yija tuocõri, ado bajiro cudiquĩ ĩ ñnare:

—Yuti ña, yucu manojua masare oca seoro goti ucugu: “Mani Uju ĩ ejaroto riojua, mua ñeñaro yirise jidicãcõri ire ña yucãña”, yi goti yuri masu ña yu. Isafas ñayoru, Diore goti ĩsiri masu, ĩ yiado bajiroti yi gotia yu cuni, yiquĩ Juan idé guri masu ire oca seniãacãnare.

²⁴Juan idé guri masu tu oca seniãarã ejacãna, ñna ñañi fariseo gaye tuoĩarã ina cõana. ²⁵Mucana tudi ire seniãacã ina:

—Ito yija, Cristo meje ñabojaguti, Elías meje ñabojaguti, Diore goti ĩsiri masu meje ñabojaguti, ¿no yija masare idé guati mu? yi seniãacã ina Juan idé guri masure.

²⁶Īna ito yija tuocõri, ado bajiro cudiquĩ ĩ:

—Yũ masare idé guja, idenagoti idé gua yũ. Sîgũ ñami ado mani wato mua masibicu. ²⁷Yũ rëtoro ñasagu ñami ï. Yũ bero ejarũ ñabojaguti, yũ rëtoro ñasagu ñami ï. Ñre bajiro bajigu meje ña yuama. Yũ rëtoro quenagũ ï ñajare ï rãca corocõ ñado ma yũ. Ito bajiro quenagũ meje ñacõri ï ya guboco õja masíbea yũ, yiquĩ Juan idé guri masũ ñre seniãcãnare.

²⁸Jordán wame cutirisa tũju masare Juan idé guroca ito bajiro rëtacũ. Betania wame cutirija ñacu itiju, Jordán tunima.

Oveja Macũ robo bajigu ñami Jesús, yire gaye

²⁹Ito bero gaje rãmũ, Jesús gua tũju ï wadija tiquĩ Juan idé guri masũ. Ito bajiri masare ado bajiro gotiquĩ ï:

—Tiya mua, ñani ñami Dios yagu, Oveja Macũ robo bajigu. Masa ñna ñeñaro yirise waja yi ñsirocũ ñari Oveja Macũ robo bajiro bajigu ñami ï. Ñti ñami adi macãrucũro gãnare ñna ñeñaro yirisere waja yi ñsiri masũ. ³⁰Ñ gaye gotisũogũ, ado bajiro mũare goticu yũ: “Yũ berõjua sîgũ ejagu yiguĩji. Yũ berõjua ejagu ñabojaguti yũ rëtoro ñasagu ñagũ yiguĩji ï. Yũ riojuaju ñacãni ï”, yi goticu yũ mũare. ³¹Yũ cuni, “Ñ ñaguĩji”, yi masibiticũ maji. Ado ña yũ masare idé gugũ. “Ñni ñami Dios ï cõaru”, mani ñarã cuni ñna yi masitoni, yi gotia yũ, yiquĩ Juan idé guri masũ Israel sita gãnare.

³²Gaje ado bajiro masare gotiquĩ ï:

—Espíritu Santo bujare bajigu ruji wadicõri, ï joejũre ï quedu jeaja ticũ yũ. ³³Ñre tibojaguti, “Ñti ñaguĩji Cristo”, yi masibiticũ yũ maji. Yũre masare idé gu roticacũ, yũre ï gotigore tũoĩa bũjacõri, “Ñani ñami Cristo”, yi masicũ yũ ñja. Ado bajiro yũre gotiquĩ ï yũre idé gu roticacũ: “Sîgũre Espiritu Santo ï quedu jeaja, mũ tija, Ñti ñami masare Espiritu Santo queo sãgũ”, yiquĩ yũre idé gu roticacũ. ³⁴Ñre tigorũ ña yũ. Ito bajiri, “Dios Macũ ñami ï”, yi masia yũ, yi gotiquĩ Juan idé guri masũ, masare gotigũ.

Jesús rãca riasotisũoana gaye

³⁵Ito bero gaje rãmũ ito ñacu gua mũcana. Jũarã ñacu gua Juan idé guri masũ rãca riasotirã. ³⁶Jesús ï rëta waja ticõri, ado bajiro gũare gotiquĩ Juan idé guri masũ:

—Tiya, ñani ñami Dios yagu Oveja Macũ robo bajiro bajigu, mani ñeñaro yirise waja yi ñsiri masũ, yiquĩ Juan gũare.

³⁷Ito bajiro ï yija tũocõri, Jesure sũya wacũ gua ñja. ³⁸Ito bajiro gua ñre sũya waja jũda ticõri, ado bajiro yiquĩ Jesús:

—¿Ñere ãmarã yati mua? yiquĩ Jesús gũare.

—Riasori masũ, ¿noju ñati mũ ñaro? yi seniãcũ gua Jesure.

³⁹—Adõju tirã waya maji, yi cõdiquĩ Jesús gũare.

Ito ï yijare ñre sũya wacõri, ï ñaroju ticũ gua ñja. Ito bajiri iti rãmũ ï rãcati ñarã rãioocacũ gua. Yucũ wecacõ tũjaquĩ ñmacañi.

⁴⁰ Juan idé guri masure tʷocōri, yu rāca Jesure sʷaya wacu ñaquĩ Andrés. Ĩ ñaquĩ Simón Pedro ocabaji. ⁴¹ Jesure ti masicōri, ĩ rījoru Simónre gotirocu āmagũ waquĩ ĩ. Ĩ rījoru tʷu ejaçōri, ado bajiro gotiyijũ Andrés:

—Dios ĩ cōaru Cristore bujacōa yu, yi ejayijũ ĩ.

⁴² Ito yija, Simónre gua tʷju āmi wadiquĩ Andrés. Simónre ticōri, ado bajiro yiquĩ Jesús:

—Mu ña Simón, Jonás macu. Ito bajibojarocati Pedro wame cutigu yigʷja mu ĩja. Gũtagã yireoni ña iti, yiquĩ Jesús Simónre.

Natanael, Felipere cʷni Jesús ĩ jire gaye

⁴³ Ito bero gaje rʷmu, Galilea wame cutirita tʷju waquĩ Jesús. Itoju ejaçōri, Felipe wame cutigure bujaquĩ. Ito yicōri ado bajiro ĩre yiquĩ Jesús:

—Yu rāca waya, yiquĩ Jesús ĩre.

⁴⁴ Betsaida wame cutiri cʷto gagʷ ñaquĩ Felipe. Pedro ocabaji Andrés cʷni ĩna ñaro ñacu ito. ⁴⁵ Jesure tʷocōri, Natanaelre āmagũ waquĩ Felipe. ĩre bujaçōri, ado bajiro ĩre gotiyijũ ĩ:

—Moisés ñayoru Dios ĩ rotire ucagu, ĩ uca gotirure bujaçōmu yu ĩja. Diore goti ĩsiri masa ĩna ucarure bujaçōmu yu ĩja. Ĩ ñami Jesús, Nazaret gagʷ, José wame cutigu ĩ masoru, yiyijũ ĩ Natanaelre gotigu.

⁴⁶ ĩ ito yija tʷocōri, ado bajiro seniayijũ Natanael:

—¿Nazaret gagʷ ĩ ñaja quenagũ ñaguĩjida muca? yi seniayijũ ĩ Felipere.

—Waya tito, yiyijũ Felipe Natanaelre. Ito bajiro yicōri gua tʷju ejaçã ĩna ĩja.

⁴⁷ Natanael ĩ ejaja ticōri, ado bajiro yiquĩ Jesús:

—Sīgũ Israel sita gagʷgoro ejaquĩ ado. ĩre ruore ma, yiquĩ Jesús, Natanaelre ticōri.

⁴⁸ Ito ĩ yijare:

—¿No bajiro yure ti masiati mu? yi seniāquĩ ĩ Jesure.

—Felipe mure ĩ jiroto riojua, higuera wame cutiricu roca mu rŷgōroca tibʷ yu mure, yiquĩ Jesús ĩre.

⁴⁹ Ito ĩ yija tʷocōri:

—Yure Riasogu, muti ña Dios Macu, ito yicōri gua Israel sita gāna Uju ña mu, yiquĩ Natanael Jesure.

⁵⁰ Ito ĩ yija tʷocōri, ado bajiro cʷdiquĩ Jesús ĩre:

—Higuera wame cutiricu roca mu rŷgōroca mure tibʷ yu, ¿mure yu yija, yure tuorũnati mu? Gaje iti rêto busaro bajirise tigu yigʷja mu, yiquĩ Jesús ĩre.

⁵¹ Gaje ado bajiro gotiquĩ Jesús guare:

—Riti mure gotia yu. Macārucūro soje iti janaroca, Yu Masa Rījoru tʷju, ángel mesa yu tʷju ĩna rujija, ĩna mujaja cʷni tirã yirãji mu, yiquĩ Jesús guare.

Caná wame cutiri cʷtoju ĩna āmo siare gaye

2 ¹ Jua rʷmu bero Galilea sita Caná wame cutiri cʷtoju āmo siare ñaro wado yicu. Jesús jaco cʷni ñacō itoju. ² Gua Jesús rāca riasotirãre cʷni

basa guare goticã ñna. Ito bajiri gña cuni Jesús rãca ñacũ itojũ. ³Ito bajiro gña idi ñaroça, uýe ide jedicoacũ. Ito bajija ticõri, Jesús jaco ado bajiro yicõ ñre:

—Uýe ide jedicoajũ ñja, yicõ iso Jesure.

⁴Iso ito yija tuocõri:

—¿Cana, no yija yũre iti gotiati mũ? Tiyamani yũ ñoroti ejabea maji, yiquĩ Jesús isore.

⁵Ito bajiro ñ yija tuocõri, iori masare ado bajiro yicõ iso:

—Jeyaro ñ rotiro bajiroti cãdiya, yicõ iso ñnare.

⁶Itojũ ñacũ ide gõnaradũri, gũtana ñna menira sotũri. Coga ãmojeno sotũri ñacũ. Ide gõnacõri bũcũrã ñna rotiado robo bajiro ñna coesotiri sotũri ñacũ iti sotũri. Cincuenta, setenta cuni ide coari dajarise ñacũ iti sotũri. ⁷Iori masare ado bajiro rotiquĩ Jesús:

—Adi sotũrire ide jio dajoya, yiquĩ Jesús ñnare.

Ito ñ yija tuocõri, iti sotũri ñarocõti jio dajocã ñna. ⁸Ñna cãdiya ticõri, ado bajiro rotiquĩ Jesús ñnare:

—Jabeto gõnacõri, basa uýũre ñsitẽña mũa, yiquĩ ñ ñnare.

Ñ rotiro bajiroti yicã ñna. Basa uýũre ide iocã ñna. ⁹Iti ide ñ boca idija, uýe ideti ñacoacũ iti ñja. “Ito gaye ñaroja”, yi masibitiquĩ ñ. Iori masa riti masicã ñna ãmiadore. Iti idicõri, mame manajo cõtũgũre ji ñucaquĩ basa uýũ. ¹⁰Ñ ejaroca ado bajiro ñre yiquĩ ñ:



(San Juan 2.7-8)

—Gãjerãma, basa ñna menisũoja, quenarise iosũocã. Jairo masa ñna idija bero quenasabiti ide iocã ñna. Muãma gaje idire rẽtoro quenarise seoyija mu. Adocãta mu iorise quenarise ña, yiquĩ basa uju mame manoyo cutigure.

¹¹Iti ñacu tiyamani Jesús ï iosũore Galilea sita, Canã wame cutiri cutoju. Iti ticõri, rẽtoro ï masirise ï ñoja, ticu gua, ï rãca riasotirã. Ito bajiri ïre tuorũnucũ gua ïja.

¹²Iti basa rõtaja bero Capernaum wame cutiri cutoju wacu gua Jesús rãca. ï jaco, gua ï rãca riasotirã, ï ñarã cuni ï rãca wacu gua. Itoju yoa busari ña ucucu gua.

Niyeru wasoari masare Jesús ï bucõare gaye

(Mt 21.12-13; Mr 11.15-18; Lc 19.45-46)

¹³Judio masa pascua basa ñna meniroti rumũ riojuaca rumũ Jerusalénju wacu gua Jesús rãca. ¹⁴Itoju Dios ya wi ejacõri, ta wecua, oveja, buja ïsiri masare ti bujaquĩ Jesús. Ito yicõri niyeru wasoari masa ñna rujiadoju, ñna rujiata ti bujaquĩ ï. ¹⁵Ito bajiro ñna yi ñaja ticõri, bajera ma meniquĩ Jesús. Ito bajiro yicõri, ñna ya wecua rãca, ñna ya oveja rãca Dios ya wi ñarãre bucõaquĩ Jesús. Niyeru wasoari masa ya niyeru cujirire ware batecõquĩ ï. ñna ya casabori gaye tujuda queoquĩ Jesús. ¹⁶Ito yicõri, buja ïsiri masare ado bajiro yiquĩ Jesús:

—Ñna mua ïsironare ãmi budi wasa mua. Yu Jacu ya wire gajeoni ïsira wi godo weobesa mua, yiquĩ Jesús ñnare.

¹⁷Ito bajiro ï yija tuocõri, Dios oca tuti gotire tuoia bujacu gua ï rãca riasotirã: “Buto mu ya wire tuoia rucabũoa yu”, yi Dios oca tuti gotire gaye tuoia bujacu gua.

¹⁸Ito yija ito ñarã judio masa Jesure seniãcã:

—¿No bajiro ïogũ yigujada mu, “Dios ï rotirena waibucurã ïsiri masare bucõa mu”, gua yitoni? yi seniãcã ñna Jesure.

¹⁹Ñna ito yija tuocõri, ado bajiro cudiquĩ Jesús ñnare:

—Adi Dios ya wire mua ruyurioja, udia rumũ beroti mucana tũdi iti wire jorojogu yiguja yu, yiquĩ Jesús ñnare.

²⁰Ito ï yija tuocõri:

—Cuarenta y seis rodori sejayjarã ñna adi wi menirã. Muãma, “Udia rumũ beroti jorojoguja”, ¿yire masiati mu? yicã ñna Jesure.

²¹Ito bajiro Dios ya wire Jesús ï tuoia busija, ï ya ruju gayere busigu yini Jesús.

²²Iti Jesús ï busigore mucana tũdi Jesús ï catirocaju, ï busigore tuoia bujacu gua, ï rãca riasotigoana. Ito bajiri Dios oca ï busigore cuni tuorũnucũ gua ïja.

Mani tuoiarise masi jeogu ñami Jesús, yire gaye

²³Jerusalén ñacõri, pascua basa ñna meniroca jaje tiyamani masare ïoquĩ Jesús. Ito bajiro ï yijare, jãjarã masa ïre tuorũnucã ñna ïja. ²⁴“Masa jeyaro ñeñaro yirã ñama”, yi ti masicõri, ñnare queno tuorũnucabitiquĩ Jesús. ²⁵Masa jeyaro ñna ya usiju ñna tuoiarise ti masigũ ñaquĩ Jesús. “Ito bajiro bajirã ñama masa”, yi tuoia masicãni Jesús.

Nicodemo Jesús tũ ĩ ejare gaye

3 ¹Sĩgũ fariseo gaye tuoĩagũ, Nicodemo wame cutĩgũ ñayijũ. Judio masa rãca ñasagũ ñayijũ ĩ. ²Ĩ Nicodemo, ñamijũ Jesure tĩgũ ejayijũ. ĩ tũ ejacõri, ado bajiro yiyijũ ĩ Jesure:


—Riasori masũ, “Guare riasotoni mũre cõañi Dios”, yi tuoĩa gũa mũre. Mũ rãca Dios ĩ ñajare tiyamani ĩo masia mũ. Ñimũjũa gãji tiyamani mũ ĩoro bajiro yibiquĩji, Dios ĩ rãca ñabeja, yiyijũ ĩ Jesure.

³—Riti mũre ado bajiro gotia yũ. No mũcana tũdi rujea quenobicũ Dios ĩ rotirojũ tibiquĩji, yiyijũ Jesús Nicodemore.

⁴Ito ĩ yija tũocõri, ado bajiro Jesure seniĩayijũ Nicodemo:

—¿No bajiro ñmũgũ jaĩgũ ñacãbojaguti mũcana tũdi rujea quenoguĩjida? ¿Jacore sãjacõri, mũcana tũdi rujea quenoguĩjida? yi seniĩayijũ ĩ Jesure.

⁵—Riti mũre gotia yũ. Masa jeyaro jacona rujearãji. Ito bajibojarocati Espĩritu Santona rujeabicũ Dios ĩ rotirojũ ejabiquĩji. ⁶Masana rujeana, masati ñarãji. Espĩritu Santona rujeana ĩ ya usina catitĩnarã yirãji ĩna. ⁷“No Dios tũjũ eja ãmoja, mũcana tũdi rujea quenoja quena”, ya yũ mũre. Ito bajiro yũ yija, tũo ucabesa mũ. ⁸Mino iti ãmoro bajiroti wẽa ñucaro yiroja. Mino iti udija



(San Juan 3.1-15)

ttoa mani. Ito bajibojarocati, “Ito gaye wadiroja, ito waroja”, yi masibea mani. Ito bajiroti bajigu ñami Espiritu Santo cuni. “Ñimujare itocõ rujea quenogũ yiguji Espiritu Santo”, yi masibea mani, yiyiju Jesús Nicodemore.

⁹Ito yija macana tãdi seniãa quenoyiju Nicodemo:

—¿No bajiro bajirojada iti? yi seniãayiju i Jesure.

¹⁰Ado bajiro ãre cudiyiju Jesús:

—Israel sita gãnare riasori masu ñasagu ña mu. ¿Ito bajiboguti adi gayeama masibeati mu? ¹¹Riti mre gotia yu. Yu masirisere busia yu. Ito yicõri yu tigare mre gotia yu. Ito bajibojarocati yu gotirisere queno tuorũnubea mu. ¹²Adi sitaju gaye yu busirise mu tuorũnubeja, Dios i ñaroja gaye yu busija cuni, tuorũnubicu yiguja mu, yiyiju Jesús ãre.

¹³Gaje ado bajiro gotiyiju Jesús:

—Sĩgũ ãmacũju mujagoru maquji. Yu sĩgũti ña ãmacũjuna ruji wadicõri macana tãdi itoju mija warocu. Yu ña Masa Rĩjoru. Yũti ña itoju mija warocu. ¹⁴Jane mejeju Moisés ñayoru yucu manojũ ña ña ucuroca yucu joe ñãare jeoyiju, masa ña ti muotoni. Ñãare ti muocõri ñãa cuni ecoana ñabojarãti godabisjarã ña. Ito bajiroti yu cuni Masa Rĩjoru, yucuna muo ecogu yiguja. ¹⁵No yare tuorũnugũti godabicu yiguji catitĩnagũ yiguji, yiyiju Jesús Nicodemore gotigu.

Ñajediro masare Dios i maire gaye

¹⁶Ñajediro masare buto maiyiju Dios. Ito bajiri i Macu sĩgũ ñagũre cõayiju, masare i goda isitoni. No Jesure tuorũnugũti godabiquji, catitĩnagũ yiguji. ¹⁷Adi macãrucũro gãnare i ruyuriotoni meje i Macure cõayiju Dios. Ado robojua bajiyiju. Masare masojaro yirocu i Macure cõayiju Dios.

¹⁸No i Macure tuorũnugũre waja senibicu yiguji Dios. No Dios Macu sĩgũ ñagũre tuorũnubicu, i tuorũnubitire waja ãre ruyuriogu yiguji Dios. ¹⁹“Yu Macure tuorũnũmenare ñare ruyuriogu yiguja yu”, yicãni Dios. Ado bajiro bajia: Busurise rucogu ñari masa ña tuo masiroca yi masiami Jesús. Ito bajiri adi tuti ejacõri, “Ñeñaro yirã ña mani”, masa ña yi masiroca yĩni Jesús. Buto ñeñaro yi jairã ñari busurise rẽtoro rãitĩarisere amoyijarã ña. Quenarise yi amobiticõri ñeñarisejũare riti buto yi amoyijarã ña. Ito bajiri Jesure ña tuorũnubitire waja jeame mũjoroju ñare cõagũ yiguji Dios. ²⁰Ñeñaro yirã ñarocõti busurise ti teama ña. Ito bajiri busurise rucogu yu ñajare, yũre boca amimenaji ña. Ña ñeñaro yirise goabe yirona yũre boca amimenaji ña. ²¹Oca riojo gotire cudirãma, yu busurise rucogũre boca amirã yirãji ñama. Ito bajiri ña queno cudija ticõri, “Ña queno yiroca yami Dios”, yi ti masirã yirãji gãjerã, yiyiju Jesús Nicodemore.

Juan idé guri masu Jesús gayere i gotire gaye

²²Ito yija bero, gũa Jesús rãca riasotirã i rãca Judea sitaju wacu. Itoju yoa busari i rãca masare idé gu ñacu gũa. ²³Juan idé guri masu cuni Salim cuto sõjua Enõn wame cutiri cutoju masare idé gu ñayiju i cuni. Itoju ide jairo iti

ñajare, masa jājarā idé gu rotirā ejayijarā. Ito bajiri ñinare idé guyijū Juan. ²⁴Ito bajiro rētayijū, Juan idé guri masure ñna tubiaroto riojua.

²⁵Ito baji ñaroca coriarā Juan idé guri masu rāca riasotirā, sīgū judio masu rāca gāmeri busi ñayijarā ñna. “Bucurā ñna rotiado bajiro mani cūdija ticōri, mani ñeñaro yirisere coegu yiguūji Dios”, yi gāmeri busi ñayijarā ñna. ²⁶Ñna gāmeri busija bero Juan tu ejacōri ado bajiro seniñayijarā ñna:

—Guare riasogu, ¿Jordán wame cūtirisa siduja mu tigorure masiati mu? Í gayere guare busibu mu. Adi rumuri buto masare idé guguūji. Ito bajiri masa ñre riti sūyarāji ñna, yi gotiyijarā ñna Juan idé guri masure.

²⁷Ñna ito yija tuocōri:

—Ñe manoti ñarāji masa, Dios í isibeja. Dioti ñami masa ñna moaroti cūri masu. ²⁸“Yū meje ña Cristo. Í ejaroto riojua Dios í cōa yuru ña yū”, yiari mūare goticācu yū. “Ito bajiro gotiquí Juan guare”, yi masirā ña mūa, yiyijū Juan í rāca riasotirāre. ²⁹Goti masiore ocana ado bajiro gotiyijū Juan: “Ámo siari rumu isore ñiagū, iso manujū ñarocu ñaguūji í. Í, ámo siagu baba, í ámo siare gaye í tuoja buto wanu quenagū yiguūji í. ‘Masare idé gugu yiguūji’, mūa yija tuocōri, itire bajiroti wanu quena yū cūni. ³⁰Yū rētoro ñasagu í ñare ámoa yū. Yūre ñna rucuburo rēto busaro masa ñre rucuburo ámoa yū”, yiyijū Juan í rāca riasotirāre.

Ūmacūju wadiru ñami Cristo, yire gaye

³¹Ūmacūju gagu wadiru, í ñami ñasagu. Ñimū gāji í rētoro ñasagu maquūji. Adi macārucūroju rujearu í ñami adi macārucūro gagu. Ito bajiri adi macārucūro gaye busiami í. Ūmacūju gagu wadiruama í ñami ñasagu. ³²Í tigore, í tuogore cūni busiami íocū. Ito bajibojarocati, noajua queno tuorūnubeama í busirisere. ³³No ñre tuorūnūgūti, “Queno riojo yigu ñami Dios”, yi masiguūji íocū. ³⁴Dios í cōaruama Dios ocareti gotiguūji. Jabetacā meje í ya usi queo sīgū yiguūji Dios ñre. ³⁵Í Macure maigū, “Jeyaro rotijaro í”, yirocu Cristore cūni mani Jacu Dios. ³⁶No Dios Macure tuorūnūgūti catitūñagū yiguūji. Í Macure tuorūnubicuama catitūñare bujabicu yiguūji. Íocūreama buto ñeñaro í tōbjaroca yigu yiguūji Dios.

Samaria sita gago rāca Jesús í busire gaye

4 ¹“Juan rēto busaro masare idé guami Jesús, ito yicōri ñre jājarā busa sūyama ñna”, yire gaye masiñi fariseo gaye tuoñarā. ²Quenogoroama Jesús meje masare idé guquí. Gūa Jesús rāca riasotirāju masare idé gucu gūa. ³Fariseo gaye tuoñarā ñna masija tuocōri, Judea sitare wacoacu gūa Jesús rāca. Ito yicōri Galilea sitaju wacu gūa mūcana.

⁴Ito warā riti Samaria sitaju ejacu gūa. ⁵Ito rēta wacōri, Sicar wame cūtiri cūtoju ejacu gūa. Iti cūto Jacob ñayoru í macu Josére isira sita tu ñacu iti cūto. ⁶Itoju ñacu Jacob ñayoru ya ide goje. Boga wadiru ñari iti goje tu eja rījūquí Jesús. Ūmūa gudareco ejarecōro ñacu. ⁷⁻⁸Gūama í rāca riasotirā cūtoju wacu bare waja yirā warā. Itoju Jesús í rujiroca, sīgō Samaria sita gago ide gōnagō ejayijo. Iso ejaja ticōri, isore ado bajiro ide seniijū Jesús:

—Ide ioya yure, yiyijũ ï isore.

⁹Ide ï senija tũocõri, ado bajiro yiyijo Samaria sita gago:

—¿Mũ no yija judio masũ ñabojaguti, yũ Samaria sita gagore ide seniati mũ? yiyijo iso Jesure. Samaria sita gãna rãca judio masa rãca queno baba cutibiticõri, ito bajiro yiyijo iso.

¹⁰Iso ito bajiro yija tũocõri:

—Dios ï ïsiroti mũ masija, ito yicõri, “Ï ñami yure ide senigũ”, mũ yi masija, yũjũare ide seniboroja mũ. Ito bajiro mũ yija, ide catitĩñare gaye mũre ïsiborũja yũ, yiyijũ Jesús isore.

¹¹Ito ï yijare:

—Ñena ide gõnare ma mũre. Jubejũ ña ide goje. ¿Nojũ gaye yure ide catitĩñare gaye ïsigũ yigũjada mũ? ¹²Mani riojũa gagũ Jacob ñayorũ adi goje ide gojere cũni ï. Ï cũni idiñi iti goje gaye. Ï rĩa cũni idiñi. Ï ya ecana cũni idiñi. ¿Ï rẽto busaro ñasagũ ñati mũ? yiyijo iso Jesure.

¹³Ito bajiro iso yija tũocõri, ado bajiro cudiyijũ Jesús isore:

—No adi goje gaye ide idibojarãti, mũcana tũdi idi ãmocoarã yirãji. ¹⁴No ide catitĩñare gaye yũ ioana, mũcana tũdi idi ãmomena yirãji. Yũ ñnare ide iorise ide ïmaburi goje robo bajiro ïmabato ñaro yiroja, ñna catitĩñatoni, yiyijũ Jesús isore.

¹⁵Ito ï yija tũocõri:

—Yũ Ëjũ, iti gaye ide ãmoa yũ cũni, mũcana tũdi ide yũ idibe yiroco. Ito yicõri mũcana tũdi adi goje gõnagõ wadibe yiroco, yiyijo iso Jesure.

¹⁶Ito yija, ado bajiro yiyijũ Jesús isore:

—Wasa, mũ manũjũre jitẽña, ito yicõri adoju waya, yiyijũ Jesús isore.

¹⁷Ito ï yija ado bajiro cudiyijo iso:

—Manũjũ maco ña yũ, yi cudiyijo iso.

—“Manũjũ maco ña yũ”, mũ yirise riti ya mũ. ¹⁸Co dũjamocõ ïmũa rãca ñagoro ña mũ. Ito bajicõri adocãta mũ rãca ñagũ, mũ manũjũ meje ñami ï. Ito bajiri, “Manũjũ maco ña yũ”, mũ yiriseama riti ya mũ, yiyijũ Jesús isore.

¹⁹Ito ï yija tũocõri, ado bajiro yiyijo iso ïre:

—Yũ Ëjũ, jeyaro masigũocũ ña mũ. “Diore goti ïsiri masũ ñami ãni”, ya yũ mũre. ²⁰Gũa Samaria sita gãna ñicusabatia, adi buroju Diore rũcũbuoñi. Mũa judio masama, “Jerusalénjũ Diore rũcũbuoja quena”, ya mũãma, yiyijo iso Jesure.

²¹Iso ito yijare:

—Yure tũorũñũña romio mũ. Co rãmũ Diore mũa rũcũbuoroti rãmũ ejaro yiroja. Adi buro meje, ito yicõri Jerusalénjũ wamenati Diore rũcũbuo ñarã yirãji mũa. ²²Mũa Samaria sita gãna, mũa rũcũbuorocũre queno masibeã mũa maji. Gũama, gũa rũcũbuorocũre queno masia. Gũa judio masana sũoriti masare masogũ yiguĩji Dios. ²³Ija ñaro yiroja, ito yicõri adocãta cũni ña, riojo Diore masa ñna rũcũbuo ãmosaja, ñna ya usijũ ïre rũcũbuorã yirãji ñna. Ito bajiro ïre rũcũbuore ãmoami mani Jacũ. ²⁴Rujũ meje ñami Dios. Usiti ñami ï. Ito bajiri Dios ï ãmoro bajiro riti Espiritu Santo ï ejabũarisena Diore mani rũcũbuoja quena, yiyijũ Jesús isore.

²⁵Ito ī yija t̄ocōri, ado bajiro yiyijo iso:

—Dios ī cōarū, Mesías ejagū yiguīji, yi tuoīa yū. Ī ñaguīji Cristo īna yigū. Ī ejagūjū, guare queno goti rētobugū yiguīji, yiyijo iso Jesure.

²⁶Iso ito yija:

—Yū adocāta mure busigū, īti ña, yiyijū Jesús isore.

²⁷Ito bajiro ī yi ñaroca, t̄udi ejacū gua ī rāca riasotirā. Romio rāca ī busija ticōri, jabeto ti ũcacū gua. Ito bajibojarocati, “¿Ñe gaye ĩre āmoati mū? ¿Ñe gaye isore seniīati mū?” yi seniīabiticū gua. ²⁸Ito yirocati ide gōnaradū jidi rojocōri c̄toju wacō iso. C̄toju ejacōri, masare ado bajiro gotiyijo iso:

²⁹—Jeyaro yū yigore, “Ado bajiro yicū mū”, yi gotigure tirā waya m̄ua c̄ni. ¿Cristo meje ñaguījida m̄uaca? yiyijo iso masare.

³⁰Ito bajiro iso yija t̄ocōri, Jesure ti āmorā gua t̄u ejacā iti c̄to gāna.

³¹Ito bajiroca riti:

—Guare riasogu, jabeto baya maji, yi josa ñacū gua.

³²Ito gua yibojarocati, ado bajiro c̄diquī Jesús:

—M̄ua masibiti, yū baroti ñacā yure, yiquī Jesús guare.

³³Ito bajiro ī yija t̄ocōri:

—¿Sīgū ĩre bare cūgū ejarūda? yi gāmeri seniīas̄ocū guamasiti.

³⁴Ito bajiro gua gāmeri busija t̄uo masicōri, ado bajiro yiquī Jesús guare:

—Yure cōarū ī āmoro bajiro yū yija, ito yicōri iti moare yū gajanoaja, iti ña yū ya bare bajiro bajirise. Masama bare ba wan̄sotiamā. Yūama yure cōarū ī āmoro bajiro yicōri wan̄ua yū. ³⁵“Juararā ūmacañi r̄aya maji, ote iti buc̄haroto”, ote wese ũjū ī yiado bajiro yi t̄uoīabesa m̄ua. “Masare Dios oca mani riasorijū ejabea maji”, yi t̄uoīabesa m̄ua. Yūama ado bajiro ya: Ote buc̄nac̄oajū ĩja, adocāta āmija quena. Tiya, masa jājarā yure t̄uor̄ūn̄uroca ñacāma ĩja. Adocāta ĩnare riasoja quena. ³⁶No ote miojuguti, waja boca āmigū yiguīji. Itire bajiroti, no yure masa ĩna t̄uor̄ūn̄uroca yigure ĩre queno waja yigū yigūja yū. Ī ñami catit̄ñare gaye masa ĩna buja masiroca yigū. Ito bajiri yū oca masare riasogu c̄ni, yure masa ĩna t̄uor̄ūn̄uroca yigū c̄ni corocōti wan̄urā yirāji ĩna. ³⁷Riti baja buc̄urā ĩna busigore: “Sīgū ñaguīji otegu. Gāji ñaguīji itire miojugū”, yiyijarā buc̄urā. Riti baja iti. T̄uote. Coriarā ñama yū oca masare riasorā. Gājerā ñama yure masa ĩna t̄uor̄ūn̄uroca yirā. ³⁸Ote wese ũjū ricare mioju rotigū yiguīji ī ya moari masare, otegoana meje ĩna ñabojarocati. Yū c̄ni ito bajiroti m̄uare cōa, yure masa ĩna t̄uor̄ūn̄uroca m̄ua yi masitoni. Yū oca ĩnare riasos̄uoana meje ñabojarocati m̄uare cōa yū. M̄ua riojua gājerā ĩnare riasos̄uoñi. Ito bajiri josari mejeti yure ĩna t̄uor̄ūn̄uroca yi masirā yirāji m̄ua, yiquī Jesús guare.

³⁹“Jeyaro yū yigore yure gotiquī ĩ”, romio iso yi gotija t̄ocōri, jājarā iti c̄to gāna Samaria sita gāna Jesure t̄uor̄ūn̄ucā ĩna ĩja. ⁴⁰Ito bajiri iti c̄to gāna Jesure ti wan̄cōri guare tuja roticā ĩna. Ito bajiri ĩna rāca j̄ua r̄m̄ū ñacū gua. ⁴¹Jesumasiti ī riasoja t̄ocōri, jājarā busa ĩre t̄uor̄ūn̄ucā ĩna. ⁴²Jesure t̄uor̄ūn̄ucōri, ado bajiro busicā ĩna romiore:

—Mure gua tuogore gaye riti meje, ñre tuorũnua gua. Adocãta guamasiti ñre tuocõri, tuorũnua gua ñja. “Ñti ñami Cristo, adi macãrucãro gãnare masorocũ”, yi ti masia gua ñja, yicã iti cuto gãna romiore.

Ñasagu macure Jesús ñ yisiore gaye

⁴³Ito yija bero, jua rumu beroti Samaria sitana ñacõri, Galilea sitaju wasuocu gua mucana Jesús rãca. ⁴⁴Riti baja Jesús ñ busigore: “Diore goti ñsiri masure ñ ya sita gãna ñre queno rucubumenaji”, yi gotiqui Jesús guare. ⁴⁵Galilea sitaju Jesús rãca gua ejaroca, queno boca amicã ito gãna. Ñna cuni Jerusalenju pascua basa ti tũdi ejana ñañi. Ito yicõri iti basa rumuri jeyaro Jesús ñ yigore tiana ñari seyoñi ñna cuni.

⁴⁶Ito yija bero, Galilea sitaju Canã wame cutiri cutoju tũdi wacu gua Jesús rãca. Ito ñnacũ idena uyé ide ñ godo weogoraju. Itoju ñaquĩ sigũ ujure moa ñsiri masũ ñasagu. Ñ macũ Capernaum wame cutiri cutoju cõ ñañi.

⁴⁷“Judea sitana wacõri, Galilea sitaju ejayiju Jesús”, yija tuocõri, ñre tigu ejaquĩ ujũ ya moari masũ ñasagu. Jesús tu ejaõri ado bajiro josaquĩ ñ ñre:

—Yũ ya wiju waya. Yũ macũ cõ wacu yiguñi. Yũ macure yisiogu waya, yiquĩ ñ Jesure.

⁴⁸Ito ñ yija tuocõri, ado bajiro yiquĩ Jesús:

—Tiyamani mua tibeja, yũre queno tuorũnubea mua, yiquĩ Jesús ñre.

⁴⁹Ito bajiro ñ yibojarocati:

—Yũ Uju coji waya, yũ macũ ñ godare amobeja yũ, yiquĩ moa ñsiri masũ ñasagu Jesure.

⁵⁰Ito ñ yija tuocõri:

—Mũ ya wiju tũdi wasa. Mũ macũ catiguñi, yiquĩ Jesús ñre.

Ito bajiro Jesús ñ yija tuocõri, “Riti gotiami Jesús”, yi tuorũnucũ ñ. Ito bajiri ñ ya wiju tũdi wasuocũ ñ ñja. ⁵¹Ñ ya wiju ejaquũ wagu ñ yiroca ñre ejaõari masa ado bajiro ñre goti bocayijarã ñna:

—Mũ macũ caticoami ñja, yiyijarã ñna.

⁵²Ñna ito yija tuocõri:

—¿Nocãta catisuori yũ macũ? yi seniñayiju ñ ñnare.

—Ñamica, umacãni ñ juja rũgũrijũ, ñre ñiotarjobu, yiyijarã ñna, ñna ujure.

⁵³Ito bajiro ñna yija tuocõri, tuoña bujayiju ñ. “Itocõ umacãni ñ juja rũgũrijũti, ‘Mũ macũ catiguñi’, yi gotimida Jesús yũre”, yi tuoña bujayiju ñ. Ito bajiri ñ, ñ ñnarã cuni Jesure tuorũnucũ ñna ñja.

⁵⁴Iti ñnacũ bero gaye tiyamani Jesús ñ ñore, Judea sitana, Galileaju tũdi ejaõri, ñ ñore gaye.

Cõ ñarure Jesús ñ yisiore gaye

5 ¹Ito bajija bero mucana tũdi basa menicã judio masa. Ito bajiri itire tigu waquĩ Jesús mucana Jerusalenju. Ñ rãca wacu gua cuni. ²Iti cuto Oveja wame cutiri soje tu ñnacũ masa ñna guarita. Hebreo ocana Betzata

wame cuticu itira. Itira tu co dɔjamocō juri ñacu ide ñura juri. ³Iti roca cōrā jājarā jacaju cūñacā. Cajea mana, queno wa masimena cuni, ito yicōri ruduana cuni ñacā itojɔ. “¿Nocāta iti jacūja tiana?” yirona bocati cūñacā ña. ⁴Co rumurea ángel ruji ejacōri, ide jacūroca yini. Ito i yija bero, no itira cajero quedo roasugureti i ñarise cutirise rētaoayijɔ ija. ⁵Itojɔ cōrā wato sigū ñaquī treinta y ocho rodori cō ñarɔ. ⁶Ī cūñaja ticōri, “Yoariguti cōri seyoñi ãni”, yi tiquī Jesús ñre. Ito bajiri ado bajiro ñre seniñaquī Jesús:

—¿Mucana tɔdi cati quenagū ña ãmoati mɔ? yiquī Jesús ñre.

⁷Ito bajiro i yija tuocōri:

—Yɔ Uju, sigūjɔa yɔre idejɔ queo roagu mami, iti jacūroca. Coji ruyabeto yɔ ide cōo ãmbojarocati, gajerā riti yɔ riojɔa ide cōsotiana, yiquī i Jesure.

⁸Ito i yija:

—Wumña, mɔ ya cama ãmi wasa, yiquī Jesús ñre.

⁹Ito i yirocariti, queno cati quenagū ñacōaquī i mucana. Ī ya cama ãmicōri, wasoquī ĩ. Iti rumuti gua judio masa ya tujacāra rumɔ ñacu.

¹⁰Ito bajiri i ya camare i gajaja ticōri, ado bajiro yicā judio masa ñre:

—Jane tujacāra rumɔ ña. Ito bajiri mɔ ya camare gajare ma mure, yicā judio masa.

¹¹Ado bajiro cɔdiquī i cōgorɔ:

—Mucana tɔdi cati quenaroca yɔre yigɔ, ado bajiro yimi yɔre: “Mɔ ya camare ãmi wasa”, yimi i yɔre, yiquī i judio masare.

¹²Ito i yija tuocōri:

—¿Ñimɔ ñari, “Mɔ ya camare ãmi wasa”, mure yigɔ? yi seniñacā ña ñre.

¹³Ito bajiro ña seniñabojarcoti, “Ī ñami”, yi masibitiquī ĩ. Itojɔ masa jājarā ñacā. Ito bajicōri Jesuama masa jājarā watojɔ wa godacoaquī ĩ.

¹⁴Mucana ito bero Dios ya wijɔ gua ñaroca, ti bujaquī Jesús mucana i yisiorɔre. ñre ti bujacōri, ado bajiro yiquī Jesús ñre:

—Tuoya, queno tɔdi mucana catia mɔ. Mucana tɔdi ñeñaro yibeja, bɔto busa mɔ tōbujabe, yiquī Jesús ñre.

¹⁵Ito i yibojarcoti mucana tɔdi judio masa tu wacōri, “Jesuti ñami, mucana tɔdi yɔ cati quenaroca yigɔ”, yi judio masare gotiñi ĩ. ¹⁶Ito bajiro i yija tuocōri, Jesure sīa ãmorā usirio codecā ña. Tujacāra rumɔ ñabojarcoti cōgure i yisioja ticōri, ñre sīa ãmocā ña. ¹⁷Gua tujɔ ña ejaja ticōri, ado bajiro yiquī Jesús ñare:

—Moatīnagū ñami yɔ Jacɔ. Ito bajiri yɔ cuni moatīña, yiquī Jesús ñare.

¹⁸Ito bajiro i yija tuocōri, bɔto busa ñre sīa ãmocā ña. Tujacāra rumɔ ñaroca cōgure i yisiorɔna sɔori meje, ñre junisinicā ña. “Dios ñami yɔ Jacɔ”, Jesús i yija tuocōri, “Dios robo bajiro ñasagu ña yɔ”, yirocɔ yami ĩ, yi tuoñacā ña. Ito bajiri bɔto busa ñre sīa ãmocā ña ija.

Dios Macu ñari i rotirisena suori Jesús i ñare gaye

¹⁹Ito bajiro ña t̄oĩaja ti masic̄ori, ado bajiro yiquĩ Jesús, ñare:

—Riti m̄are gotia yu. Yu, Dios Macu, yu ãmoro bajiro riti meje ya yu. Yu Jacu i yirise tic̄ori, ito bajiro ya yu. Jeyaro yu Jacu i yiro bajiro ti yu i Macu c̄uni ito bajiro ti ya. ²⁰Yu Jacu yure maic̄ori, jeyaro i yirise yure ioami i. Ito yic̄ori buto busa ñasarise yure iogũ yiguĩji maji. Ito bajiro yure i ioja tic̄ori, ti ucarã yirãji m̄ua. ²¹Godarãre m̄ucana ña t̄udi catiroca yami yu Jacu. Ito bajiri yu, i Macu c̄uni ña catiroca yu yi ãmoja, ña catiroca yigu yiguja yu. ²²Masa ña ñeñaro yirise c̄oĩagũ meje ñami yu Jacu. Yũjuare c̄ũni i, masa ña ñeñaro yirise yu c̄oĩatoni. ²³Ito bajiro yini yu Jacu, ire ña r̄uc̄buoro bajiro ti yure c̄uni ña r̄uc̄buotoni. Yure r̄uc̄buobicu, yu Jacu, yure c̄oarure c̄uni r̄uc̄buobiquĩji, yiquĩ Jesús judio masare.

²⁴Gaje ado bajiro gotiquĩ Jesús:

—Riti m̄are gotia yu. No yu busirisere tuorũnugũ, yure c̄oarure c̄uni tuorũnugũti catitĩnagũ yiguĩji i. Ioc̄ure ruyuriobicu yiguĩji Dios. Godabojaguti catitĩnagũ yiguĩji ioc̄u. Ito bajiri catitĩnagũ yiguĩji i ija. ²⁵Riti m̄are gotia yu. Yure tuorũnumena godacãna robo bajiro bajirã ñama ña. Ija ñaro yiroja, adocãta c̄uni ña, yu Dios Macu busirisere tuorã yirãji ña. Yure ña tuorũnuja, catitĩnarã yirãji. ²⁶Catitĩnare gaye r̄uc̄ogu ñami yu Jacu. Ito bajiri masa ña catiroca yi masiami i. Masa ña catitĩnaroca yu yitoni, yure c̄uquĩ C̄una. ²⁷Masa R̄ijoru, yu ñajare masare ña ñeñaro yirise yu waja senitoni, yure c̄uquĩ C̄una, ya yu m̄are. ²⁸Ito bajiro yu yija tuoc̄ori, t̄uo ucabesa m̄ua. Ija yu busirise godana jeyaro t̄uo jedirã yirãji. ²⁹Yu oca tuoc̄ori, masari cuma ñana budirã yirãji ña. Queno yigoana, t̄udi catic̄ori, Dios r̄aca catitĩnarã yirãji ña. Ñeñaro yigoanama, t̄udi ña catiroca ñare waja senigũ yiguĩji Dios. Ito yic̄ori jeame ujuoro ñare c̄oagũ yiguĩji i, yiquĩ Jesús judio masare.

ĩ rotirise yure c̄ũni Dios, Jesús i yire gaye

³⁰Gaje ado bajiro gotiquĩ Jesús ñare:

—Yu ãmoro bajiro riti yirocu meje wadicu yu. Masare ña ñeñaro yirise waja yu senija, Dios i rotiro bajiro ti ya yu. Masare ña ñeñaro yirise yu waja senija, ñeñaro ña yiadoc̄oti senia yu. Yu ãmoro bajiro meje ya yu. Yure c̄oarũ i ãmoro bajirojuu ya yu. ³¹“Yuti ña Dios i c̄oarũ”, yu yibojaja, “ĩti ñami”, yi masimenaji gãjerã. ³²“ĩti ñami Dios i c̄oarũ”, yure yi isigũ ñami gãji. Yure i busi isirise, oca riojo ñasarise ña. Ito bajiri ire tuorã yirãji masa. ³³“ĩti ñati Dios i c̄oarũ?” yi Juan idé guri masure seniãa rotiyija m̄ua. M̄are i cudire, riti ña. ³⁴“Riti, Dios i c̄oarũ ñami Jesús”, Juan idé guri masu yure i busi isija, i busi isibeja c̄uni no yibeja, Dios i c̄oaruti ña yu. Juan idé guri masu gaye m̄are gotia yu, Dios i masoana m̄ua ñatoni. ³⁵M̄ua t̄uo masijaro yirocu, busurica yoc̄ori yigure bajiro yini Juan. Ito bajiri ire tuoc̄ori, wanuyija m̄ua. ³⁶Juan yure i busi isigore r̄eto busaro ñasarise ña yure. Tiyamani

yu ïorise, iti ña yu Jacu ï rotire. Itire ticōri, “Riti Dios ï cōaru ñami”, yi masirāji mua yure. ³⁷Yu Jacu yure cōaru cuni, “Riti ñni ñami yu cōaru”, yi yure busi isiquĩ. Ìreama tuogoana meje, tigoana meje ña mua. ³⁸Ì ocare tuo ãmorã meje ña mua. Yure ï cōarure cuni tuorũnubea mua. Ito bajiri mua ya usiju ï ocare queno tuo masibebea mua. ³⁹Dios oca tutire queno ticōri rēoariti riasotia mua. Catitiñare gaye buja ãmorã, itire riasotia mua. Yu gayereti gotia Dios oca. ⁴⁰Ito bajibojarcoti yure boca ãmi ãmobebea mua. Yure mua boca ãmija, catitiñare gaye bujarã yirãji mua.

⁴¹Masa yure ña rucubutoni meje wadicu yu. ⁴²Muare ti masia yu. Ito bajiri, “Diore mairã meje ña mua”, yi ti masia yu muare. ⁴³Yu Jacu ï rotirisena wadiru ña yu. Ito bajibojarcoti yure boca ãmibebea mua. Sīgũ ï ãmoro bajiro ï wadija, ñreama boca ãmirã yirãji mua. ⁴⁴Muamasi gãmeri rucuburejua ãmobebea mua. Dios sīgũti ñami mani Uju. Ito bajibojarcoti ñe cudibiticōri muare ï wanaroca yibebea mua. Ito bajiro bajirã ñari yure cuni tuorũnubea mua. ⁴⁵Yu Jacu riojo, “Ìnare seti ña”, yibicuja yu muare. Moisés ñayoruti ñaguĩji, “Muare seti ña”, yigu. Moisés ñayoru ï rotirisena suoriti, “Dios tu ejarã ya mani”, yi tuoĩaboja mua. ⁴⁶Yu gaye ucayofi Moisés ñayoru. Ì ucarisere mua tuorũnuba, yure cuni tuorũnumena yirãji mua, ⁴⁷Ì ucagore gaye mua tuorũnubebea, yure cuni tuorũnumena yirãji mua, yiquĩ Jesús judio masare.

Cinco mil ñarãre Jesús ï ecare gaye
(Mt 14.13-21; Mr 6.30-44; Lc 9.10-17)

6 ¹Ito bajiro ï yija bero, itajura Galilea wame cutirita siduja jẽa wacu gna Jesús rãca. Tiberias wame cuticu gaje itira wame. ²Cōrãre Jesús ï yisioja ticōri, ito yicōri tiyamani ï ïoja ticōri, jãjarã masa suyacã guare. ³Gaje ñujaju ejacōri, gaje buro maja wacu gna Jesús rãca. Itoju Jesús rãca rujicu gna ï rãca riasotirã. ⁴Pascua basa judio masa ña meniroti nocō mejeti ruyacu. ⁵Jãjarã masa Jesure ña suyaja ticōri, ado bajiro yiquĩ ï Felipere: —Àna masa jeyarore yiari, ¿no bare waja yirã yirãjida mani? yiquĩ Jesús Felipere.

⁶“Ado bajiro yigu yiguja yu”, yi masibojaguti, “No bajiro Felipe ï cudija, tuocuja”, yirocu seniñari seyoquĩ Jesús. ⁷Ito yijare Felipe ado bajiro cudiquĩ: —Doscientos niyeru cujirina naju yu waja yibojaja cuni, masa jeyarore tĩjabetoja, yiquĩ ï Jesure.

⁸Ito ï yija tuocōri, ado bajiro cudiquĩ gna rãca gagu, Andrés wame cudigu. Ì cuni Jesús rãca riasotiguti ñaquĩ. Ìti ñaquĩ Simón Pedro ocabaji. Ado bajiro yiquĩ ï:

⁹—Ado ñami sīgũ macnacã, co ñujamocō cebada wame cutirise naju rucogu ito yicōri wai jũarã rucogu. Masa jãjarã ña ñajare tĩjado ma adi, yiquĩ Andrés.

¹⁰Ito ï yija:

—Masa jeyarore ruji rotiya, yiquĩ Jesús.



(San Juan 6.8-9)

Ta quenarise jaje ñacu itojũ. Ito bajiri cinco milcõ ãmua rujicã ña. ¹¹ Ña rujija ticõri, ï ya ãmona naju ãmiquĩ Jesũs. “Queno ya Dios mu”, yicõri, gua ï rãca riasotirãre ïsiquĩ ï. Guajua ito rujirãre batocũ ïja. Waire cuni ito bajiroti batocũ gua. Masa ña ãmorocõti ïsicũ gua. ¹² Masa ña yajija ticõri, ado bajiro yiquĩ Jesũs guare:

—Ruyarise miojuya, iti godabe yirona, yiquĩ Jesũs guare.

¹³ Cebada wame cutirise naju ruyarise jua gubojeno jiburi dajacũ, gua bato ruarise. ¹⁴ Ito bajiro tiyamani Jesũs ï ïoja ticõri, ado bajiro yicã masa:

—Riti, Diore busi ïsiri masũ ñami ãni, adi macãrucũrojũre mani bocatirũ, yicã masa.

¹⁵ “Yũ ãmobitibojarocati yũre ãmi wacõri, cuto ujũ yũre cũ ãmoama ãna”, yi tuoĩacõri, sigũti turia joejũ maja waquĩ Jesũs.

Ide joe Jesũs ï ware gaye

(Mt 14.22-27; Mr 6.45-52)

¹⁶ Ito rãioja ticõri, gua Jesũs rãca riasotirã itajurajũ roja wacũ. ¹⁷ Ito rãitĩaja tibojaguti gua tu tũdi ejabitiquĩ Jesũs maji. Ito bajiri cumajũ sãjacõri jãa wasuocũ gua, Capernaum wame cutiri cutojũ ejarã warã. ¹⁸ Ito bajiro gua jãa waroca buto mino wẽasuocũ. Ito yicõri jacũrise bucũ, curise jacũcũ. ¹⁹ Cinco, seis kilõmetrocõ gua wa tũjaroca, ide joe cũda wadicõri cuma tũjũ Jesũs ï wadija ticũ gua. Ito bajijare ti ucacũ gua ïja. ²⁰ Gua ti ucãja ticõri, ado bajiro yiquĩ Jesũs:

—Yuti ña. Guibesa, yiquĩ Jesũs guare.

²¹Ito ī yija t̄uocōri, wan̄ure rāca boca āmicu gua ĩre ĩja. Ito yija bero yoari mejeti gaje d̄uja jēa ejacu gua, gua t̄uoīa waroju.

Jesure masa ĩna āmare gaye

²²Ito bero gaje rumu itajura gaje d̄uja tujana, “Ñari cumanati wañi ĩna. Ito bajibojarocati Jesuama wabisi ĩna rāca”, yicā ĩna. ²³Ito bajiro ĩna baji ñaroca Tiberias cuto gāna gaje cumarina ejayijarā ĩna t̄u. “Queno ya Dios m̄u”, yi Jesús ĩ gotiraju t̄u, ito yicōri masa ĩna bagoraju t̄u ejayijarā ĩna. ²⁴Itiju Jesús ĩ manija ticōri, gua ĩ rāca riasotirā gua manija ticōri, iti cumarina Capernaumju ĩre āmarā wayijarā ĩna.

Jesuti ñami catitiñare gaye rucogu, yire oca

²⁵Itajura sidujaju ejacōri guare ti bujacā ĩna ĩja. Jesure ti bujacōri ado bajiro ĩre seniācā ĩna:

—Guare riasogu, ¿nocāta ado ejari m̄u? yi seniācā ĩna Jesure.

²⁶Ito bajiro ĩna yija t̄uocōri:

—Riti m̄ure gotia yu. Yaji quenaro babu m̄ua, ito bajiri yure āma m̄ua. Tiyamani yu ĩorise gaye ti masicōri meje yure āma m̄ua. ²⁷Bare jedirise gaye bujarona meje moaña m̄ua. Bare jogarise gaye meje, catitiñare gaye bujarona moaña m̄ua. Yu ña Masa Rijoru, bare jogabiti gaye m̄ure ĩsiroc̄u. “Ito bajiro ĩ yitoni ĩre cūñi Dios”, yure m̄ua yi masiroca yami Dios, yiqui Jesús masare.

²⁸Ito ĩ yija ĩre seniācā ĩna:

—¿No bajiro Dios ĩ āmoro bajiro yirājida gua? yicā ĩna Jesure.

²⁹ĩna ito yija t̄uocōri, ado bajiro cudiqui Jesús:

—Dios ĩ cōarure m̄ua t̄uorūnure āmoami Dios, yiqui Jesús masare.

³⁰Ito ĩ yijare:

—¿Ñe tiyamani guare ĩogū yigujada m̄u, itire ticōri m̄ure gua t̄uorūnutoni? ¿Ñe gaye guare ĩogū yigujada m̄u? ³¹Mani ñicusabatia ñayoana yucu manoju ña ucurā, maná wame cutirise bayijarā ĩna maji. Itire gotia Dios oca c̄uni. T̄uote: “Ūmacūju gaye naju ĩnare ecaroc̄u queoñi Dios”, yi gotia Dios oca, yicā masa Jesure.

³²ĩna ito yija t̄uocōri, cudiqui Jesús:

—Riti m̄ure gotia yu. Moisés ñayoru meje ūmacūju gaye naju ĩnare ecañi. Yu Jacuti ñañi ūmacūju gaye naju ñasarise ĩnare ecaru. ³³Naju ūmacūju gaye ñasarise rucogu ñaguñi Dios ĩ cōaru. Naju ñasarise rucocōri, masare catitiñare ĩsigū yiguñi ĩ, yiqui Jesús masare.

³⁴Ito ĩ yija:

—Gua Ūju, iti naju catitiñare gaye riti guare ecasotiya, yicā ĩna Jesure.

³⁵Ito ĩna yija t̄uocōri, ado bajiro yiqui Jesús ĩnare:

—Yuti ña naju ñasarise rucogu, ito yicōri catitiñare ĩsigū. No yure boca āmigūti juaji ñiocōbicu yiguñi ĩ. Najuro babojarāti m̄ucana t̄udi ñiocōrā yirāji m̄ua. Ide idibojarāti m̄ucana t̄udi idi āmorā yirāji m̄ua. No yure boca āmigūti

ñe gaje ãmobicu yigũji. No yũre tuorũnũgũti ñe gaje ãmobicõri queno wanũ quenagũ yigũji. ³⁶“Yũre tibojarãti, yũre tuorũnũbea mua”, yari muare goticu yũ. ³⁷No yũre boca ãmirãti, ña ñama yũ Jacu yũre ï ïsiana. No yũre boca ãmi ãmogũre, ïre rãobicuja yũ. “Yũre boca ãmibesa mua”, yibicuja yũ. ³⁸ũmacũjuna wadicõri, yũ ãmoro bajiro yigu meje wadicu yũ. Yũre cõaru ï ãmoro bajiro yirocu wadicu yũ. ³⁹Ado bajiro ãmoami yũ Jacu yũre cõaru. Yũre ï ïsiana, sigũ ï godare ãmobeami ï. Susari rumũ ña tudĩ catiroca yũ yire ãmoami ï. ⁴⁰No yũre boca ãmicõri, yũre tuorũnũgũ ï catitĩñare ãmoami yũ Jacu Dios. Ito bajiri yũre tuorũnũrãre ña tudĩ catiroca yigu yigũja yũ susari rumũ, yiquĩ Jesũs masare.

⁴¹Ito ï yija bero, ïre busitusuocã judio masa. “Yũ ña naju ñasarise rãcocõri, ãmacũjuna wadirũ”, Jesũs ï yija tuocõri, ïre busitusuocã ña.

⁴²Ito yicõri, ado bajiro gãmeri busicã ña:

—¿Ñi Jesũs, Josã macũ meje ñati? ï jacure, ï jacore cuni ticu mani. ¿No yija ito bajibo jagũti, “ũmacũju gagũ wadirũ ña yũ”, yati ï? yicã ña.

⁴³Ito bajiro ña yija masicõri:

—Itocõ busitu jidicãña mua. ⁴⁴Noa yũre boca ãmimenaji, Yũ Jacu yũre cõaru yũre ña boca ãmiroca ï yibeja. No yũre boca ãmirãre susari rumũ ña tudĩ catiroca yigu yigũja yũ. ⁴⁵Diore goti ïsiri masa ña ucare ado bajiro gotia: “Masa jeyarore riasogu yigũji Dios”, yi gotia iti. Ito bajiri no yũ Jacu riasorise gaye tuorũnrã, yũre cuni boca ãmirã yirãji, yiquĩ Jesũs judio masare.

⁴⁶Gaje ado bajiro gotiquĩ Jesũs:

—No yũ Jacure tigu maquĩji. Yũ sigũti ï tu wadirũ ñari, ïre tigorũ ña yũ. ⁴⁷Riti muare gotia yũ. No yũre tuorũnũgũti catitĩñagũ yigũji. ⁴⁸Yũ ña naju ñasarise rãcogu, ito yicõri catitĩñare gaye rãcogu. ⁴⁹Mani ñicusabatia yucu manojũ manã wame cutirise naju babojarãti goda jediñi ña. ⁵⁰Muare yũ busiriseama, naju ãmacũju gaye ruji wadirise gaye, muare busia yũ. Yũ rãcorise najure bacõri, godamena yirãji. ⁵¹Yũti ña, naju catitĩñare gaye rãcocõri, ãmacũjuna ruji wadirũ. No iti gaye naju bagũ catitĩñagũ yigũji. Muare yũ naju ïsirisẽ, yũ ya rujuti ña. Masa jeyarore yari yũ ya ruju ïsigũ yigũja yũ, yiquĩ Jesũs judio masare.

⁵²Ito ï yija tuocõri, ñamasiti gãmeri busitusuocã judio masa:

—¿No bajiro ï ya rujure manire ecagu yiguĩjida ï? yicã ña.

⁵³Ado bajiro cudiquĩ Jesũs ñare:

—Riti muare gotia yũ. Yũ Masa Rĩjorũre yũ ya ruju mua babeja, ito yicõri yũ ya rĩ mua idibeja, catimena yirãji mua. ⁵⁴No yũ ya rujure bacõri, ito yicõri yũ ya rĩre idigu catitĩñagũ yigũji. Susari rumũ tudĩ ï catiroca yigu yigũja yũ. ⁵⁵Yũ ya ruju iti ña bare ñasarise. Ito yicõri yũ ya rĩ iti ña idire ñasarise. ⁵⁶Yũ ya rujure bagũ, ito yicõri yũ ya rĩre idigu, ï ya usijure ñagũ yigũja yũ. Ito bajiri yũre bajiroti usi cutigu yigũji ï. ⁵⁷Yũ Jacu yũre cõaru, catire rãcogu ñami ï. Ito bajiri ña suoriti catia yũ. Ito bajiroti, no yũre boca ãmigũ, yũna suoriti catigu yigũji ï. ⁵⁸ũmacũju gaye naju wadire gaye busia yũ. Iti gaye naju manã wame cutirise robo bajirise meje ña. Mani ñicusabatia manã wame cutirise babojarãti goda jediñi ña. No naju ñasarisere baguama catitĩñagũ yigũji ïocũ, yiquĩ Jesũs judio masare.

⁵⁹ Capernaum wame cõtiri cuto minijuara wiju ito bajiro riasoquĩ Jesús masare.

Jesús ocare mani tuorũnuja catitiñarã yirãji mani, yire gaye

⁶⁰ Ito bajiro riasore gaye Jesús ï busija tuocõri, jãjarã ïre suyará ado bajiro gãmeri basicã ïna:

— Ito bajiro ï riasorise josari ña. Itire queno tuo masibea mani. Sīgũjua itire boca ãmigũ mami, yicã ïna.

⁶¹ “Yũ riasorise tuocõri, tuoĩa bujatobeama ïna”, yi masiri seyoquĩ Jesús. Ito bajiri ado bajiro ïnare yiquĩ ï:

— ¿Ito bajiro muare yũ riasorise tuoĩa bujatobeati mua? yiquĩ Jesús ïnare.

⁶² Yũ Masa Rijoru, ïmacũju yũ ñagoado mucana yũ tudi mũa waja, ¿no bajiro tuoĩarã yirãjida mua? ⁶³ Espiritu Santo ñami masa ïna catitiñaroca yigu. Masama gãjerã ïna catitiñaroca yi masimenaji ïna. Jĩju muare yũ gotirise Espiritu Santo riojo ï goticãrise ña. Itire mua tuorũnuja, mua catitiñaroca yigu yiguĩji ï. ⁶⁴ Mua coriarã, yũre tuorũnumena ñarãji maji, yiquĩ Jesús ïnare.

Cajerojuti, “Ïna ñarã yirãji yũre tuorũnumena. Ito yicõri ï ñagũ yiguĩji, yũ wajanare yũre ïna ñiatoni gotiri masũ”, yi masi yucãri seyoñi Jesús cajerojuti.

⁶⁵ Ado bajiro masare goti quenoquĩ Jesús:

— Espiritu Santo ñami masa ïna catitiñaroca yigu. Itire masicõri jĩju ado bajiro muare gotibu yũ: Noa yũre boca ãmimenaji, yũ Jacu yũre ïna boca ãmiroca ï yibeja, yibu yũ, yiquĩ Jesús masare.

⁶⁶ Ito ï yija tuocõri, jãjarã ïre suyabojarã ïre jidicãcã ïna. Ito bajiri gũa rãca wa ucubiticã ïna ïja. ⁶⁷ Ito bajiro ïna bajija ticõri, gũa ï rãca riasotirã jua gũbojeno ñarãre seniãquĩ Jesús:

— ¿Mua cãni yũre jidicã ãmoati? yiquĩ Jesús guare.

⁶⁸ Ito ï yija tuocõri, ado bajiro cudiquĩ Simón Pedro:

— Gũa Eju, mure gũa jidicãja, ¿ñimũ tu warã yirãjida gũa? Mu ya oca ña catitiñare oca. ⁶⁹ Mure tuorũnucãcu gũa. “Mu ña Cristo, Dios catitiñagũ Macu”, yi masia gũa mure, yiquĩ Simón Pedro Jesure.

⁷⁰ Ito ï yija tuocõri, ado bajiro yiquĩ Jesús guare:

— Mua jua gũbojeno ñarãre besecãcu yũ. Ito bajibojarocati mua wato sigũ ñami rũmũ yagu, yiquĩ Jesús, guare.

⁷¹ Ito bajiro ï busija, Judas Iscariote Simón macure, yi tuoĩa busiquĩ Jesús. Jesús rãca riasotigu ñabojaguti Judas ñaquĩ Jesús wajana ïre ñiatoni gotiri masũ. Gũa jua gũbojeno ñarã rãca gagũ ñabojaquĩ Judas.

Jesús ocabajirã ïre ïna tuorũnubitore gaye

7 ¹ Ito yija bero mucana Galilea sitaju wa ucucu gũa Jesús rãca.

Judea sitaju ña ãmobotiquĩ Jesús, iti sita gãna judio masa ïre ïna sĩa ãmojare. ² Chozas basa, judio masa ïna meniroti jabeto ruyacu. ³ Ito bajiri Jesús ocabaji mesa ado bajiro yicã ïre:

—Judea sitajũ mũre sũyarã jãjarã bũsa ñarãji. Ito bajiri ado tujabesa. Itoju wasa. Itoju tiyamani gaye mũ ñoja, tirã yirãji ñna cũni. ⁴No masa ñre ti masire ñ ãmoja, yeyoroju tiyamani yi ñobiquĩji ñ. Masa tiro riojo ñogũ yiguĩji ñ. Tiyamani gaye mũ yiado bajiroti masa jeyaro tiro riojo ñoja quena, yicã Jesús ocabaji mesa ñre.

⁵Ñ ocabaji mesa cũni queno ñre tuorũnũbiticã ñna. ⁶Ito bajiri ado bajiro yiquĩ Jesús ñnare:

—Judea sitajũ yũ waroto ejabea yũre maji. Adocãta cũni mũa waja quenacõa mũareama. ⁷Adi macãrucũro gãna mũare ti tudimenaji. Yũreama ti tudirã yirãji. “Ñeñaro yirã ñna mũa”, yũ yijare, yũre ti terã yirãji ñna. ⁸Basa titẽña mũama. Yũreama yũ waroto ejabea maji, yiquĩ Jesús ñ ocabajirãre.

⁹Ito bajiro Jesús ñ yija bero Galilea sitajũ jabeto tujacũ gua ñ rãca maji.

Ñna basaroca Jesús ñ riasore gaye

¹⁰Ñ ocabajirã waja bero Jesús cũni basa tigũ waquĩ. Ñre baba cũti wasũ gua cũni. Bũto masa ñna tiro riojo meje ñna ucuquĩ Jesús, basa tigũ. ¹¹Basa rũmũ ñaroca Jesure ãmabojacã judio masa. Ado bajiro yicã ñna:

—¿Noju ñnaguĩjida ñ? yi bũsicã ñna.

¹²Basa rũmũ ñaroca, jãjarã masa Jesús gaye bũsicã ñna. Coriarã ado bajiro yicã: “Queno yigũ ñnaguĩji ñ”, yicã coriarã. Gãjerãma ado bajiro yicã: “Queno yigũ meje ñnaguĩji ñ. Masare rũogũ ñnaguĩji ñ”, yicã gãjerã.

¹³Judio masa ñjarãre guirã, recoti ñ gaye bũsi joeobiticã ñna.

¹⁴Basa gũdareco iti tũjaroca Dios ya wi sãjacũ gua Jesús rãca. Iti wiju sãjacõri, masare riasosũoquĩ Jesús. ¹⁵Ñ riasoja tuo ñcacõri, ado bajiro yicã judio masa ñjarã:

—Riasotibitigoru ñnabojagũti, ¿no yija queno masiati ãni? yicã ñna.

¹⁶Ito bajiro ñna tuoĩaja ticõri, ado bajiro yiquĩ Jesús ñnare:

—Yũ riasorise yũ ye meje ñna. Yũre cõaru gaye ñna iti. ¹⁷Dios ñ ãmoro bajiro mũa yi ãmoja, “Dios gaye riasoami ñ, ñ gayeti riasoami ñ”, yi masirã yirãji mũa yũre. ¹⁸No ñ gayeti ñ bũsija, masa ñna ñre rũcũbuore ãmoguĩji. No ñre cõaru gaye ñ bũsija, ñre cõarujuare masa ñna rũcũbuore ãmoguĩji ñ. Ñ bũsirise riti ñaroja. Ñejũa rũore oca manoja ñre, yiquĩ Jesús masare.

¹⁹“Moisés ñayoru ñ rotire gaye mũare cũni. Ito bajibojarocati mũa sigũjuu iti rotire gaye cudi jeobebe mũa. ¿No yija yũre sĩa ãmoati mũa?” yiquĩ Jesús masare.

²⁰Ito ñ yija tuocõri, ado bajiro cũdicã masa ñre:

—Rũmũ sãñagũ ñna mũ. Ñimũjuu mũre sĩa ãmogũ maquĩji, yicã ñna Jesure.

²¹Ñna ito yijare:

—Tujacãra rũmũ ñaroca sigũ cõgũre yũ yisioja ticõri, itire ti ñcabũ mũa.

²²Moisés ñayoru rĩacare wiwo tare gaye mũare rotiñi ñ. Ñna sũori meje iti rotire ñnasuoyija. Ñ riojuu gãna cũni ito bajiroti yiyijarã ñna. Iti rotire mũare ñajare, tujacãra rũmũ ñabojarocati rĩacare wiwo ta mũa. ²³Moisés ñayoru ñ rotirise cũdirona tujacãra rũmũ ñabojarocati rĩacare wiwo ta mũa. Ito bajiri tujacãra

rũmũ ñabojarocati sīgũ cõgũre yũ yisioja, ¿no yija yũre junisiniati mũa? ²⁴Rocati queno tũoĩa jeobitibojarãti, “Ìre seti ña”, yibesa mũa. “Ìre seti ña”, mũa yi ãmoja, cajero queno tũoĩa jeocõri, “Ìre seti ña”, yija quena, yiquĩ Jesús masare.

Dios ĩ cõarũ ña yũ, Jesús ĩ yire gaye

²⁵Ito ĩ yija tũocõri, Jerusalén gãna ĩnamasiti gãmeri seniĩasũocã:

—¿Ãni meje ñati sãrona ĩna ãmagũ? ²⁶Ado mani jeyaro tiro riojo bũsi ñami ĩ. Ito bajibojarocati sīgũ ìre rëogũ mami. Ado gãna ẽjarã mesa, “Cristo Dios ĩ cõarũ ñaguĩji ãni”, ¿yi tũoĩarãjida ĩna? ²⁷“Iti cũto gagũ wadiĩni ĩ”, yi masia mani. Cristoreama, ĩ ejaja, “Ito gagũ wadiĩni ĩ”, yi masimena yirãji mani.

²⁸Ìna ito yija tũocõri, Dios ya wijũ riaso ñabojarũ, oca sëoro ado bajiro bũsiquĩ Jesús:

—¿Yũre ti masiati mũa? “Ito gagũ wadirũ ñami ĩ”, ¿yũre yi masiati mũa? Yũmasi meje wadicũ. Dios yũre ĩ cõajare wadicũ yũ. Riojo gotigũ ñami yũre cõarũ. Ìre ti masirã meje ña mũa maji. ²⁹Yũama, ìre masia. ĩ cõarũ ña yũ. Ito yicõri, ĩ tũ wadirũ ña yũ, yiquĩ Jesús ìnare.

³⁰Ito ĩ yija tũocõri, ìre bũto ñia ãmocã judio masa ẽjarã. Ito bajibojarocati sīgũ ìre ñiagũ maniquĩ. Dios ĩ ñiarotirajũ ejabiticũ maji. Ito bajiri ñia masibiticã ĩna maji. ³¹Gãjerãma jãjarã ìre tũorũnucã ĩna. Ito bajiri ado bajiro yicã ĩna:

—Cristo Dios ĩ cõarũ ñaguĩji ãni. ĩ rëtoro tiyamani yigũ maquĩji, yicã ĩna ìre tũorũnrã.

Fariseo gaye tũoĩarã Jesure ĩna ñia ãmore gaye

³²Jesús gaye masa ĩna bũsija, tũoĩni fariseo gaye tũoĩarã. Ito bajiri porecia masare, Jesure ñia rotiĩni fariseo gaye tũoĩarã, ito yicõri paia ẽjarã cũni. ³³Ìna ejaja ticõri, ado bajiro yiquĩ Jesús:

—Yũre cõarũ tũ tũdi wacũ yigũja yũ. Ito bajiri yoari mejeti masa tũ ñagũ yigũja yũ maji. ³⁴Yũre ãmabojarãti tũdi yũre bũjamena yirãji mũa. Yũ ñarojũ wa masimena yirãji mũa, yiquĩ Jesús masare.

³⁵Jesús ito ĩ yija tũocõri, judio masa ĩnamasiti gãmeri seniĩacã ĩna:

—¿Nojũ wacũ yigũjida ãni, ìre mani ti bũjabetoju? Mani masa sõjũ wacõri griego masa rãca wũsarã tũ, wacũ yigũji gajea. Ito yicõri, ìnare riasogũ wacũ yigũji gajea. ³⁶“Yũre ãmabojarãti yũre bũjamena yirãji mũa. Ito yicõri yũ ñarojũ wa masimena yirãji mũa”, ito bajiro ĩ yija, ¿no yireoni ñati iti? yi gãmeri bũsicã ĩna.

No yũre senirãti catitĩnare bũjarã yirãji, yi Jesús ĩ riasore gaye

³⁷Basa ñasũsari rũmũ, iti rũmũ ñacũ ñasari rũmũ. Iti rũmũ wũmũ rũgũcõri, oca sëoro bũsiquĩ Jesús:

—Sīgũ ĩ idi ãmoja, ide senigũ yigũji. Iti bajiroti, no catitĩnare gaye ĩ bũja ãmoja, yũ tũ wadicõri seni ejagũ yigũji. ³⁸Ado bajiro gotia Dios oca. Tũote mũa: “Sīgũ yũre ĩ tũorũnũja, ĩ ya usijũ ide catitĩnare gaye ide goje robo bajiro ĩ ya usijũ ũmabato ñaro yiroja”, yi gotia Dios oca, yi gotiquĩ Jesús masare.

³⁹Iti gaye Jesús i busija, “Yure tuorünuräre ina ya usiju, Espiritu Santo quedí sājagū yiguīji inare”, yigu yiquí Jesús, ito bajiro i busija. Jesús ūmacūju rācubworaju i tudí ejabeja, Espiritu Santore adi sitaju cōabisi Dios maji.

Ricati riti masa ina tuoiare gaye

⁴⁰Jesús i busija tuocōri, ado bajiro yicā coriarā:

—Riti Diore goti isiri masu wadiru nāmi āni, yicā coriarā.

⁴¹Gājerāma ado bajiro yicā ina:

—Cristo Dios i cōaru nāmi āni, yicā ina.

Gājerāma ado bajiro yicā:

—¿Galilea gagu Cristo no bajiro nāguījida? ⁴²Dios oca iti gotija, “David ūju űayoru, janerābatia janami, nāgu yiguīji Cristo. Ito yicōri David űayoru robo bajiro Belén gaguti nāgu yiguīji i cūni”, yi gotia Dios oca, yicā ina.

⁴³Ito bajiro Jesús gaye ina busija tuocōri, ricati riti tuoīacā masa.

⁴⁴Coriarā ire nia āmobjacā. Ito bajibojarcati sigū ire nīagū maniquī.

Ujarā Jesure ina tuorūnūbitire gaye

⁴⁵Jesure nia masibiticōri, fariseo gaye tuoīarā ito yicōri paia ūjarā tu cūni tudí wacā porecia. űe manati ina ejaja ticōri, ado bajiro inare seniāyijarā ina:

—¿No yija ire āmi wadibiti mūa? yiyijarā ina.

⁴⁶Ado bajiro cudiyijarā porecia:

—Sīgūjua i robo bajiro busirā masa manicā, yiyijarā ina.

⁴⁷Ito yijare, fariseo gaye tuoīarā ado bajiro yiyijarā:

—¿I ruorisere ire tuori mūa? ⁴⁸Mua ūjarā nā gua. Guama sigū ire tuorūnugū ma. ⁴⁹Ado gāna masa Moisés űayoru i rotire gaye masibiticōri Jesure tuorūnūrāji inaōna. Ito bajiro ina bajijare inare ruyuriogu yiguīji Dios, yiyijarā fariseo gaye tuoīarā.

⁵⁰Nicodemo nāmiju Jesure tigu ejaru, fariseo gaye tuoīagū űayiju i cūni. I baba mesare ado bajiro yiyiju i:

⁵¹—Ado bajiro bajia mani rotirise: Cajero seti cutigure mani seniā tuobeja, “Ire seti nā”, yi masibea mani, yi gotia mani rotirise, yiyiju Nicodemo i baba mesare.

⁵²Ito i yijare:

—¿Galilea sita gagu nāti mū cūni? Dios oca tutire riasotiāte mū. Itire mū riasotija bero, “Diore goti isiri masu Galilea wadiru macu yiguīji”, yire gaye masigū yigūja mū cūni, yiyijarā ina, Nicodemore tudirā.

⁵³Ito yija bero batacōri ina ya wiriju wasosayijarā ina.

Romio gajeo manūju rāca ajegore gaye

8 ¹Cutoju gua tujaroca Jesuama Olivos wame cutiri buroju maja waquī.

²Gaje rāmū busuri, Dios ya wiju gua nāroca tudí ejaquí Jesús mūcana. I ejaja ticōri, jājarā masa i tu minijuacā. Ina minijuaja ticōri, eja rūjūquī i inare

riasarocu. ³Ito bajiro ĩ yiroca fariseo gaye t̄uoĩarã, bucũrã rotirise riasori masa c̄uni ejacã. Sīgõ romio gajeo man̄ju rãca ajegoroĩe ĩna b̄ujarore ãmi ejacã ĩna. Isore ãmi ejacõri, gua riojo isore rojocã ĩna. ⁴Ito yicõri, ado bajiro Jesure yicã ĩna:

—Riasogu, adio romiore gajeo man̄ju rãca iso ajeroica ti b̄ujabu gua. ⁵Moisės ñayoru ĩ rotire, ado bajiro rotia: Ito bajiro yigore gũtana rea s̄iaña, ya iti. ¿Muãma no bajiro t̄uoĩati? yicã ĩna Jesure.

⁶“No bajiro manire ĩ c̄udija t̄ona” yirona ito bajiro seniĩari seyocã ĩna. “Manire ĩ c̄udi masibeja, ĩre seti ña”, yi masirã yirãji mani, yi t̄uoĩari seyocã ĩna. ĩna ito yija masicõri, jacaju ñini r̄ujũcõri, ĩ ya ãmo wãsoana ucasoquĩ Jesús. ⁷Īre ĩna seniĩa uyamuc̄tija t̄uocõri, w̄m̄m̄ r̄ugũquĩ Jesús ĩja. Ito yicõri ado bajiro ĩnare yiquĩ:

—M̄na sīgũ ñeñaro yĩiamena ñajama, isore cajero gũtana reaja quena, yiquĩ Jesús ĩnare.

⁸Ito bajiro yi t̄iogũ ñini r̄ujũquĩ Jesús mucana. Ito yicõri, mucana jacaju ucaquĩ ĩ. ⁹Ito ĩ yija t̄uocõri, “Mani sīgũ r̄uyabeto ñeñaro yirã riti ña mani”, yi t̄uoĩa masicã ĩna. Ito bajiri bucũrã budi wasuocã ĩna. Ito yicõri, ĩna ñarocõti budi jedicoacã ĩna ĩja. ĩna budi jedija bero, romio riti ito tujacõ Jesús t̄u. ¹⁰Ito yija Jesús w̄m̄m̄ r̄ugũquĩ mucana. Romio sīgõreti ticõri, ado bajiro yiquĩ Jesús isore:

—Nomi, ¿noju ñati, “Isore seti ña”, m̄re yirã? ¿Sīgũja, “M̄re seti ña”, yigu mati? yiquĩ ĩ isore.

¹¹Ito ĩ yija bero cudicõ iso:

—Ȳu Ɔju, sīgũ mami, “M̄re seti ña”, ȳre yigu, yicõ iso Jesure.

Iso ito yija t̄uocõri, ado bajiro yiquĩ Jesús:

—Ȳu c̄uni, “M̄re seti ña”, yibea. Wasa, mucana t̄udi ñeñaro yibeja ĩja, yiquĩ Jesús isore.

Yuti ña adi macãruc̄rore busurise rucogu, Jesús ĩ yire gaye

¹²Mucana masare gotigu, ado bajiro busiquĩ Jesús:

—Ȳu ña busurise rucogu, ito yicõri, adi macãruc̄rore busugu. Busurise rucogu ñari adi macãruc̄ro gãna ĩna t̄uo masiroca ya ȳu. No ȳre s̄uyaguti r̄aitĩaroju wa ucubicu yiguĩji. Īre s̄iatitĩnagũ yiguja ȳu, ĩ queno t̄uo masitoni. Ito bajiri ȳre boca ãmicõri catitĩnagũ yiguĩji ĩ, yiquĩ Jesús.

¹³Ito bajiro ĩ yija t̄uocõri, ado bajiro yicã fariseo gaye t̄uoĩarã:

—“Riti gotia ȳu”, ya m̄, masa m̄re ĩna r̄uc̄buotoni. Ito bajiro m̄ yibojaja, ñe waja ma iti. R̄uogu ya m̄, yicã ĩna Jesure.

¹⁴Īna ito yijare ado bajiro c̄udiquĩ Jesús:

—Ȳumasiti ȳu gotirise ñabojarocati, riti ña ȳu gotirise. Iti ña oca riojo ñasarise. Ȳu masia ȳu wadigoadoju. Ito yicõri ȳu warotoju masia ȳu. M̄ama ȳu wadigoadoju masibeja. Ito yicõri, ȳu warotoju c̄uni masibeja m̄. ¹⁵“M̄re seti ña”, ȳre m̄a yija, adi macãruc̄ro gãna ĩna t̄uoĩado robo bajiro ya m̄a. Ȳama, “M̄are seti ña”, yibeja ȳu. ¹⁶“M̄are seti ña”, ȳu yija, riojo m̄are gotiboguja ȳu. Masare ĩna ñeñaro yirise ȳu waja senija, ȳu sīgũ meje senia

yũ. Yũ Jacu yũre seni rotigu, yũ rãcati senigũ yigũiji i. ¹⁷Mua bũcũrã rotirise ado bajiro ucare ña: “Ïre seti ña”, jũarã ñna yija, ñnare tuorũnũja quena, ya mua bũcũrã rotirise. ¹⁸“Riti gotia yũ”, ya yũ yũmasi cũni. Yũ Jacu yũre cõarũ cũni, “Riti gotiami ãni”, yi goti ejabũami i yũre yiari, yiquĩ Jesũs ñnare.

¹⁹Ito i yija tuocõri, ado bajiro ñre seniãcã ñna:

—¿Nojũ ñnati mũ Jacu? yicã ñna Jesure.

Ito yijare cãdiquĩ Jesũs:

—Yũre ti masibea mua. Ito yicõri yũ Jacure cũni ti masibea mua. Yũre mua ti masija, yũ Jacure cũni ti masiboana mua, yiquĩ Jesũs ñnare.

²⁰Dios ya wiju ñnacõri ito bajiro masare riasoquĩ Jesũs. Masa ñna niyeru sãra jedori tũju rũgõcõri ito bajiro masare riasoquĩ Jesũs. Ñre ñna ñnariotiju ejabiticũ maji, ito bajiri sũgũjũa ñre ñniagũ maniquĩ.

Yũ warotoju wa masimenaji mua, Jesũs i yire gaye

²¹Mũcana masare gotigu, ado bajiro busiquĩ Jesũs:

—Wacu ya yũ. Yũre ãmabojarã yirãji mua. Mua ñẽnarõ yirise jidicãmenati godarã yirãji mũama. Ito bajiri yũ waroju wa masimena yirãji mua, yiquĩ Jesũs ñnare.

²²Ito i yija tuocõri, ado bajiro yicã judio masa:

—¿Ïmasiti sãa godagũ yati ãni? Ito bajiri, “Yũ warotoju wamena yirãji mua”, yami i, yi gãmeri seniãri seyocã ñna.

²³Ñna ito yija tuocõri:

—Mua ado jaca gãna ña. Yũama ãmacũju gagũ ña. Adi sita gãna ña mua. Yũama adi sita gagũ meje ña. ²⁴Ito bajiri, “Mua ñẽnarõ yirise jidicãmenati godarã yirãji mua”, yibũ yũ mũare. “Ïti ña yũ”, yũ yiro bajiro yũre mua tuorũnũbeja, mua ñẽnarõ yirise jidicãmenati godarã yirãji mua, yiquĩ Jesũs ñnare.

²⁵Ito i yija tuocõri, ado bajiro ñre seniãcã ñna:

—Ito yijama, ¿ñimũjũa ñnasati mũ? yicã ñna Jesure.

Ñna ito yija:

—“Ïti ña yũ”, yiari mũare goticãbojabũ yũ. ²⁶Jaje mũare gotiroti ñnaboja yũre. Ito yicõri, “Mũare seti ña”, yũ yi ãmoja, jaje gotiroti ñnaboja yũre. Yũre cõarũ ñti ñnami riojo gotigu. Adi sita gãna masare yũ gotirise, ñre tuocõri gotia yũ, yiquĩ Jesũs ñnare.

²⁷Ito bajiro ñnare i busibojarocati, “Mani Jacu Dios gaye busiami i”, yi masibiticã ñna. ²⁸Ito bajiri ado bajiro ñnare gotiquĩ i:

—Yũ ña Masa Rĩjõrũ. Yucũtẽona yũre mua mũoja, “Dios Macu ña yũ”, yũ yiado bajiroti yũre ti masirã yirãji mua. “Ïmasirio tuoãcõri meje busiñi. Ï Jacu ñ riasoado bajiro riti busiñi”, yi masirã yirãji mua yũre. ²⁹Yũre cõarũ yũ rãcati ñnami. Yũ Jacu ñ wanũrise gaye riti ya yũ. Ito bajiri yũre wagobitisotiami i, yiquĩ Jesũs masare.

³⁰Ito bajiro Jesũs ñ yija tuocõri, jãjarã masa ñre tuorũnũcã.

Dios ría meje ñama ñeñaro yirã, yire gaye

³¹Ito bajiri, ado bajiro gotiquí Jesús, judio masare ire tuorünuräre:

—Yu busirise mua jidicãbeja, riti yu rãca riasotirã ñarã yirãji mua.

³²Ito bajiro yicõri, oca riojo ñasarise masirã yirãji mua. Oca riojo ñasarise tuocõri, mua ñeñaro yirisere jidicãrã yirãji mua. Ito bajiri rümüre moa ïsiri masa meje ñarã yirãji mua ïja, yiquí Jesús.

³³Ito ï yija tuocõri:

—Abraham ñayoru janerãbatia ña gua. Rümüre moa ïsiri masa ñabiti wadicu gua. ¿No yija, “Rümüre moa ïsiri masa meje ñarã yirãji mua”, yati mu guare? yicã ïna Jesure.

³⁴Ïna ito yija tuocõri:

—Riti muare gotia yu. No ñeñaro yirã rümúa ujure moa ïsiri masa ñama ïnaõna. ³⁵Sigũ macuacã ï jacusabatia rãca ñaguũji. Sigũ ïre moa ïsiri masuama, ï ría rãca ñagũ meje ñaguũji. Sigũ macu ï jacu robo bajiro roti masigũ yiguũji.

³⁶Dios Macu ñari roti masigũ ña yu. Ito bajiri rümúa ujure moa ïsiri masa ñabitiroca muare yu yija, riti ïre moa ïsiri masa meje ñarã yirãji mua.

³⁷“Abraham ñayoru janerãbatia ña mua”, yí masia yu muare. ï janerãbatia ñabojarãti yu busirise tuorünubiticõri, yure sãa ãmoa mua. ³⁸Cuna yure ï ïogore muare busia yu. Mua jacu ï rotiado bajiro riti ya muama, yiquí Jesús ïnare.

³⁹Ito ï yija tuocõri, ado bajiro cudicã ïna:

—Gua ñicusabatia ñicu ñayoñi Abraham, yicã ïna, Jesure.

Ïna ito yija:

—Riti Abraham janerãbatia mua ñajama, ï yiado bajiro yiboana mua.

⁴⁰Oca riojo ñasarise, Dios yure ï riasoado bajiroti muare yu riasobojarocati, yure sãa ãmoa mua. Abraham ñayoruama ito bajiro yibitiyoñi. ⁴¹Yure mua sãa ãmoja, mua jacu ï rotiado bajiroti ya mua, yiquí Jesús ïnare.

Ito ï yija tuocõri:

—Jacu manoti gua jacosaromia bujana meje ña gua. Sigũ ñami gua jacu. Ï ñami Dios, yicã ïna Jesure.

⁴²Ïna ito yija tuocõri, ado bajiro cudiquí Jesús:

—Dios tu wadicõri ado ña yu. Riti mua jacu Dios ï ñaja, yure maiboana mua. Yumasi meje wadicu yu. Dios yure ï cõajare wadicu yu. ⁴³¿No yija yu busirise tuo masibeati mua? Yu busirise tuo ãmobebea mua. Ito bajiri itire tuo masibebea mua. ⁴⁴Mua jacu rümúa ujure ñami ï. Ito yicõri ï ría ña mua. Ito bajiri ï ãmoro bajiroti yí ãmoa mua. Cajerojuti masare sãari masu ñañi rümú. Oca riojo gotire wanugũ meje ñami ï. Ito yicõri, cojirea riojo gotigu meje ñami ï. Ruore oca ï gotija socagu ñari, ito bajiroti ruo gotigu ï. Ï ñami ruore jaigu, ito yicõri ruore jacu. ⁴⁵Mua jacu ï ñajare, oca riojo ñasarise yu muare gotibojaja, yure tuorünubebea mua. ⁴⁶“Ado bajiro ñeñaro yicu mu”, yure yigu sigũ mami mua rãca. Oca riojo ñasarise muare yu gotibojaja, ¿no yija yure

tuorũnubeati mua? ⁴⁷Dios ñarã mua ñaja, recoti Dios ocare tuorũnurã yirãji mua. Dios ñarã meje ñari, yure tuo ãmobeá mua, yiquĩ Jesús ñare.

Abraham ñayoru riojuajuti Cristo ï ñacãre gaye

⁴⁸Ito yija ado bajiro cudicã judio masa:

—“Samaria sita gagu, rũmũ sãñagũ ña mu”, mure gua yija, riti ya gua, yicã judio masa Jesure.

⁴⁹Ĩna ito yija tuocõri:

—Ñejua rũmũ sãñagũ meje ña yu. Yu Jacu Diore rũcũbuoa yu. Mũama yure rũcũbuobeá. ⁵⁰Masa ĩna yure rũcũbuotoni wadiru meje ña yu. Sigũ ñami masa ĩna yure rũcũbuore ãmogũ. Ĩ ñami yure rũcũbuomenare ti masigũ, ito yicõri ĩna ñeñaro yirise waja senigũ. ⁵¹Riti mũare gotia yu. No yu busirise tuorũnugũ godabicu yiguĩji. Dios rãca catifĩñagũ yiguĩji, yiquĩ Jesús.

⁵²Ito ï yija tuocõri, ado bajiro yicã judio masa:

—Iti mũare gua tjoja, “Riti rũmũ sãñagũ ñami”, yi masia gua, mure ĩja. Abraham ñayoru, Diore goti ĩsiri masa ñayoana cuni goda jediĩni ĩna. “Yure tuorũnurã godamenaji”, yiboja mu. ⁵³¿Gua ñicũsabatia ñicu, Abraham ñayoru rëtoro ñasagu ñati mu? Ĩ cuni, Diore goti ĩsiri masa cuni goda jedicoañi ĩna. ¿Ñimũ ña yu yati mũama? yicã ĩna Jesure.

⁵⁴Ĩna ito yija tuocõri:

—Yumasiti, “Masa ĩna rũcũbuogu ña yu”, yu yibojaja, ñe waja ma iti. Yu Jacu ñami yure rũcũbuogu, “Iti ñami gua yagu Dios”, mua yibojagu. ⁵⁵Īre queno masibeá mua. Yuama ĩre queno masia. “Īre masibeá yu”, yu yibojaja, mua robo bajiroti socagu ñaboruja yu cuni. Yuama, queno masisacõa ĩre. ĩ yiro bajiroti cudia yu. ⁵⁶Mua ñicũsabatia ñicu Abraham ñayoru, “Co rũmũ ejagu yiguĩji Cristo”, yirocu wanu yuñi. Adi sitaju yu ejaja ticõri, wanũsacõquĩ ĩ, yiquĩ Jesús judio masare.

⁵⁷Ito ï yija tuocõri, ado bajiro yicã ĩna Jesure:

—Bucugu meje ña mu maji. Cincuenta rodori tujabea mu maji. Ito bajibojarocati, ¿no yija, “Abraham ñayorure ticu yu”, yati mu? yicã ĩna.

⁵⁸Ĩna ito yijare:

—Riti mũare gotia yu. Abraham ñayoru ï ñaroto riojuaju, ñacãcu yu, yiquĩ Jesús ñare.

⁵⁹Ito ï yija tuocõri, gũta ãmicã ĩre rearona. ĩna ito yijare, “Ito bajia”, yi masia manoti ĩna watoti budicoaquĩ Jesús, Dios ya wire budigo wacu.

Cajea macu rujeayure Jesús ï yisiore gaye

9 ¹Ito yija bero busa Jesús rãca gua rũgõ ucuroca sigũ cajea macu rujeayure ti bujaquĩ Jesús. ²Gua Jesús rãca riasotirã ado bajiro seniĩacu Jesure:

—Gũare riasogu, ¿no yija cajea macu rujeayijari ãni? ¿Ī jacũsabatia ĩna ñeñaro yire waja ito bajiro rujeayijari ĩ? ¿Īmasi ñeñaro yire wajati bajiyijarite? yicu gua Jesure.

³Ito bajiro gua yijare:

—Ĩmasi ñeñaro yire waja meje, ito yicōri ī jacusabatia ĩna ñeñaro yire waja meje ito bajiro rujeañi āni. Dios ī masirise masa ĩna titoni, ito bajiro rujeañi āni. ⁴Ũmua ña maji. Ito bajiri yure cōarū ī rotiado bajiroti moagū ya yu. Yoari mejeti rāioro yiroja. Noajua moa masimena yirāji itocō. ⁵Busurise rucogu ña yu. Ito bajiri adi macārucūro yu ñaroca, masa ĩna tuo masiroca ya yu maji, yiquī Jesús.

⁶Ito bajiro yi tīocōri, jacajū go eocūquī ī. Sitare jabeto ide yiquī ī itina. Ito yicōri, cajea macure itina tuquī ī, ī ya cajeare. ⁷Ito bajiro yi tīocōri, ado bajiro rotiquī cajea macure:

—Siloé wame cutirita masa ĩna guaritajū wasa. Itojū ejacōri, mu ya cajeare gōna coeba, yiquī Jesús cajea macure. “Cōarū”, yireoni ña Siloé wame.

Jesús ī gotija tūocōri, ī gotiro bajiroti coegū waquī cajea macū. Ī coe tīoja bero tūdi ejagū ticoaquī ī ĩja. ⁸Ĩ ñarā, ĩre tigoana cūni ado bajiro yicā ĩna:

—“Yure ti maicōri, yure jabeto ĩsiña”, ¿yi rujicacū meje ñati āni? yicā ĩna.

⁹—Īti ñami, yicā coriarā.

—Ī meje ñami. Ī robo bajigūti ñami ñarea, yicā gājerā.

Ĩna ito yija tūocōri, ĩmasiti ado bajiro yiquī:

—Īti ña yu, yiquī ī.



(San Juan 9.6)

¹⁰Ito ī yijare, ado bajiro ĩre seniīacā masa:

—¿No bajiro yicōri, cajea tiati m̄? yicā ĩna ĩre.

¹¹Īna ito yijare:

—Sīgū Jesús wame cutigū ī ya go idena sita ide yicōri, yure cajea tumi ī. Iti tucōri, ado bajiro rotimi yure: “Siloé wame cutirita wacōri, coeba”, yimi yure. Itira ejacōri yū ya cajea gōna coebu yū. Ito bajiro yū yirocati ruyucoajū yure, yiquī ī.

¹²Ito ī yija tucōri, ado bajiro ĩre seniīacā masa:

—¿Nojū n̄aguījida mure ito bajiro yirū? yicā ĩna.

Īna ito yija tucōri:

—Ba, masibea yū, yiquī cajea macū n̄agorū.

Cajea macure ĩna seniīa josare gaye

¹³Ito ī yija tucōri, fariseo gaye tuoīarā ture cajea macū n̄abojarure āmi wacā ĩna. ¹⁴Ī ya go idena cajea macure Jesús ī yisiora r̄m̄, tujacāra r̄m̄ n̄acu. ¹⁵Cajea macū n̄abojarure ĩna āmi ejaja ticōri, ado bajiro ĩre seniīayijarā fariseo gaye tuoīarā:

—¿No yicōri cajea tiati m̄ mucana? yiyijarā fariseo gaye tuoīarā.

Ito bajiro ĩna seniīaja tucōri:

—Go idena sitare ide yicōri, yū ya cajeare tuquī ī. Iti yū coeja bero tia yū ĩja, yiyijū ī.

¹⁶Ito ī yija:

—Mure ito bajiro yirū, Dios yagū meje n̄añi. Tujacāra r̄m̄ure r̄uc̄ub̄obisī ī, yiyijarā ĩna.

Gājerāma ado bajiro yiyijarā:

—Ñeñaro yigū ī n̄aja, tiyamani yibitiborū ī, yiyijarā gājerā.

Ito bajiri ricati riti tuoīayijarā ĩna fariseo gaye tuoīarā. ¹⁷Ito yijare mucana t̄di seniīayijarā ĩna, cajea macū n̄agorure:

—¿Muāma no bajiro tuoīati, m̄ cajea tiroca yirure? yiyijarā ĩna.

Īna ito yija tucōri:

—Diore goti ĩsiri masū n̄aguīji, ya yūama, yiyijū ī.

¹⁸“Cajea macū rujearu mucana t̄di cajea tirū n̄ami”, yī āmobisijarā ĩna judio masa ūjarā. Ito bajiri cajea macū jac̄usabatiare ji n̄ucayijarā ĩna.

¹⁹Īna ejaja ticōri, ado bajiro ĩnare seniīayijarā ĩna:

—¿M̄ mac̄ti n̄ati āni, cajea macū rujearu? ¿No yija cajea macū n̄abojarūti adocāta tiati? yiyijarā ĩna, ī jac̄usabatiare.

²⁰Īna ito yija tucōri, ado bajiro c̄diyijarā ĩna:

—Gua macū, cajea macū rujearūti n̄ami āni. ²¹Ito bajiro ī tija, ito yicōri ĩre cajea tiroca yirure masibea gua. ĩre seniīaite m̄ua. B̄uc̄ugū n̄ami ĩja, ĩmasiti gotiḡuōc̄ū n̄ami, yiyijarā ī jac̄usabatia.

²²Judio masa ūjarāre gūirā, ito bajiro yiyijarā ī jac̄usabatia. “Jesús n̄ami Cristo, Dios ī cōaru”, yirāre r̄eorā ya mani mucana minijuara wiju ĩna s̄ajame

yirona, yi t̃oĩa yucãyijarã judio masa. ²³Ito bajiri ñnare güirã, “Bucũgu ñami, mũamasiti ñre seniñaña”, yiyijarã cajea macũ ñabojarũ jacũsabatia.

²⁴Ĩna ito yija t̃uocõri, cajea macũ ñabojarũre ji ñucayijarã judio masa ƚjarã mũcana:

—Dios ĩ tiro riojo, riojo guare gotiya. “Mũre yisiorũ, ñeñaro yi jaigu ñañi”, yi masia gua, yiyijarã ĩna.

²⁵Ĩna ito yija t̃uocõri:

—“Ñeñaro yigu, ñeñaro yigu meje ñaguĩji”, yi masibea yũ. Adi riti masia yũ, cajea macũ ñacũ yũ maji. Adocãtama yũ cajea tia ĩja, yiyijũ ĩ.

²⁶Ito ĩ yija t̃uobojarãti mũcana t̃uđi seniñayijarã ĩna:

—¿No bajiro mũre yicati ĩ, mũ titoni? yiyijarã ĩna ñre.

²⁷Ĩna ito yijare:

—Mũare goticãbojabũ yũ. Yũre t̃uorũnũbea mũa. ¿No yija mũcana t̃uđi gotire ãmoati mũa? ¿Mũa cũni ñre oca t̃uo s̃ya ãmoati? yiyijũ ĩ judio masa ƚjarãre.

²⁸Ito bajiro ĩ yija t̃uocõri, ñre b̃si tudiyijarã ĩna:

—Ñre oca s̃yagu ya mũ. Moisés ñayorũ ocare s̃ya guama. ²⁹“Moisés ñayorũre b̃siñi Dios”, yi t̃oĩa gua. Mũre yisiorũreama masibea gua. “Ito gagũ ñaguĩji ĩ”, yi masibea gua ñreama, yiyijarã ĩna.

³⁰Ĩna ito yija t̃uocõri, c̃diyijũ ĩ:

—Yũ ya cajea ĩ yisiorũ ñabojarocati, “Ito wadirũ ñaguĩji ĩ”, yi masibea mũa. Mũa ñre ti masibeja b̃jatobea yũ. ¿No yija ñre ti masibeati mũa? Mũa ñre ti masibeja queno t̃uo masire ma yũre. ³¹“Ñeñaro yirãre t̃uobiquĩji Dios. ñre r̃cũb̃uocõri, ĩ ãmoro bajiro yirãre riti t̃uogu yiguĩji Dios”, yi t̃oĩa mani. ³²“Cajea macũ rujearũre ĩ tiroca yĩni sigũ”, yire gaye t̃uoya manicũ. ³³Ñni yũre yisiorũ, Dios t̃u wadirũ meje ĩ ñaja, yũre no yibitiborũ, yiyijũ ĩ.

³⁴Ito ĩ yijare:

—Ñeñaro yi jaigu rujearũ ña mũ. “Ñnare riasocũja yũ”, ¿yi t̃uoĩati mũ, guare? yiyijarã ĩna cajea macũ ñabojarũre.

Ito yicõri, ñre bucõayijarã ĩna, ĩna minijuari wiju ñagũre.

“Dios oca t̃uorũnũmena cajea mana robo bajirã ñama”, yire gaye

³⁵Cajea macũ ñabojarũre ĩna bucõare gaye t̃uo b̃jacũ gua Jesús rãca. Ito bajiri ñre ti b̃jacõri, ado bajiro ñre yiquĩ Jesús:

—¿Dios Macũre t̃uorũnũnati mũ? yiquĩ Jesús ñre.

³⁶Ito ĩ yija:

—Yũ ƚju, yũre gotiya. “Ĩ ñami”, yija yũre, ñre t̃uorũnũrocũ ya, yiquĩ ĩ Jesure.

³⁷Ito ĩ yija, ado bajiro ñre c̃diquĩ Jesús:

—Ñre ticãcũ mũ. Adocãta mũ rãca b̃sigũ, ĩti ña yũ, yiquĩ Jesús ñre.

³⁸Ito ĩ yija t̃uocõri, Jesús riojo rijomunigãna ñini r̃jũquĩ ĩ, ñre r̃cũb̃uogũ. Ito bajiro yicõri:

—Mũre t̃uorũnũna yũ ƚju yũ, yiquĩ ĩ.

³⁹Ito yija bero, ado bajiro yiquĩ Jesús masare:

—“Āna ñama yũre cũdirã. Āna ñama yũre cũdimena”, yi bũsirocũ wadirũ ña yũ. Cajea mana robo bajirã ñama Dios oca tũo masimena. Ito bajiri ñinare ña tũo masiroca yigũ yigũja yũ. “Queno masirã ña gũa”, yibojarãreama, ña tũo masibitiroca yigũ yigũja yũ. Ito bajiri tũo masibiticõri, cajea manare bajiro bajirã ñarã yirãji ña, yiquĩ Jesús ñinare.

⁴⁰Ito ĩ yija tũocõri, ito ñarã coriarã fariseo gaye tũoĩarã seniĩacã ña Jesure:

—“Tũo masibiticõri, cajea manare bajiro bajirã ña mũa”, ¿yati mũ gũare? yicã ña Jesure.

⁴¹Ña ito yija:

—Tũo masimena mũa ñaja, seti cõtirã meje ñaboana mũa. “Queno masirã ña gũa”, mũa yire waja, seti cõtirã ña mũa, yiquĩ Jesús ñinare.

Ovejare coderi masa oca

10 ¹Mũcana masare riasosũogũ ado bajiro yiquĩ Jesús: —Riti mũare gotia yũ. No oveja ña ñari sãnimũ ña ya soje sãjabicũ, gaje dũja jore sãjagũ rũocõri rinigũ ñami iocũ. ²Ña ya soje sãjagũama, ñare tirũnũcõri codegũ ñami. ³Ovejare tirũnũri masũ ĩ sãjatoni ĩre soje jana ĩsigũ yiguĩji soje coderi masũ. ĩ sãjaroca ĩ ya ocare tũo masirã yirãji ĩ ya oveja. ĩ ya ovejajuare ti masicõri, wamena ñare ji bucõagũ yiguĩji ĩ. ⁴Ñare bucõa jeocõri, ña riojua ñare tũa ũmatãgũ yiguĩji ĩ. ĩ ya ocare tũo masicõri, ĩre sũyarã yirãji ña. ⁵ĩ oca ña tũo godo weobejama ĩre sũyamena yirãji ña. ĩ ya ocare tũo masibiticõri, ĩre rudirã yirãji ña, yiquĩ Jesús masare.

⁶Riasore oca ñare goti masioquĩ Jesús. Ito bajibojarocati itire tũo masibiticã ña.

Bũto masare codegũ ñami Jesús, yire gaye

⁷Ito yija mũcana tũdi gotiquĩ Jesús ñinare:

—Riti mũare gotia yũ. Yũ ña soje, oveja ña sãjari soje bajiro bajigũ. ⁸Yũ riojua wadiana ñarocõti, rũori masa ito yicõri riniri masa cũni ñañi ña. Ito



(San Juan 10.2-4)

bajiri yu ya oveja mesare tuorũnubisijarã. ⁹Yu ña soje bajiro bajigu. No yuna suoriti sãjagũ, ãre masogũ yigũja yu. Ado bajiro bajigu yigũji ãocũ: Oveja ãna ñari sãnimũjũ sãjacõri, mũcana tũdi, budi, yi ñagũ, ñagũ yigũji ãocũ. Queno wanũ quenagũ yigũji ã. Ito yicõri, quenari wese ã baroti bujagũ yigũji ã. Ito bajiro bajirã ñarã yirãji yũre boca ãmirã. ãnare tirũnũgũ yigũja yu.

¹⁰Riniri masũ ã ejaja, rinicõri sãagũti ejagu yigũji ã. Ito yicõri, ruyurioguti ejagu yigũji ãocũ. Yuama masa ãna catitĩnaroca yigu wadirũ ña yu. Ito yicõri, ñe ruyabeto queno ãna ñaroca yigu wadirũ ña yu. ¹¹Yu ña ovejare queno coderi masũ. Yũre tuorũnũrãma yu ya oveja bajiro bajirã ñarã yirãji. Yu ya oveja bajiro bajirãre goda ãsirocũ ñacã yu. ¹²Sigũ waja bujarocũ ã moaja, queno oveja coderi masũ meje ñagũji ãocũ. Buyairo ã ejaja ticõri, ovejare wagogũ yigũji ã. ã ya oveja meje ãna ñajare, ãnare wagogũ yigũji ã. Ito bajiri buyairo ejacõri, ovejare ñagũ yigũji, ãto yicõri ãnare ão bategũ yigũji ã. ¹³Waja bujarocũ riti sigũ ã moaja, ovejare wagogũ yigũji ã, ã ñarã meje ãna ñajare. ãnare maigũ meje ñari ãnare ã wagoja no yimenaji ãre, yi riasoquĩ Jesũs masare.

¹⁴⁻¹⁵Yu ña ovejare queno coderi masũ. Yu Jacũ yũre ã masiro bajiroti, yu cũni ãto bajiroti ãre masia. Ito bajiroti yu ya ovejare ti masia yu. ãnãja cũni ãto bajiroti yũre ti masiama ãna. Yu ya ovejare goda ãsirocũ ñacã yu. ¹⁶Adi sãnimũ gãna meje ñama gãjerã yu ya oveja. ãna ñama gãjerã masa. ãnare cũni ãmigũ yigũja yu. ãna cũni yũre cudirã ñama ãna. Co rũmũ co sãnimũti ñarã yirãji ãna. Ito yicõri, yu sigũti ñagũ yigũja ãnare coderi masũ, yiquĩ Jesũs masare.

¹⁷Godagũ yigũja yu, mũcana tũdi catirocũ. Ito bajiro yu yijare yu ñarã catitĩnarã yirãji Dios rãca. Ito bajiri yu Jacũ bũto yũre maiami. ¹⁸Masama yũre sãmena yirãji. Yũmasiti yu ãmoro bajiroti masare yiari goda ãsigũ yigũja yu. Masare yiari yu goda ãsi ãmoja, ãti ña yu ãmoro bajiro yu yiroti. Ito yicõri, mũcana tũdi yu cati ãmoja cati masigũ ña yu. Ito bajiro yu yi masitoni yũre cũquĩ yu Jacũ, yiquĩ Jesũs masare.

¹⁹Ito bajiro ã yija tuocõri, judio masa ujarã ricati riti tuoãcã ãna ãja. ²⁰Coriarã jãjarã ado bajiro yicã:

—Rũmũ sãñagũ, mecũri masũ ã ñabojarocati, ¿no yija masa ãre tuorũnuati? yicã ãna.

²¹Gãjerãma ado bajiro yicã ãna:

—Rũmũ sãñagũ ã ñaja, ãto bajiro busibitiborũ ã. Ito yicõri, rũmũ sãñagũ ã ñaja, cãja mana ãna tiroca yibitiborũ, yicã ãna.

Jesure judio masa ãna ãmobitire gaye

²²Iti rũmũri juebũcũ ñacũ. Jerusalãnju Dios ya wi cajero ãna cudabiare basa, mũcana tũdi tuoãrã basa menicã ãna. ²³Ide ñurãju roca, Salomõn wame cutiri dũjãjuare Dios ya wiju sãja wacũ gũa Jesũs rãca. ²⁴Ito bajiro gũa baji ñaroca Jesure gãni biacõri, ãre seniãcã judio masa:

—¿Nocãta, “ã meje ñami ã. ãti ñami”, mũre yi masirã yirãjida gũa? Cristo Dios ã cõarũ mũ ñaja, adocãtati riojo gũare gotiya, yicã ãna Jesure.

25 Ñna ito yija tuocõri, ado bajiro cudiquĩ Jesús:

—Muare goticãbojacu yu. Ito bajibojarocati yure tuorũnubiticu mua. Yu Jacu ĩ rotirisena jaje muare ĩbojacu yu. Itire ticõri, “Īti ñami”, yi masirujabojacu muare. 26 Yu ya oveja meje ñari, yure tuorũnubea mua. Canu muare yu goticato bajiroti baja. Yu ñarã meje ñari, yure tuorũnubea mua, ya yu muare. 27 Oveja ña yu ocare ña tuo masiro robo bajiro, yu ñarã yure tuo masiama ña. Yu cuni ñare ti masia. Ito yicõri yure sayarã yirãji ña. 28 Ñna catifĩnaroca ya yu. Ito bajiri coji godacoa yimenaji ña. Sīgũjua yu rucorãre emabicu yigũji. 29 Ñnare yu rucotoni yure cũquĩ Cuna. Nijua ĩ rãtoro seogũ maquĩji. Ito bajiri sīgũjua yu rucorãre emã masigũ maquĩji ĩa. 30 Yu, ito yicõri yu Jacu rãca riti ña gua, yiquĩ Jesús judio masare.

31 Ito yija mucana ĩre rearona gũta amicã ña. 32 Ñna ito yija ticõri, ado bajiro yiquĩ Jesús ñnare:

—Yu Jacu ĩ masirisena suoriti jaje mua tiro riojo quenarise yibojacu yu. ¿Disejua queno yu yire waja yure gũta rearã yirãjida mua? yiquĩ Jesús ñnare.

33 Ī ito yijare ado bajiro cudicã judio masa:

—Mu queno yire wajare meje mre gũta rearã yirãji gua. Mu ya ocana Diore mu busiture waja mre rearã yirãji gua. Gua robo umugũ ñabojaguti, “Dios ña yu”, yibojã mu, yicã ña Jesure.

34 Ñna ito yijare Jesús ado bajiro yiquĩ:

—“Yu bajiroti bajirã ña mua cuni”, yini Dios, yi ucare ña mua ñicusabatia ña rotire. 35 “Dios oca riojo ñasarise ña”, yi tuoia mani. Ī oca tuorũnuanare, “Yu bajiroti bajirã ña mua cuni”, yini Dios ĩ oca tutina. 36 Yure besecõri adi sitaju yure cõaquĩ Dios. Ito bajiri, “Dios Macu ña yu”, yu yijare, ¿no yija, “Diore busitua mu”, yati mua yure? 37 Yu Jacu ĩ yiro bajiro yu yibeja, yure tuobesa. 38 Yu Jacu ĩ yiro bajiro yu yija, yure tuorũnubitojarãti, yu yigore ticõri, “Riti gotiami”, yi tuoiaruja muare. Ito bajiri, “Yure bajiroti usi cutigu ñami yu Jacu. Yu cuni ĩre bajiroti usi cutia”, yu yija, “Riti gotiami”, yi masiruja muare coji busati, yiquĩ Jesús ñnare.

39 Ito ĩ yija tuocõri, mucana ĩre ñia amobojacã ña. Jesujama rudicoaquĩ.

40 Rudi wacõri, Jordã wame cutirisa siduja waquĩ Jesús mucana. Īre baba cuti wacu gua cuni. Itoju ejacõri, Juan ĩ ide gu ñacatiyu tujaquĩ Jesús. 41 Jãjarã masa ĩre tirã ejacã. Īre ticõri, ado bajiro yicã ña:

—Tiyamani ĩobitibojaguti, ñni gaye ĩ gotire gaye, riti gotiñi Juan, yicã masa.

42 Itoju Jesús ñaroca jãjarã ĩre tuorũnucã masa.

Lázaro ĩ godare gaye

11 1 Sīgũ ñañi ñarise cõgũ. Ī wame cutiquĩ Lázaro. Ī ñarã romia ñacã María, gajeo Marta. Ñna ñacã Betania gãna. 2 Iso María ñacõ Jesús ya gubore queno suti quenarise jio gugoro. Jiocõri iso ya joana weja carogoro ñacõ iso, Lázaro ocabajio. 3 Lázaro ĩ cõja ticõri, ĩ ñarã romia Jesure oca cõañi ña:

—Gua ʘjɔ, mɔ baba Lázaro cõ ñami, yi oca cõañi ñna Jesure.

⁴Iti oca tɔocõri ado bajiro yiquĩ Jesús gware:

—Adi ñarise ñre ruyuriobetoja. Godarocɔ meje cõ ñaguĩji ĩ. Ado robojua baja. “Rẽtoro ñasagu ñami Dios, ito bajiroti rẽtoro ñasagu ñami Dios Macɔ cuni”, masa ñna yi rucɔbuotoni, cõ ñaguĩji Lázaro, yiquĩ Jesús.

⁵Lázaro, ĩ ocabajirã romia María, Martare cuni tuo maĩni Jesús. ⁶“Cõ ñami Lázaro”, yire oca tuobojaguti wabitiqũ Jesús maji. Gua ñariju jua rumɔ ñacõacɔ gua Jesús rãca maji. ⁷Jua rumɔ bero gua ĩ rãca riasotirãre ado bajiro yiquĩ Jesús:

—Ita mucana Judea sitaju. Lázaro ĩ ñaroju wato mani, yiquĩ Jesús gware.

⁸Ito ĩ yija tɔocõri:

—Canɔ busati itojɔ gãna judio masa mure gũtana rea sĩa amobojani ñna. ¿Itojɔ tudĩ ware tɔoĩati, gware riasogɔ mɔ? yi seniĩacɔ gua Jesure.

⁹“Yure ñna s̄arotijɔ ejabea maji”, yirocɔ ado bajiro cɔdiquĩ Jesús gware:

—ʘmua co ʘmua doce hora busurise ña. Ito bajiri sigũ ĩ wa ucuja juatabiquĩji iti busujare. Macãrucẽro busurise iti ñajare ti masigũ yiguĩji. Ito bajiri juatabiquĩji ĩ ʘmua ñajare. ¹⁰Ñami ĩ wa ucuja juatagu yiguĩji, busurise iti manijare, yiquĩ Jesús gware.

¹¹Itire goticõri mucana gaje gotiquĩ Jesús gware:

—Mani baba Lázaro canicoaguĩji. Ito bajiri ñre yujiogɔ waju yɔ, yiquĩ Jesús.

¹²Ito ĩ yija tɔocõri:

—Gua ʘjɔ, ĩ canija quena ña ñre. Tujacoagu yiguĩji ĩ, yicɔ gua Jesure.

¹³“Canigũ yiguĩji”, Jesús ĩ yija, “Wujore, yiguĩji Jesús”, yire masicɔ gua.

Ito bajiro gua tɔoĩabojarocati, Jesuama, “Godacoami”, yireoni yigɔ yiĩni ĩ.

¹⁴“Yure queno tuo masibeamã ñna”, yi tɔoĩacõri, riojo gware gotiquĩ Jesús ĩja:

—Lázaro godacoami ĩja. ¹⁵Queno yiguti ĩ tujɔ ñabisija yɔ. Ito bajicõri yure tuorũnurã yirãji mɔ. “Riti Dios Macɔ ña mɔ”, yure yi rucɔbuorã yirãji mɔ. ĩ tu ita ĩja, yiquĩ Jesús gware.

¹⁶Sigũ Jesús rãca riasotigɔ, gua rãca gagɔ Tomás wame cutiquĩ.

“Sũrũaru”, yicɔ gua ñre. Ado bajiro yiquĩ ĩ, gɔajuare:

—Ita mani cuni. Jesús rãcati godana mani cuni, yiquĩ Tomás gua ĩ baba mesare.

Yu ña masa tudĩ catiroca yigɔ, Jesús ĩ yire gaye

¹⁷Betaniaju gua ejaroca, “Juaria rumuri tujã Lázarore ñna yujeja bero”, yicã masa, gware gotirã. ¹⁸Jerusalén rocajua busã ñacɔ Betania. Coji cõre gudarecocõ ñacɔ Betania. ¹⁹Ito bajiri jãjarã Jerusalén gãna judio masa ejacã Lázaro ĩ godaja otirã. “Bujato baja, mɔ rĩjorɔ ĩ godaja”, yi María, Martare cuni gua ñagõ otirã ejacã ñna. ²⁰“Wadiami Jesús”, yire oca tɔocõri, ñre bocago ejacõ Marta. Maríama ejabiticõ. Wiju ñacõañi iso. ²¹Jesús tujɔ ejacõri ado bajiro yicõ Marta:

—Yu ʘjɔ, mɔ iti rumɔ busã ado mɔ ñajama, bai godabitiborɔ ĩ. ²²“ĩ godaja bero ñabojarocati, no Diore mɔ senija, ito bajiroti mure ĩsigũ yiguĩji Dios”, yi tɔoĩa yɔ, yicõ Marta Jesure.

23 Iso ito yija tʉocōri:

—Mʉ r̄jorʉ tʉdi catigʉ yigūji, yiqū Jesús isore.

24 Ito ī yija:

—Riti gotia mʉ. Sʉsari rʉmʉ masare tʉdi ĩna catiroca Dios ī yiri rʉmʉ, tʉdi catigʉ yigūji bai, yi tʉoĭa yʉ, yicō Marta Jesure.

25 Iso ito yija tʉocōri, ado bajiro yiqū Jesús:

—Yʉ ĩna tʉdi masa ĩna catiroca yigʉ. Ito yicōri yʉti ĩna catitĩnare rʉcogʉ. No yʉre tʉor̄ĭnʉgʉti catitĩnagʉ yigūji. Godabojagʉti tʉdi catigʉ yigūji ĩocĕ ĩja, yiqū Jesús isore. 26 Mʉcana tʉdi yʉ ejari rʉmʉ, yʉre tʉor̄ĭnʉ ĩna yucārā catitĩnārā yirāji ĩna. Godamenaji ĩna. ¿Itire tʉor̄ĭnʉati mʉ cʉni? yi seniĭaqū Jesús Martare.

27 Ito ī yija tʉocōri:

—Yʉ ʉjʉ, mʉ yiro bajiroti bajia. Mʉti ĩna Cristo, Dios ī cōarʉ. Mʉti ĩna Dios Macʉ, adi macārʉcūroʉ wadirʉ. Itire tʉor̄ĭnʉa yʉ, yicō iso Jesure.

Lázaro ya masari cuma tʉ Jesús ī otire gaye

28 Iso ito yija bero iso r̄joro Maríare jigo wacō Marta. Iso tʉ ejacōri, ado bajiro Maríare goti rudiyijo iso:

—Manire riasori masʉ ito ĩnami. “Wadijaro”, yimi mʉre, yiyijo Marta iso r̄jorore.

29 Iso ito yiroca riti wʉmʉcōri, Jesure tigo wadiĭni María. 30 Cʉtoʉ ejabiticu gʉa Jesús rāca maji. Marta iso bocacatojʉti ĩnacʉ gʉa maji. 31 María rāca ĩnāni judio masa, iso yagʉ godajare otirā. Ejori iso wʉmʉ waja ticōri, isore sʉya wadiĭni ĩna cʉni. “Masari cumajʉ otigo wagōji”, yi tʉoĭari seyoĭni ĩna.

32 Gʉa tʉ ejacōri Jesús riojo rijomunigāna ĩni r̄jucō María. Ito yicōri ado bajiro ĩre bʉsicō iso:

—Yʉ ʉjʉ, mʉ iti rʉmʉ bʉsa mʉ ado ĩnajama, bai godabitiborʉ, yicō iso Jesure.

33 María iso otija ticōri, iso rāca wadiana judio masa ĩna otija ticōri, bojori bʉjaqū Jesús cʉni. Ito bajiri ī ya ʉsijʉ bʉto bojori bʉja ĩnaqū Jesús. 34 Ado bajiro ĩnare seniĭaqū Jesús:

—¿Noʉ ĩre yujeri mʉa? yi seniĭaqū Jesús.

Ito ī yija tʉocōri:

—Adojʉa tigu waya mʉ, yicā ĩna Jesure.

35 ĩna ito yija tʉocōri, otiqū Jesús ĩja. 36 Jesús ī otija ticōri, ado bajiro yicā judio masa:

—Tite mʉa. Lázarore bʉto tʉo mairi seyoami ī, yicā ĩna.

37 Gājerā coriarāma ado bajiro yicā ĩna:

—Cajea tibicʉre yisiogʉ ĩnabojagʉti, ¿no yija Lázaro ī godabitiroca yibisijari ī? yicā ĩna coriarā.

Lázaroze tуди ĩ catiroca Jesús ĩ yire gaye

³⁸Mũcana Jesús bojori bujaguti eja rŭgũquĩ, masari cuma tujũ. Gũta toti ñacu godarure ĩna cŭraju. Iti soje gũtana biare cuticu. ³⁹Ito yija ado bajiro rotiquĩ Jesús:

—Itiga gũtagã ãmigoya, yiquĩ Jesús.

Ito ĩ yija tuocõri, ado bajiro yicõ Marta, godaru ocabajio:

—Juaria rumuri taja ĩ godaja bero. Buoro ãniguĩji ĩja, yicõ iso Jesure.

⁴⁰Iso ito yibojarocati:

—Yure mu tuorũnuja, rẽtoro ñasarise Dios gaye tigo yigoja mu, mure gotibu yũ, yiquĩ Jesús isore.

⁴¹“Gũtagã ãmicãña”, Jesús ĩ yija tuocõri, gũtagãre ãmigocã masa. Ito yija macãrucũrojuare ti muocõri, ado bajiro yiquĩ Jesús:

—Cuna, queno ya mu. Yure tuoã mu. ⁴²Yu masia, coji ruyabeto yure tuosotia mu. Ito bajibojarocati adi sita gãna mure ĩna tuorũnutoni, ĩna tiro riojo mu rãca busia yũ. “Dios ĩ cõaru ñami ãni”, ĩna yitoni, mu rãca busia yũ, yiquĩ Jesús, Diore busigu.

⁴³Iti goti tĩogũti awasãquĩ Jesús ĩja:

—Lázaro, budi waya adojuã, yiquĩ Jesús.

⁴⁴Ĩna yujobojaruti budiquĩ Lázaro ĩja. ĩ ya ricari, ito yicõri ĩ ya rujure cuni sayana dũrea biaru ñaquĩ ĩ. Gũbori cuni, ĩ ya rijoga cuni saya werona biaru ñaquĩ. Ruyubicu ñaquĩ ĩ. Ito bajiri ado bajiro masare rotiquĩ Jesús:

—İre õjaña, ĩ watoni, yiquĩ Jesús.

Jesure ñiarona ĩna cunire gaye (Mt 26.1-5; Mr 14.1-2; Lc 22.1-2)

⁴⁵Ito bajiro Jesús ĩ yija ticõri, jãjarã judio masa Marĩare baba cutiana Jesure tuorũnucã ĩna ĩja. “Riti Dios ĩ cõaru ñami ãni”, yi tuorũnucã ĩna ĩja.

⁴⁶Gãjerãma fariseo gaye tuoĩarãre tirã wacã ĩna. ĩna tujũ ejacõri, Jesús ĩ ĩogore ĩnare gotiyijarã ĩna. ⁴⁷Ĩna ito yijare, fariseo gaye tuoĩarã, paia ujarã rãca, ujarã ñasarã rãca minijuayijarã. Ito yicõri ado bajiro busiyijarã ĩna:

—¿No bajiro yirũjati mani? Jaje tiyamani ĩogũ ñami ãni. ⁴⁸İre mani camotabeja, masa jeyaro ĩre tuorũnurã yirãji. ĩna ito yija ticõri, mani ya minijuara wire ruyuriorã wadirã yirãji romano masa. Ito yicõri manire cuni ruyuriorã wadirã yirãji ĩna, yi gãmeri busiyijarã ĩna.

⁴⁹Iti rodore paia uju Caifás wame cutigu ñaquĩ. ĩnare ado bajiro gotiyiju ĩ:

—Masirã meje ña mũã. ⁵⁰Sĩgũ mani jeyarore yiari ĩ goda ĩsija quena. Mani jeyarore ĩna ruyurioja quenabetoja, yiyiju Caifás.

⁵¹Paia uju ñari, ĩmasirio tuoĩacõri meje yiyiju Caifás. ĩ masia mani ito bajiro ĩ busiroca yiyiju Dios ĩre. Ito bajiro ĩ busija, ĩjaju bajiroti gaye busiyiju ĩ. “Judio masa ñajedirore goda ĩsigũ yiguĩji Jesús. ⁵²İnare riti meje goda ĩsigũ yiguĩji ĩ. Dios ĩ beseana di sita gãna ruyabeto manire goda ĩsigũ yiguĩji ĩ. Sĩgũ rĩare bajiro



(San Juan 11.42-43)

mani ñatoni manire goda ñsigũ yiguĩji Jesús”, yigũ bajiro yiyiju ĩ Caifás. ⁵³Iti rãm̃rinati, “¿No bajiro Jesure s̃iarũjati mani?” yi b̃usi ñayijarã judio masa t̃jarã.

⁵⁴Ito bajiri masa ñna tiro riojo wa ucubitiqũĩ Jesús ĩja. Judea sita Jesús ĩ wagoja, ĩre s̃uya wacũ g̃ua c̃uni. Efraín wame c̃utiri c̃uto wacũ g̃ua. Yucũ mano t̃ujũ ñacũ iti c̃uto. Itoju tujacũ g̃ua Jesús rãca.

⁵⁵Yũ ñarã judio masa pascua basa ñna menirotto jabeto r̃uyayiju. Ito bajiri masa jãjarã wayijarã Jerusalénju. Pascua basa riojua ñna ñeñaro yirise coe rotirã ejayijarã ñna. ⁵⁶Itoju ejacõri, Jesure ãmabojayijarã ñna. Dios ya wijũ ejacõri ado bajiro gãmeri seniñayijarã ñna:

—¿No bajiro tuoĩati mua? ¿Basa tigũ ejagu yiguĩjida mua? Ejabicu yiguĩji gajea, yi gãmeri busiyjarã ña.

⁵⁷Fariseo gaye tuoĩarã, paia ɸjarã cuni, “Jesure mua ti bujaja, guare gotiba. Ñre ñiarona ya gua”, yi gotiyjarã ña masare.

Jesús ya gubore sutirise María iso jio gure gaye

(Mt 26.6-13; Mr 14.3-9)

12 ¹Coga ãmojeno rumuri pascua basa ña menirotio riojua Betania wame cutiri cutojũ wacu gua Jesús rãca. Iti cuto ñacu Lázaro ñ ñaro. Ito ñacu Lázarore mucana tũdi ñ catiroca Jesús ñ yiraju. ²Jesús ñ ejaja ticõri, ñre rucubũorã ñre bare meni ñsicã Lázaro ñ ocabajirã romia. Marta ñacõ guare bare jeogo. Lázaro cuni gua rãca ba rujiqũ ñ. ³Gua baroca ɸye queno sũti quenarise nardo wame cutirise ãmi ejacõ María. Co coacõ ñacu iti. Bũto waja cutirise ñacu. Itina Jesús ya gubore jio gucõ iso. Ito yicõri iso ya joana weja carocõ iso. Wi dajaroti sũti dajacoacu iti sutirise. ⁴Itojũ ñaquĩ Judas Iscariote. Ñ cuni guare bajiroti Jesús rãca riasotigũ ñabojaquĩ. Ñ ñaquĩ Jesús wajana ñre ñiatoni gotiri masũ. Jesús ya gubore iso jio guja ticõri, ado bajiro yiquĩ Judas:

⁵—Iti ɸye queno sũti quenarise ñsicõri, trescientos niyeru cujiri ãmirũjaboyija mũ. Iti waja bujacõri bojoro bujarãre ejabuãrũjaboyija mũ, yiquĩ Judas.

⁶Bojoro bujarãre tuo maigũ meje yiquĩ ñ, ito ñ yirise. Riniri masũ ñari ito bajiro yiquĩ ñ. Ñ ñaquĩ gua ya niyeru awiruca seori masũ. Iti awiruca gua sãrisere ãmisotiñi ñ. ⁷Ito yija ado bajiro yiquĩ Jesús ñre:

—Usirio codebesa isore. Yũre ña yujerotire tuoĩa yugo ito bajiro yamo iso. ⁸Mua rãca riti ñatĩñarã yirãji bojoro bujarã. Ito bajiri ñnare ejabuãtĩñarã yirãji mua. Yuama mua rãca ñatĩñabicu yigũja. Ito bajiri mua rãca yũ ñaroca maji yũjuare ejabuaja quena, yiquĩ Jesús ñre.

Lázarore sĩa ãmorã ña cunire gaye

⁹“Betaniaju ñaguĩji Jesús”, yire oca, jãjarã tuoñi judio masa. Jesure riti tirã meje ejacã ña. Lázarore tũdi ñ catiroca Jesús ñ yirũre tirã rãcati wadiñi ña. ¹⁰Ito bajiro masa ña yija ticõri, Lázarore cuni sãre cunicã paia ɸjarã. ¹¹Lázaro ñ tũdi catija ticõri, paia ɸjarãre jidicã wacã masa. Ito yicõri Jesure tuorũnucã ña ñja. Ito bajijare Lázarore cuni sĩa ãmoñi paia ɸjarã.

Jerusalénju Jesús ñ ejare gaye

(Mt 21.1-11; Mr 11.1-11; Lc 19.28-40)

¹²Ito bero gaje rumũ, “Ado ejagu yiguĩji Jesús”, yire oca tuo jedicã masa. Ña ñacã Jerusalénju pascua basa tirã ejana. ¹³Ito bajiri Jesure boca ãmirona rujaño caeri ãmicã ña. Ito yicõri ado bajiro awasãcã ña, ñre wanũrã:

—Rẽtoro ñasagu ñami Dios. Ñ cõarũre queno yijaro Dios. Gua Israel gãna ɸju ñarocũre queno yijaro Dios, yi awasãcã ña, ñre wanũrã.



(San Juan 12.12-13)

¹⁴Burro wame cutigure bujacōri, m̄ja jeaquĩ Jesús. Ito bajiroti yi gotia Dios oca c̄ni. T̄ote m̄a:

¹⁵M̄a Sión c̄to ḡna, guibesa. M̄a ̄ju ñaroc̄u burro joe jesa wadiami, yi gotia Dios oca.

¹⁶Cajero queno tuo masibitic̄u ḡa Jesús r̄ca riasotir̄a maji. ̄mac̄ju Jesure r̄c̄uoraj̄u ĩ m̄jaja bero, “Riti gotia Dios oca. Jeyaro iti gotiado bajiroti r̄etac̄u”, yi masic̄u ḡa ĩja.

¹⁷Masa j̄jar̄a tic̄a masari cumaj̄u ñaḡũ Lázarore t̄di ĩ catiroca Jesús ĩ yija. ĩ catija tigoana ñari masa jeyarore goti batoñi ĩna. ¹⁸Ito bajiri, “Tiyamani gaye, ĩoami Jesús”, yire oca t̄oc̄ori, Jesure tir̄a masa j̄jar̄a ejac̄a. ¹⁹Ito bajiro masa ĩna yija tic̄ori, fariseo gaye t̄oĩar̄a ĩnamasiti ḡameri busiyjar̄a:

—Tiya, masa jeyaro ĩ ocare tuo s̄ya wama ĩja. No yiado ma manire, yiyjar̄a fariseo gaye t̄oĩar̄a.

Griego masa Jesure ĩna āmare gaye

²⁰Basa ñaroca Jerusalénju Diore r̄c̄uor̄a wana r̄ca w̄sayjar̄a coriar̄a griego masa. ²¹Felipere oca senīar̄a wayjar̄a ĩna. Galilea sita Betsaida wame cutiri c̄to gaḡu ñaquĩ Felipe. Ado bajiro Felipere yiyjar̄a ĩna:

—Jesure ti āmosac̄o ḡa, yi josayjar̄a ĩna Felipere.

²²ĩna ito yija t̄oc̄ori, Andrésre gotiḡu wayju Felipe. Ito bajiri ĩna j̄ar̄a Jesure gotir̄a ejac̄a ḡa t̄ju. ²³ĩna oca gotija t̄oc̄ori, ado bajiro yiquĩ Jesús ĩnare:

—Yu ña Masa R̄jor̄u. ̄mac̄ju r̄c̄uoraj̄u yu t̄di m̄jarotij̄u ejacoaj̄u ĩja. Yure ĩna s̄arotij̄u ejacoaj̄u ĩja. ²⁴Riti m̄are gotia yu. Trigo aje queno carabetoti jacaj̄u iti quedija, judibetoja. Queno carac̄ori iti quedija, jaje judiro yiroja m̄cana. Godac̄ori m̄cana t̄di catiado bajiro baja iti. ²⁵No ĩ catirise maibojaḡuti godagu yiguĩji. Ito yic̄ori Dios t̄ ejabiquĩji ĩ. No adi mac̄ar̄c̄uroju ĩ ñarise maibic̄uama godabic̄u yiguĩji. Catit̄nare gaye bujagu yiguĩji ĩoc̄uama. ²⁶No yure moa ĩsi āmoḡũ, yure s̄yaja quena. No yu ñaroti, ito ñaḡũ yiguĩji yure moa ĩsiḡũ c̄ni. No yure moa ĩsiḡure r̄c̄uoḡu yiguĩji yu Jac̄u, yiquĩ Jesús ĩnare.

Yure s̄ar̄a yir̄aji, Jesús ĩ yi gotire gaye

²⁷ĩ Jac̄ure busiḡu ado bajiro yiquĩ Jesús:

—B̄to t̄oĩa oca jaja yu. “C̄na adoc̄ata yure r̄etaroti gaye, iti yure r̄etame yiroc̄u yure masoña”, ¿yir̄jati yu? Meje ito bajiro yibic̄uja yu. Itire t̄b̄jaroc̄u wadir̄u ña yu. ²⁸C̄na, m̄ āmoro bajiroti r̄etajaro, masa m̄re ĩna r̄c̄uotoni, yiquĩ Jesús, Diore busiḡu.

Ito ĩ yirocati, ̄mac̄ju oca ruyc̄u:

—Masa yure ĩna r̄c̄uoroca yic̄ac̄u yu. M̄cana t̄di ĩna r̄c̄uoroca yiḡu ya yu, yire oca ruyc̄u ̄mac̄ju.

²⁹Ḡna iti oca t̄oc̄ori:

—B̄jo ñar̄u, yic̄u ḡa coriar̄a. Ḡj̄er̄ama:

—Ángel busiru, yicã ñna.

³⁰Ito bajiro masa ñna yija tuocõri, ado bajiro yiquĩ Jesús:

—Yure yiari meje oca ruyubũ. Mũare yiari, mũa tuotoni oca ruyubũ.

³¹Adocãta adi macãrucũro gãnare Dios ĩ beserotiju ejacoaju ĩja. Ito yicõri, adi macãrucũro gãnare ñeñaro yi rotigure, ĩre bucõagũ yiguĩji Dios.

³²Masa yucutẽoju yure ñna mũo rũgõja, jãjarã yure ñna boca ãmiroca yigu yigũja yũ, yiquĩ Jesús masare.

³³“Ito bajiro godagu yiguĩji”, masa ñna yi tuo masitoni, ito bajiro gotiquĩ Jesús ñnare. ³⁴Ito ĩ yijare, ado bajiro cudicã masa:

—Gũa masa bucũrã papera tuti iti gotija, “Catitĩñagũ yiguĩji Cristo”, yi gotia iti. ¿No yija, “Masa Rijorũre mũorã yirãji ñna”, yati mũ? ¿Ñimũ ñati Masa Rijorũ? yicã ñna Jesure.

³⁵Ñna ito yijare ado bajiro cudiquĩ Jesús:

—Yũ ña busurise rucogu, mũa tuo masiroca, mũa ti masiroca cuni yigu. Yoari mejeti mũare wagogu yigũja yũ. Yũ waroto riojua mũare riasogu ya yũ maji. Ito bajiri mũa rãca yũ ñaroca riti queno riasotiya mũa. Ito bajiro mũa yija queno tuo masirã yirãji mũa. Ito yicõri ñeñaro yimenaji mũa. No rãitiaroju wacu, “Ito wagũja yũ”, yi masibicu yiguĩji. Ito bajiro yibojama ñeñaro yirã. ³⁶Yũ ña busurise rucogu. Yure tuorũnuña mũa, mũa rãca yũ ñaroca riti maji. Yure mũa tuorũnuja, queno tuo masirã yirãji. Ito yicõri yũ ñarã ñatĩnarã yirãji, yiquĩ Jesús masare.

Ito bajiro masare ĩ gotija bero, gũa masibetoju wa godacoaquĩ Jesús ĩja.

Judio masa Jesure ñna tuorũnũbitire gaye

³⁷Jaje tiyamani masa ñna tiro riojo ĩ ĩbojarocati, ĩre tuorũnũbiticã masa. ³⁸Ñna Jesure tuorũnũbeja, Isaías ñayoru ĩ ucado bajiroti rõtacu. Ado bajiro ucayoñi ĩ:

Gũa Uju, gũa gotirise sigũ tuorũnũgũ mami. Ito yicõri, mũ ĩorisere sigũ tuorũnũgũ mami, yi ucañi Isaías ñayoru.

³⁹“Dios ĩ cõarure tuorũnũmena yirãji masa”, yirocu ado bajiro ucañi Isaías ñayoru:

⁴⁰Ñna tibitiroca yigu yiguĩji Dios. Ito yicõri ñna ya usiju ñna tuo masibitiroca yigu yiguĩji Dios. Ito bajiri ñna ya cajeana ti masimena yirãji ñna. Ñna ya usina queno tuo masimena yirãji ñna. Ito yicõri, Dios ĩ cõarure tũdi yisio rotimena yirãji ñna, yi ucañi Isaías ñayoru.

⁴¹Isaías ĩ cãiroju, bũto Cristo ĩ ñasarise tiyiju ĩ. Ito bajiri iti gaye ucayoñi ĩ.

⁴²“Ito bajiro bajirã yirãji”, Isaías ĩ yire ñabojarocati jãjarã judio masa Jesure tuorũnũcã. Ñna ujarã cuni coriarã Jesure tuorũnũcã. Masa ñna tuoro riojo, “Jesure tuorũnũgũ ña yũ cuni”, yibiticã ñna. “Fariseo gaye tuõarã manire bucõarã yirãji ñna”, yirona gotibiticã ñna. ⁴³Dios gaye rëto busaro, masa gaye rucũbuore ãmocã ñna.

Yũ ocare tuorũnũbitianare ruyuriogu yiguĩji Dios, Jesũs ĩ yire gaye

⁴⁴Gua tu tũdi ejacõri, ado bajiro masare oca sẽoro busiquĩ Jesũs:

—Yũre tuorũnũrã, yũre riti meje tuorũnũrã yirãji. Yũ Jacũ yũre cõarũre cũni tuorũnũrã yirãji. ⁴⁵Yũre mua tija, yũre cõarũre cũni tia mua. ⁴⁶Yũ ña busurise rucogu. Yũre tuorũnũrã rãitĩaroju ĩna ñame yirocu, adi macãrucũrojure wadicu yũ. ⁴⁷Yũ ocare tuobojaguti, yũre ĩ tuorũnũbeja, yũ meje ña ĩre ruyuriorocu. Adi macãrucũro gãnare ruyuriorocu meje wadicu yũ. Masare masorocũjua wadicu yũ. ⁴⁸Yũre rucũbuobiticõri, yũ ocare tuorũnũbicure, ruyuriorocu sigũ ñacãguĩji. Yũ ocare ĩ tuorũnũbiti waja susari rũmũ ĩre ruyuriogu yiguĩji Dios. ⁴⁹Yũmasirio meje busia yũ. Yũ Jacũ yũre cõaru, yũ busiroti, yũ riasoroti cũni yũre cũcãquĩ ĩ. ⁵⁰“Yũ Jacũ ĩ rotirise gaye ĩna tuorũnũja, catitĩñarã yirãji ĩna”, yĩ tũoĩa yũ. Yũ busija, yũ Jacũ ĩ rotiado bajiroti busia yũ, yiquĩ Jesũs masare.

Ĩ rãca riasotirã ya gũbori Jesũs ĩ coere gaye

13 ¹Pascua basa ñaroto riojua, “Yũ adi macãrucũrore wagocõri yũ Jacũ tu yũ waroto ejacoaju ĩja”, yĩ tũoĩari seyoĩni Jesũs. Adi macãrucũro gãnare ĩ ñarãre maisotiquĩ Jesũs. “Riti mũare bũto maisacõa yũ”, yĩ ĩrocu, goda ĩsirocu ñacãni Jesũs.

²Gua basusaroca Judas Iscariote Simõn macure ĩ ya usiju ñacãri seyoĩni rũmũ. Judas ya usiju ñacõri, “Jesũs wajana ĩre ĩna ñiatoni gotiba”, yĩ ñari seyoĩni rũmũ Judasre. ³Ado bajiro yĩ tũoĩari seyoĩni Jesũs, “Dios yagu wadirũ ña yũ, ito yicõri ĩ tu tũdi wacu yiguja yũ. Yũ roti masitoni yũ Jacũ ĩ cũrũ ña yũ”, yĩ tũoĩari seyoĩni Jesũs. ⁴Gua basusa ñaroca bare jeoado tu rujigu wũmũ rũgũquĩ Jesũs. Joegado ĩ sãñaro ruacõri, toallana ĩ ya jeragaju wẽo taquĩ. ⁵Ito yicõri rujatẽroju ide jioquĩ. Ito yicõri gua ya gũbori coesũoquĩ Jesũs. Coe tĩocõri toalla ĩ wẽo tarona gua ya gũbori caroquĩ ĩ.

⁶Simõn Pedrore gũbo ĩ coegu wagu yiroca ado bajiro yiquĩ Simõn Pedro ĩre:
—¿Yũ Uju, yũ ya gũbore coegu yati mũ? yiquĩ Pedro.

⁷Ito ĩ yijare cũdiquĩ Jesũs:

—Adocãta mua ya gũbori yũ coerise queno tuo masibea mua maji. Ija co rũmũ masirã yirãji mua itire, yiquĩ Jesũs.

⁸Ito ĩ yibojarocati:

—Yũ ya gũbore coebicu yiguja mũ, yiquĩ Pedro Jesure.

Ito ĩ yijare:

—Mũ ya gũbori yũ coebeja yũ rãca gagũ meje ñagũ yiguja mũ, yiquĩ Jesũs Pedrore.

⁹Ito ĩ yija tuocõri, cũdiquĩ Pedro:

—Mũ ito yija, yũ ya gũbori riti meje coeya. Yũ ya ãmo cũni, yũ ya rijoga cũni coeya, yiquĩ Pedro Jesure.

¹⁰Ito ĩ yija tuocõri, ado bajiro cũdiquĩ Jesũs:



(San Juan 13.4-6)

—Gua t̄iocārure jeyaro rujuri coere ma. Gubori riti coeja quena. Ueri mana bajiro bajirā ña mua. Ito bajibojarocati sigū ñami mua rāca gagu ueri jaigu bajiro bajigu, yiquī Jesús guare.

¹¹“Í ñami yure ña niatoni gotiri masu”, yi masicōri, “Mua jeyaro meje ueri mana ña mua”, yiquī Jesús guare.

¹²Gua ya gubori coe t̄iogū joe ī s̄ñaro s̄ñaquī Jesús mucana. Bare jeoado tu rujicōri ado bajiro yiquī ī mucana guare:

—¿Mware gubori yu coerise tuo masiati mua? ¹³“Guare riasogu, gua Uju”, ya mua yure. Iti ña yu. Ito bajiro yure mua yija quena ña. Riojo ya mua.

¹⁴Yu mua Uju, mware riasogu ñabojaguti mua ya gubori yu coeja, muamasi cuni gāmeri gubori coeja quena. ¹⁵Yu yiro bajiro mua yitoni mware iocāmu yu. ¹⁶Riti mware gotia yu. Sigū moa isiri masu ī uju r̄etoro ñasabiquīji ī. Sigū gāji cōaru ī ñaja ire cōaru r̄etoro ñasabiquīji ī. ¹⁷Iti yu busirise tuocōri, ito yicōri itire mua queno cudija, wanu quenarā yirāji mua, yiquī Jesús, guare.

¹⁸Mucana gaje ado bajiro gotiquī Jesús guare:

—Mua jeyarore tuoīagū meje busia yu. “Ína ñama yu beseana”, yi masia yu. Dios ī busigore r̄etaro ya. Ado bajiro gotia iti ī oca tutina: “Yu rāca bagu ñabojaguti yure jidicāgū yiguīji”, yi gotia Dios oca. ¹⁹Iti r̄etaroto riojua mware gotia yu. Ito bajiri iti r̄etaja ticōri, “Dios cōaru ña

yũ”, yũ yiro bajiroti yũre tũorũnurã yirãji mũa. ²⁰Riti mũare gotia yũ, Yũ cõanare boca ãmirã yũre cũni boca ãmirã yirãji. Noa yũre boca ãmirã yũre cõarũre cũni boca ãmirã ñama ñaõna, yiquĩ Jesús guare.

Yũre ñna ñiatoni yũ wajanare gotigu yiguĩji Judas, Jesús ï yire gaye
(Mt 26.20-25; Mr 14.17-21; Lc 22.21-23)

²¹Ito bajiro ï yija bero, ï ya usijũ buto tũoĩa bojori bujaquĩ Jesús. Queno riojo guare gotigu ado bajiro yiquĩ ï:

—Riti mũare gotia yũ. Yũre ñna ñiatoni yũ wajanare gotigu yiguĩji mũa rãca gagũ, yiquĩ Jesús guare.

²²Ito ï yija tũocõri, gũa ï rãca riasotirã gũamasiti gãmeri ticũ. “Ïre busiguĩji”, yi masibiticũ gũa. ²³Yũ ï rãca riasotigũre buto maiquĩ Jesús. Ito bajiri gũa basusacati rũmũ ï tũ ba rujicũ yũ. ²⁴¿Ñimũre tũoĩagũ busiati mũ? yi Jesure yũ seniĩatoni yũre ti ñucaquĩ Simón Pedro. ²⁵Ito ï yija ticõri, Jesús tũ busa eja rũjũcõri, ïre seniĩacu yũ:

—Yũ Ʋjũ, ¿ñimũjua ñati mũre oca menirocu? yicũ yũ Jesure.

²⁶Ado bajiro cudiquĩ Jesús yũre:

—Najuro yosecõri, yũ ïsigũ, ï ñagũ yiguĩji, yiquĩ Jesús yũre.

Ito bajiro ï yija bero, Judas Iscariote Simón macũre ïsiquĩ ï. ²⁷Iti naju ï boca ãmirocati rũmũa Ʋjũ Satanás sãjacoari seyoquĩ Judas ya usijũ. Ito bajijare ado bajiro yiquĩ Jesús ïre:

—Yũre mũ oca meni ãmorise cojisiti wacõri oca meniña, yiquĩ Jesús Judasre.

²⁸Ï rãca ba rujicãna gũa sũgũjua ito bajiro ï busirisere tũo masibiticũ gũa. ²⁹Gũa ya niyeru awirucare tirũnũgũ ñaquĩ Judas. Ito bajiri, “Basa rũmũ ñaroca mani baroti waja yitẽña”, yiguĩji Jesús, yire masicũ gũa. “Bojoro bujarãre niyeru ïsitẽña”, yiguĩji gajea, yire masicũ gũa.

³⁰Naju Jesús ï ïsirise boca bacõri, wacoaquĩ ï ïja. Ito bajiro ï yiroca ñamijũ ñacoacu ïja.

Mame rotire gaye

³¹Judas ï wagoja bero ado bajiro yiquĩ Jesús guare:

—Ūmacũjũ, yũ Masa Rĩjoru, yũre rũcũbuoroju ware ejacoaju ïja. Yũre rẽtaroti gaye ticõri, Diore rũcũbuorã yirãji masa. ³²Diore masa ñna rũcũbuoroca yũ yija, yũre cũni ñna rũcũbuoroca yigu yiguĩji Dios. Yoari mejeti ito bajiro yigu yiguĩji Dios. ³³Yũ rĩa robo bajirã ña mũa. Mũa rãca yoari ñabicũja yũ ïja. Yũre ãmabojarã yirãji mũa. Canũ gãjerã judio masare yũ goticato bajiroti adocãta mũare cũni gotia yũ. “Yũ waroto wa masimenaji mũa”, ya yũ mũare cũni. ³⁴Adocãta mame rotire gaye mũare gotigu ya yũ. Ado bajiro bajaia iti. Gãmeri ti maima mũa. Mũare yũ ti mairo bajiroti mũa cũni gãmeri ti maija quena. ³⁵Mũa gãmeri ti maija ticõri, “Jesús rãca riasotirã ñama ñna”, yirã yirãji masa jeyaro.

“Jesure masibea yu”, yigu yiguja mu, Pedrose Jesús i yire gaye
(Mt 26.31-35; Mr 14.27-31; Lc 22.31-34)

³⁶Ito i yija tuocōri, Jesure seniiaquī Simón Pedro:

—Yu ʔju, ¿noju wacu yati mu? yiquī Pedro ire.

Ito bajiro i yijare:

—Adocāta yu warotoju wa masibicuja muāma maji. Ija yure suyagu yiguja mucana, yiquī Jesús Pedrose.

³⁷Ito i yija tuocōri:

—Yu ʔju, ¿no yija adocāta mu rāca wa masibicujada yu? Gājerā yure īna siabojarocati mure jidicābicuja yu. Mure goda iširocu ñacā yu, yiquī Pedro Jesure.

³⁸Ito i yijare cūdiquī Jesús:

—¿Riti yure goda iširocu ñacāti mu? Riti mure gotia yu. Cara i yujiroto riojna űdiaji, “Jesure masibea yu”, yigu yiguja mu, yiquī Jesús Pedrose.

Yuna suoriti mani Jacu tu ejarā yirāji mua, Jesús i yire gaye

14 ¹Mucana gaje ado bajiro gotiquī Jesús guare:

—Buto tuoia űsirio yibeja mua. Diore tuorūnucōri, yure cūni tuorūnūña. ²Cuna ya wi mua ñarotijuri jaje ñaroja. Ito bajiro iti bajibeja muare gotitiboia yu. Itoju mua ñarotiju queno yugu waju yu. ³Ito wacōri mua ñarotijuri queno tlogū mucana tūdi wadigu yiguja yu. Ito yicōri yu ñaroju mua ñatoni muare āmigū ejaqu yiguja yu. ⁴Yu warotiju masia mua. Ito yicōri itoju wara mare masia mua, yiquī Jesús guare.

⁵Ito i yibojarocati ado bajiro yiquī Tomás:

—Gua ʔju, mu warotore masibea gua. ¿No bajiro ito wara mare masirā yirājida gua? yiquī Tomás Jesure.

⁶Ito i yijare ado bajiro cūdiquī Jesús:

—Yu ña ito wara ma bajiro bajigu. Yuti ña riojo gotigu. Yuti ña catitñare rucogu. Yu sigūna suoriti yu Jacu tu ejarē ñaro yiroja. ⁷Yure mua ti masija yu Jacure cūni ti masirā yirāji mua. Yure ticōri ire ticā mua. Ito bajiri ire ti masirā ña mua īja, yiquī Jesús guare.

⁸Ito i yijare ado bajiro yiquī Felipe ire:

—Gua ʔju, mu Jacure gua tiroca yiya. Ito bajiro mu yija quena ñaroja guare. “Riti gotia mu”, yi masirā yirāji gua īja, yiquī Felipe Jesure.

⁹Ito i yijare:

—Iti ramuju mua rāca ñasucū Felipe yu. ¿No yija ito bajibojarocati yure ti masibea mu maji? Noa yure tigoana yu Jacure cūni tirā ñama. Ito bajiri, ¿no yija ire tigoana ñabojarāti, “Mu Jacure gua tiroca yiya”, yati mua yure? ¹⁰“Yu Jacu rāca ña yu. Ī cūni yu rāca ñami”, yu yija, ¿yure tuorūnubeati mua? Yu muare busirise yūmasi tuoia rujeocōri meje busia yu. Yu Jacu yu rāca ñagū, yuna suoriti i moarise yami ĩ. ¹¹“Yu Jacu rāca ña yu. Ī cūni yu rāca ñami”, yu yija yure tuorūnūña. Yu

búsirise mua tuorũnu ãmobeja, tiyamani yu ïorise ticõri, yure tuorũnuña. ¹²Riti muare gotia yu. No yure tuorũnugũ, yu yiro bajiroti yigu yiguji. Yu Jacu tu wacu ya yu. Dios tu yu tũdi wajare, tiyamani yu ïogore rẽto busaro tiyamani ïorãji mua cuni. ¹³Yure mua tuorũnuja, no mua seniuro bajiroti muare ïsigũ yiguja yu. Ito bajiro yu yijare, yu Jacure rũcubũorã yirãji masa. ¹⁴Yure mua tuorũnuja, no mua seniuro bajiroti cudigu yiguja yu, yiquĩ Jesús guare.

Espíritu Santore cõagũ yiguji Dios, Jesús i yire gaye

¹⁵Yure mua maija yu rotirisere cudirã yirãji mua. ¹⁶Ito bajiro mua yija yu Jacure senigũ yiguja yu, yure wasoarocu i cõatoni. Ì cõarocu ï ñagũ yiguji Espiritu Santo riojo gotigu. Mua rãca ñatĩnagũ yiguji muare ejabũarocu. Ito yicõri mua bojori bũjaja muare baba cutigu yiguji. ¹⁷Adi macãrucũro gãna ïre ti masibeamã ña. Ito bajiri ïre boca ãmi masimenaji ña. Mua rãca ï ñajare, ïre masirã ña muama. Mua ya usiju ñatĩnagũ yiguji i. ¹⁸Muare jidicãbicu yiguja yu. Mucana mua rãca ñarocu ejagu yiguja yu. ¹⁹Yoari mejeti wacu ya yu ïja. Ito bajiri yure tuorũnũmenama yure timenaji ïja. Muama tũdi yure tirã yirãji. Tũdi catigu yiguja yu. Ito bajiri mua cuni catirã yirãji. ²⁰“Yu Jacu rãca ña yu. Ito yicõri mua rãca ña yu, muajua cuni yu rãca ña”, yu yicato bajiro, tũdi yu catiri rãmu, “Riti gotiĩni Jesús”, yu tuoĩarã yirãji mua. ²¹Yu rotirisere masicõri cudigu ïocũti ñami yure maigũ. Yure maigũre maigũ yiguji yu Jacu cuni. Yu cuni ïre maigũ yiguja. Ito yicõri yure ï ti masiroca yigu yiguja yu, yiquĩ Jesús guare.

²²Ito ï yija tuocõri, Judas Iscariote meje, gãji Judas wame cutigu ado bajiro ïre cudiquĩ:

—Gua Uju, ¿no yija adi macãrucũro gãnare ïobicuti, guare riti goãlogũ yigujada mu? yu seniãaquĩ ï Jesure.

²³Ito ï yijare:

—No yure mairã, yu búsirise tuorũnurã yirãji. Ito bajiri yu Jacu ñnare maigũ yiguji. Ito bajiri yu cuni yu Jacu rãca ña tu ñarã wadirã yirãji gua. ²⁴No yure ti maibicu yu búsirise tuorũnũbiquiji. Yu búsiya mua tuorise yumasu tuoĩa rujeocõri búsiere meje ña.

²⁵Mua rãca yu ñarijugoti itire muare gotia yu. ²⁶Yure wasoarocure Espiritu Santo cõagũ yiguji yu Jacu. Muare ejabũagu yiguji ï. Ito yicõri mua bojori bũjaja muare baba cutigu yiguji ï. Jeyaro muare riasogu yiguji ï. Jeyaro muare yu gotirise mua tuoĩa bũjaroca yigu yiguji ï, yiquĩ Jesús guare.

²⁷Gaje ado bajiro gotiquĩ Jesús guare:

—Muare ware gotigu, “Ñe oca mano queno ñama mua”, ya yu muare. Mua queno ñaroca ya yu. Adi macãrucũro gãnama queno mua ñaroca yu masimenaji. Yu ña mua tuoĩa usiriobeto ñaroca yigu. Ito bajiri tuoĩa usirio yibesa. Ito yicõri giubesa. ²⁸“Wacu ya yu, ito bajibojarocati mua rãca ñagũ ejagu yiguja mucana”, yu yija tuobu mua. Riti yure mua maija, “Yu Jacu tu wacu ya yu”, yu yija, queno wanu quenaboa mua. Ì ñami yu rẽto busaro ñagũ. ²⁹Jeyaro iti rẽtaroto riojua iti muare gotia yu. Ito bajiri iti rẽtaja ticõri, yure tuorũnurã yirãji mua.

30'Yoari mejeti muare busigu ya yu. Adi macãrucũro gãnare ñeñaro yi rotigu wadicõaguĩji rãmúa uju. Yũre roti masigũ meje ñami ï. 31 Yu Jacu ï rotiado bajiroti ya yu. Ito bajiro yu yija ticõri, “Ï Jacure maigũ ñami ï”, yi yirãji adi macãrucũro gãna, yiquĩ Jesús guare. Ito bajiro ï yija bero:

—Ita, adjũre wagoto mani, yiquĩ Jesús guare.

Uyégũ ñasaricu robo bajigu ña yu, Jesús ï yire gaye

15 1 Mũcana gaje ado bajiro gotiquĩ Jesús guare: —Uyégũ ñasaricu robo bajigu ña yu. Uyégũre tirũnũgũ robo bajiro bajigu ñami yu Jacu. 2 Yu ya rujuuri iti rica manija jatagu yiguĩji ï. Yu ya rujuuri iti rica cutija, queno tirũnũgũ yiguĩji, jai busaro iti rica cutitoni. Yu ya rujuuri gaja iti siniaja itire bejagu yiguĩji ï. Ito yicõri gajeoni iti judija itire ãmicãgũ yiguĩji, jai busaro iti rica cutitoni. 3 Yu riasorise tuorũnucõri queno ña mua. Ueri mana bajiro baja mua. 4 Yũre bajiroti usi cutisotiya mua cuni. Ito bajiro mua yija, mua rãca ñatĩñagũ yiguja yu. Yucu ruju rujagure iti wãñabeja rica mano yiroja. Ito bajiroti yũre mua tuorũnubeja yũre queno moa ïsimenaji mua. Yũre moa ïsibiticõri, uyégũ rica manigũ bajiro bajirã yirãji mua, yiquĩ Jesús guare.

5 Gaje guare ado bajiro riasoquĩ ï:

—Yu ña rujagu robo bajigu. Yu ya rujuuri robo bajirã ña mua. No yũre bajiro usi cutirã ña rãca yu ñajare, yũre queno moa ïsirã yirãji ña. Ito yicõri rica cutirã bajiro bajirã yirãji ña. Yu manija no yi masimenaji ña.

6 No yu rãca sigũre bajiro usi cutibicure ïre cõagũ yiguĩji yu Jacu. Siniara rujuurire ãmicõri, jeameju soeado bajiro yigu yiguĩji yu Jacu ïocũre.

7 Yũre bajiro usi cutisoticõri yu riasorise ãcabojobiticõri mua ãmoro bajiro mua senija, mua ãmoro bajiroti cudigu yiguja yu. 8 Yũre mua queno moa ïsija ticõri, yu Jacure queno rucubũorã yirãji masa. Ito yicõri, “Riti Jesús rãca queno riasotiana ñama ãna”, yi masirã yirãji masa muare. 9 Yu Jacu yũre ï mairo bajiroti muare maia yu. Yu mairã ña mua. Ito bajiri ito bajiroti ñaña mua. 10 Yu rotirise mua cudi ñasotija, yu mairã ñatĩñarã yirãji mua. Ito bajiroti yu Jacu ï rotirise cudisotia yu cuni. Ito bajiri yũre maisotiami Cuna.

11 Yu rãca mua wanũ quenatoni itire muare gotia yu. Ito yicõri mua ya usiju queno mua wanũ quenatoni, itire muare gotia yu. 12 Ado bajiro baja yu rotirise: Yu muare mairo bajiroti, mua gãmeri ti maija quena. 13 Sigũ ï baba mesare maigũ, ñnare ï goda ïsija iti ña bũto maire gaye. 14 Yu rotiro bajiroti mua cudija, yu baba mesa ñarã yirãji mua. 15 Ito bajiri, “Yũre moa ïsirã ña mua”, yibea yu ïja muare. Moa ïsiri masama ña uju yirisere masimenaji ña. “Yu baba mesa ña mua”, ya yu muare adocãta. Jeyaro yu Jacu yũre ï gotire mua masiroca yicãcu yu. Ito bajiri yu baba mesa ña mua. 16 Mua meje ña yũre beseana. Yũju muare besecu. Muare cãa yu, yu ocare gãjerãre mua riasotoni. Ito bajiro mua yija coriarã queno yũre tuorũnusotirã yirãji ña. Ito ña rica jogabiti robo bajirise. Ito bajiro masare mua riasoja ticõri, yũre mua seniro bajiroti ïsigũ yiguĩji yu Jacu. 17 Ado robojuã ña muare yu rotirise: “Gãmeri ti maiña mua”, yi rotia yu muare, yiquĩ Jesús guare.

Adi macārucūro gāna manire ti tudirā yirāji, Jesús ī yire gaye

¹⁸Gaje guare ado bajiro riasoquī Jesús:

—Adi macārucūro gāna muare īna ti tudija, “Manire īna ti tudiroto riojua Jesure ti tudisuoñi īna”, yi tuoīarā yirāji mua. ¹⁹Adi macārucūro gāna īna ñarāre mairāji. Adi macārucūro gāna īna tuoīaro bajiro mua tuoīaja, muare cūni maiboana īna. Adi macārucūro gāna wato ñarāre muare besecu yu. Adocāta īna bajiro tuoīarā meje ña mua. Ito bajiri muare ti tudiana īna. ²⁰Yu busirise tuote mua: “Moa īsiri masa īna uju rēto busaro ñasarā meje ñama īna”, yiarī muare gotibu yu. Adi macārucūro gāna yure usirio codeama. Ito bajiri muare cūni usirio coderā yirāji īna. Yu riasorisere cudibiticā īna. Ito bajiri muare cūni cudimena yirāji īna. ²¹Yure cōarure masibeama adi macārucūro gāna. Ito bajiri yu ñarā mua ñajare, muare usirio coderā yirāji īna, yiquī Jesús guare.

²²Gaje guare ado bajiro riasoquī Jesús:

—Adi macārucūro gānare busirocu yu wadibeja īnare seti maniboadoja. Yu īnare gotija bero ñajare, “Guare seti ma”, yi masibeama īna ija. ²³No yure ti tudirā yu Jacure cūni ti tudirā ñama īna. ²⁴Īna tiro riojo tiyamani yu iobeja seti maniboadoja īnare. Tiyamani yu iōja tigoana ñama īna. Tigoana ñabobarāti yure ti tudiana īna. Ito yicōri yu Jacure cūni ti tudiana īna. ²⁵Īna ya papera tuti ucare gaye iti gotiado bajiroti rēta adocāta. Ado bajiro gotia iti: “Ñe manoti yure ti tudiana īna”, yi gotia iti oca.

²⁶’Espíritu Santo riojo gotigure mua tu cōagū yigūja yu. Muare ejabuagu yiguīji ī. Ito yicōri mua bojori bujaja muare baba cutigu yiguīji. Yu Jacu tu wadiru ñagū yiguīji ī. Yu gaye muare gotigu yiguīji ī. ²⁷Cajerojuti yu riasosuorocajuti yu rāca ñasucocu mua. Ito bajiri masare mua riasoja mua cūni yu gaye busirā yirāji mua, yiquī Jesús guare.

16 ¹Gaje guare ado bajiro gotiquī Jesús:

—Adi oca muare gotia yu, ija iti rētaroca yure mua jidicāme yirocu. ²Ija īna ya minijuara wiju mua ñaroca muare bucōarā yirāji īna. Ito yicōri muare īna sīaja, “Diore cudirā sīa mani”, yi tuoīabojarā yirāji īna. ³Ito bajiro yirā yirāji īna, yure cūni yu Jacure cūni masimena ñari. ⁴Iti oca muare gotia yu. Ija ito bajiro iti rētaroca, “Ito bajirogo yiquīda Jesús”, yi mua tuoīa bujatoni, muare gotia yu.

Espíritu Santo ī moarise

’Cajero muare riasogu iti oca gotibiticu yu maji. “Īna rāca ñagū yigūja yu maji”, yi tuoīagū iti oca muare gotibiticu yu maji. ⁵Yure cōaru tu ñagū wacu ya yu adocāta. Ito bajibojarocati, “¿No wati mu?” yi seniābea mua yure. ⁶Iti oca muare yu gotijare mua ya usiju bojori buja mua. ⁷Riti muare gotia yu. Yu waja quena ñaro yiroja muare. Yu wabeja, muare ejabuarocu, mua bojori bujaja muare baba cutirocu mua rāca ñagū wadibiquīji Espiritu Santo. Yu wajama īre cōagū yigūja

yũ. ⁸Ĩ wadija, “Ñeñaro yirã ña mani”, adi macãrucũro gãna yi ña tũoĩaroca yigũ yiguĩji ĩ. “Quenarise mani yija, Diore cudirãji mani”, ña yi masiroca yigũ yiguĩji Espĩritu Santo. “Diore mani cudibeja manire waja senigũ yiguĩji”, ña yi masiroca yigũ yiguĩji Espĩritu Santo. ⁹Adi macãrucũro gãna yũre tũorũnũbitiana ñari seti cutirã ñama ña ĩja. ¹⁰Yũ Jacũ ĩ ñaroju yũ wajare, “Quenarise mani yija, Diore cudirãji mani”, yi masirã yirãji masa. Yũ Jacũ tũ yũ wajare, yũre timena yirãji mũa. ¹¹Adi macãrucũro gãnare ñeñaro yi rotigũ Satanãsre ruyuriogu yiguĩji Dios. Ito bajiri, “Diore mani tũorũnũja ĩ yiro bajiroti jeame ãjũroju cõabicũ yiguĩji Dios, manire”, masa ña yi masiroca yigũ yiguĩji Espĩritu Santo.

¹²Jaje gotiroti ñaboja yũre maji. Ito bajibojarocati adocãta yũ goti jeoja itire tũo masimenaji mũa maji. ¹³Espĩritu Santo riojo gotigũ ĩ ejaroca riojo oca ñasarise mũare riasogu yiguĩji ĩ. ĩmasirio meje busigũ yiguĩji. ĩ tũogore mũare gotigũ yiguĩji. ĩja rãtaroti gaye mũa masiroca yigũ yiguĩji ĩ. ¹⁴Yũ riasorise gaye boca ãmicõri mũa masiroca yigũ yiguĩji Espĩritu Santo. Ito bajiro yicõri masa yũre ña rũcũbũoroca yigũ yiguĩji Espĩritu Santo. ¹⁵Ñarocõti yũ Jacũ ĩ gotiro bajiroti gotia yũ cũni. Ito bajiri, “Yũ riasorise boca ãmicõri, mũa masiroca yigũ yiguĩji Espĩritu Santo”, yibũ yũ mũare, yiquĩ Jesũs gũare.

¹⁶Gaje gũare ado bajiro gotiquĩ Jesũs:

—Yũ Jacũ tũ wacũ ya yũ. Ito bajiri nocõ mejeti yũre timena wana ya mũa. Ito bajibojarocati mũacana yoari mejeti tũdi yũre tirã yirãji mũa, yiquĩ Jesũs gũa ĩ rãca riasotirãre.

Bojori bũjabojana tũdi wanũ quenarã yirãji mũa mũacana, Jesũs ĩ yire gaye

¹⁷Ito ĩ yija tũocõri, gũa coriarã ado bajiro gãmeri seniĩacũ gũa:

—¿No yireoni ñati iti? yicũ gũa. “Yũ Jacũ tũ wacũ ya yũ, ito bajiri yũre timena wana ya mũa. Ito bajibojarocati mũacana yoari mejeti yũre tirã wana ya mũa”, yami manire. ¿No yireoni ñati iti? yicũ gũa. ¹⁸“Yoari mejeti”, manire ĩ yija, ¿no yireoni ñarõjada? “Iti gaye busiguĩji, yi masibea mani”, yi gãmeri busicũ gũa Jesũs rãca riasotirã.

¹⁹“Yũre seniĩa ãmoama ãna”, yi tũoĩari seyoquĩ Jesũs. Ito bajiri ado bajiro yiquĩ ĩ gũare:

—Yoari mejeti yũre timena wana ya mũa. Ito bajibojarocati mũacana nocõ mejeti yũre tirã wana ya mũa, yibũ yũ mũare. Ito bajiro yũ yirise, ¿mũamasiti gãmeri seniĩati mũa? ²⁰Riti mũare gotia yũ. Oticõri, bũto bojori bũjarã yirãji mũa. Adi macãrucũro gãnama wanũrã yirãji ña. Bojori bũjarã ñabõjarãti yoari mejeti mũacana tũdi wanũrã yirãji mũa. ²¹Ado bajiro baja: Sĩgõ romio macũ rucõgo wago iso yija, tũoĩa oca jaigo yigõji, “Yũre juniro yiroja”, yiroco. Iso macũ rucõja bero junirise gaye tũdi tũoĩabeco yigõji iso. Adi macãrucũrojũre macũacã ĩ rujeajare bũto wanũ quenagõ yigõji iso. ²²Ito bajiroti mũa cũni adocãta tũoĩa oca jaja. Mũacana mũare tigũ ejagũ yigũja yũ. Yũre mũa tija mũa ya usijũ bũto wanũrã yirãji mũa. Ito bajiro mũa wanũja, ñimũjũa mũare camota masibiquĩji.

²³Iti rumu iti ejaja ñejuu yure senimena yirãji mua. Riti muare gotia yu. Yure tuorũncõri, yu wamena yu Jacure mua senija, mua seniro bajiroti ïsigũ yiguji ï. ²⁴Adi riojuu yu wamena senibiticu mua maji. Adi rumuna yu wamena senisuorã ya mua. Ito bajiri queno mua wanu quenatoni mua boca ãmiroca yigu yiguji Dios, yiqui Jesús guare.

Adi macãrucũro ñeñaro yirã ujare rãtocũcu yu, Jesús ï yire gaye

²⁵Gaje guare ado bajiro gotiqui Jesús:

—Iti muare yu gotirise goti masiore ocana gotibu yu. Ija ñaro yiroja goti masiore ocana meje muare yu busiri rumu. Recoti mua tũoro riojo yu Jacu gaye muare busigu yiguja yu. ²⁶Iti rumuri yu wamena yu Jacure senirã yirãji mua. Ito bajiri muare yiari yu Jacure busi ïsire mano yiroja. Muamasiti busirã yirãji ïja. ²⁷Muare yiari yu Jacure busi ïsibicuja yu ïja. Yu Jacumasiti muare maicãmi. Yure mua majare yu Jacu muare maicãmi. “Dios yagu wadiru ñami Jesús”, mua yijare muare maicãmi ï. ²⁸Yu Jacu tu wadicõri, adi macãrucũroju ejacu yu. Adi macãrucũro gãnare wagocõri, yu Jacu tu wacu ya yu mucana, yiqui Jesús gua ï rãca riasotirãre.

²⁹Ito ï yija tũocõri, cudicu gna:

—Goti masiore ocana meje, queno riojo gotia mu adocãta. ³⁰“Jeyaro masigũ ña mu”, yi ti masia gua ïja. “¿Riti gotiati mu?” yi seniãre ma ïja. “Dios tu wadiru ña mu”, yi tuorũnua gua mre ïja, yicu gua Jesure.

³¹Gua ito yijare, ado bajiro cudiqui Jesús:

—¿Riti adocãta yure tuorũnuati mua? ³²Batacõri, yure mua wagoroto ejacoaju. Riti gotia yu. Yure mua wagoroto ejacoaju ïja. Ito bajibojarocati sigũ meje ña yu. Yu Jacu yu rãcati ñami. ³³Iti jeyaro muare gotia yu, yure tuorũncõri, mua ya usiju usiriore mano mua ñatoni. Adi macãrucũroju mua ñaja, jeyaro tũbujarã yirãji mua. Oca seõña mua, adi macãrucũro gãnare ñeñaro yi rotigure rãtocũcu yu, yiqui Jesús gua ï rãca riasotirãre.

Ï rãca riasotirãre yiari Jesús Diore ï seni ïsire gaye

17 ¹Ito bajiro ï yija bero macãrucũroju ti mũocõri, ado bajiro yiqui Jesús:

—Cuna mu tu yu tudi ejaroti ejacoaju ïja. Yu ña mu Macu. Masa yure ña rũcũbuoroca yiya. Ito bajiroti yu cuni mre ña rũcũbuoroca yigu yiguja. ²Yu ña mu Macu. Masare yu roti masitoni yure cũyija mu. Yure mu ïsiana ña catitĩnaroca yu yi masitoni yure cũyija mu. ³Ado bajiro baja catitĩnare gaye: Mu sigũti riojo oca ñasarise gotigure masicõri, ito yicõri yu Jesucristo mu cõarure tuorũncõri, catitĩnarã yirãji masa. Ito bajiro baja catitĩnare gaye.

⁴Adi macãrucũro yu ñaja mre masa ña rũcũbuoroca yicu yu. Yure mu roti ñucacato bajiroti itire gajanoa yu. ⁵Adi macãrucũro iti ñaroto riojuaju mu rãca rũcũbuogu ñacu yu. Cuna, ito bajiroti adocãta mu tiro riojo masa yure ña rũcũbuoroca yiya.

⁶Yũ rāca riasotirā adi macārūcūro gāna wato mũ beseana ñama. Ñinare besecōri, yũre ïsiyija mũ. Mũre ñna masiroca yicũ yũ. Mũ ñarā ñañi ñna. Ñinare yũre ïsiyija mũ. Mũ ocare cūdisotirā ñama ñna. ⁷No yũre mũ ïsirise, “Dios ye wadire ña”, yi t̃wo masiama ñna. ⁸Mũ ocare yũre mũ goticato bajiroti ñinare goticũ yũ. Iti ocare t̃wocōri, boca āmicā ñna. “Dios tũ wadirũ ñami āni”, yi masiama ñna, yũre ïja. “Dios ï cōaru ñami āni”, yi yũre t̃worũnuama ñna ïja.

⁹Ñinare yiari mũre busia yũ. Adi macārūcūro gānare yiari meje mũre busia yũ. Yũre mũ ïsiana, mũ ñarā ñna ñajare, ñinare yiari busia yũ. ¹⁰Yũ ñarā jeyaro mũ ñarāti ñama ñna. Ito yicōri mũ ñarā yũ ñarāti ñama ñna. Yũ rāca riasotirā mũ ñarā ñama. Ñna queno yirise ticōri, yũre r̃ucub̃uorā yirāji masa.

¹¹Mũ rāca ñagũ wacũ ya yũ. Ito bajiri adi macārūcūrore wagogũ ya yũ ïja. Yũ rāca riasotirāma adi macārūcūrojũ tujarā yama. Cũna, ñeñarise yĩibicũ ña mũ. Ñna yũre mũ ïsianare mũ masirisena ñinare tirũnuma. Mani sigũre bajiro t̃woiarā ña. Manire bajiroti ñna c̃ni sigũre bajiro ñna t̃woiatoni ñinare tirũnũña. ¹²Adi macārūcūrojũ yũre mũ ïsiana rāca yũ ñaroca mũ masirisena queno ñinare tirũnũcũ yũ. Sigũ yũre godagobe yirocũ queno ñinare tirũnũcũ yũ. Ito bajibojarocati sigũ ñaquĩ yũre godagocacũ. Ñ ñaquĩ jeame ũjurojũ warocũ. Mũ oca iti gotiro bajiroti iti r̃etatoni yũre godagoquĩ ï.

¹³Adocāta mũ tũ wacũ ya yũ. Adi macārūcūrojũ ñagũ maji adi oca ñinare gotia yũ. Yũ wanũro bajiroti ñna c̃ni wanũ quena jeditoni iti oca ñinare gotia yũ. ¹⁴Mũ ocare ñinare goticũ yũ. Adi macārūcūro gāna bajiro meje t̃woia yũ. Yũ rāca riasotirā c̃ni adi macārūcūro gāna bajiro t̃woiarā meje ñama ñna. Ito bajiri adi macārūcūro gāna ñinare ti tudiana. ¹⁵Adi macārūcūrojũre ñinare mũre āmigo rotibea yũ. Ado bajirojũa mũre senia yũ: “Ñinare camotaya r̃mũ usirioro ñinare yibe yirocũ”, ya yũ mũre. ¹⁶Adi macārūcūro gāna bajiro t̃woiagũ meje ña yũ. Ito bajiri yũ rāca riasotirā c̃ni adi macārūcūro gāna bajiro t̃woiarā meje ñama ñna. ¹⁷Mũ oca ña oca riojo ñasarise. Mũ ñarā queno yirā riti ñna ñatĩñatoni mũ oca ñasarisere ñna masiroca yiya. ¹⁸Adi macārūcūro gāna wato yũre cōayija mũ. Yũ c̃ni ito bajiroti adi macārūcūro gāna wato yũ rāca riasotirāre cōa yũ. ¹⁹Ñinare yiari, mũre riti cūdigũ yigũja yũ. Ito yicōri mũ yagũ riti ñagũ yigũja yũ. Ito bajiro yũ yija ticōri, mũ oca riojo ñasarise cūdicōri, mũ ñarā riti ñarā yirāji ñna c̃ni, yiquĩ Jesús Diore busigh.

²⁰Gaje Diore ado bajiro gotiquĩ Jesús:

—Ñinare riti yiari meje mũre busia yũ. Ñna riasorise t̃wocōri, yũre t̃worũnũrā yirāji gājerā. Ñinare yiari c̃ni mũre busia yũ. ²¹Ñna jeyaro sigũre bajiro ñna usi c̃titoni mũre busia yũ. Manire bajiroti ñna usi c̃tire āmoa yũ. Cũna yũre bajiroti usi c̃tigũ ña mũ. Yũ c̃ni mũre bajiro usi c̃tia. Ito bajiro manire bajiro sigũ bajiro riti ñna usi c̃tire āmoa yũ. Ito bajiro ñna bajija ticōri, “Riti Dios ï cōaru ñañi Jesús”, yirā yirāji adi macārūcūro gāna. ²²Yũre masa ñna r̃ucub̃uoroca mũ yiado bajiroti ñinare masa r̃ucub̃uoroca yicũ yũ c̃ni. Sigũre bajiro usi c̃tirā ñna ñatoni ito bajiro ñinare yicũ yũ. Mani c̃ni ito bajiroti sigũre bajiro baja mani.

²³ Yũ bajiroti ũsi cutirã ñama ñna. Yũ cuni mũ bajiroti ũsi cutigũ ña yũ. Ito bajiri sīgũ bajiro riti tuoña jedirã yirãji ñna. Ito bajiro ñna bajija ticōri, “Dios ĩ cōaruti ñaņi Jesús”, yi masirã yirãji adi macãrucũro gãna. “Ī Macure ĩ mairo bajiroti ñnare cuni maiami Dios”, yi masirã yirãji adi macãrucũro gãna.

²⁴ Cũna, yũ rãca riasotirã yũre mũ ĩsiana ñama ñna. No yũ ñaroju yũ rãca ñna ñnare ãmoa yũ. Ito bajicōri, masa ñna yũre rũcũbuoroca mũ yire ti masirã yirãji ñna. Ito yicōri, “Adi macãrucũro iti ñaroto riojuaju Jesure maiņi Dios”, ñna yi masire ãmoa yũ. ²⁵ Cũna ñeņarise macũ ña mũ. Adi macãrucũro gãna mũre ti masibeamã ñna. Yũama mũre ti masia. ãna yũ rãca riasotirã, “Dios ĩ cōaru ña mũ”, yi masiama ñna, yũre. ²⁶ Mũre ñna ti masiroca yicũ yũ. Ito bajicōri, mũre ñna masitĩnaroca yigũ yigũja yũ. Ito bajiro yigũ yigũja yũ, yũre mũ mairo bajiro ñna gãmeri maitoni. Ito yicōri ñna rãca ñatĩnagũ yigũja yũ, yiquĩ Jesús Diore bũsigũ.

Jesure ñna ñnare gaye

(Mt 26.47-56; Mr 14.43-50; Lc 22.47-53)

18 ¹ Ito bajiro Jesús ĩ bũsija bero Cedrón wame cutiri jaribũ sidũjaju wacũ gũa ĩ rãca. Ito wacōri ote wese wijacũ gũa, Jesús rãca. ² Coji meje iti ote wesejũ minijuasoticũ gũa. Ito bajiri Judas, Jesure oca menirocũ cuni tisotiquĩ iti wesere. ³ Ito bajiri iti wesere masicōri, surarare, porecia masare cuni ãmi ejaquĩ Judas. Paia ũjarã, fariseo gaye tuoĩarã cuni ñna cõana ñaņi ñna. Sarera jãirina bisu cuticã ñna. Siabusuoragari, ĩto yicōri mujura jãiri cuni rãcocã ñna. ⁴ “Ado bajiro yũre rẽtaro yiroja”, yigũ ñnare boca ãmigũ waquĩ Jesús. Ñnare boca ãmicōri, ado bajiro ñnare seniãaquĩ ĩ:

—¿Ñimũre ãmati mũa? yiquĩ Jesús ñnare.

⁵ Ito ĩ yijare:

—Jesús Nazaret gagũre ãma gũa, yicã ñna.

Ñna ĩto yija tuocōri:

—Īti ña yũ, yi cũdiquĩ Jesús.

Ñna rãca ñnaquĩ Judas, Jesure oca menirũ cuni. ⁶ “Īti ña yũ”, Jesús ĩ yirocati judojuana juja quedicoacã ñna. ⁷ Ito yi mũcana tũdi ñnare seniãaquĩ Jesús:

—¿Ñimũre ãmasati mũa? yiquĩ ĩ ñnare.

Ito ĩ yija tuocōri:

—Jesús Nazaret gagũre ãma gũa, yicã ñna.

⁸ Ñna ĩto yija tuocōri:

—“Īti ña yũ”, yicãmũ yũ, mũare. Yũre riti mũa ãmajama, yũ rãca gãnama wacoajaro, yiquĩ Jesús ñnare.

⁹ Ito bajiro yiquĩ Jesús, iti rũmũjũ ĩ gotigoado bajiro iti rẽtatoni. Iti rũmũjũ ado bajiro gotiquĩ ĩ: “Yũ Jacũ yũre ĩ ĩsicãna sīgũjua yũre godabiticã”, yiquĩ Jesús iti rũmũjũ. ¹⁰ Ito bajiro Jesure ñna ñna ãmoja ticōri, ĩ ya sarera jãĩ ãmiquĩ Simón Pedro. Iti jãina paia ũjũre moa ĩsiri masũ, Malco wame cutigũre ĩ ya gãmoro riojocadũjare jataquĩ Pedro. ¹¹ Ito ĩ yijare:

—Mũ ya sarera jāire seoya mũcana. Yũ tũbũjaroti Dios ĩ āmoja, camotabicũja yũ. “Itire camotagu yigũiji”, ŷyire masiati mũ? yiquĩ Jesũs Pedrore.

Anás tu Jesure ĩna āmi ejare gaye
(Mt 26.57-58; Mr 14.53-54; Lc 22.54)

¹²Ito yija surara ĩna Ʃũ rāca, judio masa porecia cũni Jesure ñiacā ĩna. ĩre ñiacõri, ĩ ya āmori siacā ĩna. ¹³Ito yicõri Anás ya wiju āmicoacā ĩna, ĩre ĩja. Caifás mañicu ñayiju Anás. Iti rodori paia Ʃũ ñayiju Caifás. ¹⁴Ĩ Caifás ñayiju, “Mani ñarocõti godaja quenabetoja. Manire yiari sīgũ ĩ goda ĩsija quena”, yi ĩ ñarā judio masare gotigoru ñayiju ĩ.

Jesure masibea yũ, Pedro ĩ yire gaye
(Mt 26.69-70; Mr 14.66-68; Lc 22.55-57)

¹⁵Simón Pedro, gāji gũ rāca gagũ, Jesure ĩna āmi waja sũya wacā ĩna. Simón Pedro rāca wacacũ paia Ʃũre baba cutigũ ñasotiyiju ĩ. Ito bajiri josari mejeti paia Ʃũ ya wi sabiara cũnĩ rēta sājacoayiju ĩ. ¹⁶Pedroama sabiara cũnĩ judojuā sājabicuti tujacoayiju. Ito bajiri gāji Jesũs rāca riasotirũ paia Ʃũ baba sabiara cũnĩ coderi maso rāca bũsigũ wayiju. Ito yicõri Pedrore jisõyiju ĩ baba. ¹⁷Iti cũnĩ coderi maso ado bajiro seniĩayijo Pedrore:

—ŷJesũs rāca riasotigoru meje ñati mũ cũni? yiyijo iso Pedrore.

Iso ito yijare:

—Meje ña yũ, yiyiju Pedro.

¹⁸Iti usajare moa ĩsiri masa, porecia masa cũni jea riocõri, suma ñayijarā ĩna. Pedro cũni ĩna rāca suma ñayiju.

Paia Ʃũ Jesure ĩ seniĩare gaye
(Mt 26.59-66; Mr 14.55-64; Lc 22.66-71)

¹⁹Jesure ĩna āmi ejaja ticõri, paia Ʃũ Anás wame cutigũ Jesure ado bajiro seniĩasũoyiju:

—ŷNoa ñati mũ rāca riasotiana? Ito yicõri, ŷñe gaye ĩnare riasocati mũ? yiyiju ĩ Jesure. ²⁰Ito ĩ yija tuocõri, ado bajiro cũdiyiju Jesũs:

—Masa jeyaro tiro riojo bũsisoticũ yũ. Dios ya wiju, mani masa judio masa minijuara wiju cũni masare riasocũ yũ. Ito bajiri yũ goti rudire ma.

²¹ŷNo yija yũre itire seniĩati mũ? Yũre tuogoanare seniĩate mũ. Yũ bũsigore gaye mũre gotirā yirāji ĩna. Yũ bũsigore masirāji ĩna, yiquĩ Jesũs paia Ʃũre.

²²Jesũs ito bajiro ĩ yija tuocõri, sīgũ porecia masũ, Jesũs ya rioju jayiju.

—ŷPaia Ʃũre, no yija ito bajiro cũdiati mũ? yiyiju ĩ Jesure.

²³Ito ĩ yija cũdiyiju Jesũs:

—Riojo meje yũ gotija, “Ado bajiro rũo gotia mũ”, yiya yũre. Yũ gotirise riojo gotia yũ. Ito yibojarocati, ŷno yija yũre jati mũ? yiyiju Jesũs ĩre.

²⁴Ito ĩ yija bero paia Ʃũ Caifás wame cutigũ tu Jesure siarũreti cõayiju Anás maji.

Jesure masibea yu, macana Pedro i yire gaye

(Mt 26.71-75; Mr 14.69-72; Lc 22.58-62)

²⁵Ito baji naroca jea suma nayiju Pedro maji. I raca jea suma narã ado bajiro ire seniayijarã:

—¿I raca riasotigoru meje nati mu cuni? yiyijarã ina Pedroro.

Ĩna ito yijare:

—Meje, i raca riasotigoru meje na yu, yiyiju Pedro.

²⁶Ito i yija, sigũ paia uju moa isiri masu ado bajiro seniayiju Pedroro:

—Ote wese i raca mu naroca, ztibiticati yu mure? yiyiju i Pedroro.

Pedro gamoro i jataru oca busigu nayiju i.

²⁷Ito bajiro i seniaja tuocori: “Jesure masibea yu”, yiyiju Pedro macana. Ito bajiro i yirocati, cara yujicoayiju ija.

Pilato taju Jesure ina ami ejare gaye

(Mt 27.1-2, 11-14; Mr 15.1-5; Lc 23.1-5)

²⁸Ito yija bero Caifãs ya wina romano masa uju ya wiju Jesure ami wayijarã ire niana. Ito ina yiroca riti busu mija wadicoayiju ija. ĩna judio masa romano masa uju ya wiju sajabisijarã ina. “Gaje masa ya wi mani sajaja pascua basa bare bamenaji mani”, yi tuoiarã sajabisijarã ina. ²⁹Ito bajiri Pilato imasiti inare busirocu budi wayiju:

—¿Ñe seti cutiati ani, mua tija? yiyiju Pilato judio masare.

³⁰Ito i yijare cudiyijarã ina:

—Ĩ seti macu njaja, mu tu ire ami ejabitiboana gua, yiyijarã ina Pilatore.

³¹Ĩna ito yijare:

—Ĩre ami wasa mua. Mua masa bucũrã rotirena, “Ado bajiro seti cutia mu”, yiba mua ire, yiyiju Pilato judio masare.

Ito i yija tuocori, ado bajiro cudiyijarã ina:

—Ĩre sia amoboja gua. Ito bajibojarocati gua judio masa bucũrã rotirena ire sia masibea gua, yiyijarã ina Pilatore.

³²“Yucutẽoju yure jaju sjarã yirãji masa”, Jesús i yicãdo bajiroti rẽtayiju ito bajiro ina yija. ³³Macana i ya wi tãdi sajacori, ado bajiro Jesure seniayiju Pilato:

—¿Judio masa uju nati mu? yiyiju Pilato Jesure.

³⁴Ito i yijare, ado bajiro cudiyiju Jesús:

—¿Mumasi tuoicãri, ito bajiro yi seniati mu? ¿Gãjerã mure ina gotijare ito bajiro yure seniati mu? yiyiju Jesús Pilatore.

³⁵Ito i yijare:

—¿Judio masu nati yu, mu tija? Mu narãti, paia ujarã cuni yu tu ami ejama ina mure. ¿No bajiro yicati mu? yiyiju Pilato Jesure.

³⁶Ito i yija cudiyiju Jesús:

—Adi macārucūro ɥju meje ña yu. Adi macārucūro ɥju yu ñaja yure sɥyari masa gāmeri jaboana judio masa yure ñiame yirona. Adi macārucūro ɥju meje ña yu. Adi macārucūroju meje ña yu rotiroto, yiyiju Jesús Pilatore.

³⁷Ito ī yijare:

—¿Ito yicōri, ɥju ñati mu? yiyiju Pilato.

Ito ī yija cūdiyiju Jesús:

—Mu yiro bajiroti ɥju ña yu cūni. Adi macārucūroju wadicōri, rujeacu yu, riojo oca ñasarise gotirocu. Riojo oca ñasarise cūdirā ña ñama yure tɔorūnurā, yiyiju Jesús Pilatore.

³⁸Ito ī yija:

—¿Ñe ñati oca riojo ñasarise? yiyiju Pilato Jesure.

Jesure sīarɥja mani, ña yire gaye
(Mt 27.15-31; Mr 15.6-20; Lc 23.13-25)

Ito bajiro Jesure seniācōri, ī ya wi budi wacōri, judio masare bɔsigu wayiju Pilato mɔcana:

—Yu tija ñe seti macu ñami āni. ³⁹Co rodo rɥyabeto pascua basa mua menija sīgū tubiarɥre bucōasotia yu mɔare yiari. ¿Mua judio masa ɥjɥre yu bucōare āmoati mua? yiyiju Pilato judio masare.

⁴⁰Ito ī yijare, ado bajiro awasā cūdiyijarā ña:

—Īre meje bucōaña mu. Barrabásjuare bucōaña, yiyijarā ña Pilatore. Riniri masu ñayiju Barrabás.

19 ¹Īna ito yija tɔcōri, Jesure baje rotiyiju Pilato ĩja. ²Jesús ya rijoga joe jota bedo seara bedo jeoyijarā surara. Ito yicōri ɥjarā ña sãñaro bajiro sūaro sāyijarā ña Jesure. ³Ito yija bero ī tu bɔsa eja rŭgŭcōri, ado bajiro yiyijarā ña:

—Judio masa ɥju catijaro, yi aja tudiyijarā ña Jesure.

Ito yicōri rioju ĩre jayijarā ña.

⁴Mɔcana budi wacōri, judio masare gotigu ejayiju Pilato:

—Tiya mua. Ī seti manijare ĩre bucōagū ya yu, yiyiju Pilato judio masare.

⁵Ito ī yija, jota bedo jesarɥ, sūaro sãñarɥ budiyiju Jesús. Ito yija ado bajiro yiyiju Pilato masare:

—Tiya, āni ñami ũmugū, yiyiju Pilato.

⁶Jesús ī budija ticōri, ado bajiro awasāsuoyijarā paia ɥjarā, porecia cūni:

—Yucŭtēojɥ ĩre jaju sĩaña, ĩre sĩaña, yi awasāyijarā ña.


Īna ito yija tɔcōri:

—Mɔmasi ĩre āmi wacōri, yucŭtēojɥ jaju siatēña mua. Yu tijama, ñe seti ma ĩre, yiyiju Pilato judio masare.

⁷Ito ī yijare ado bajiro cūdiyijarā judio masa:

—Gua bucɥrā masa ña rotirena ĩ godaja quena. “Dios Macu ña yu”, ĩ yire waja ĩ godaja quena, yiyijarā ña Pilatore.

⁸Ito bajiro ña yija tɔcōri, bɔto bɔsa gūiyiju Pilato. ⁹Tɔdi wi toti Jesure āmi sãcōri, ado bajiro seniāyiju Pilato ĩre:



(San Juan 19.5)

—¿Noju gagu ñati mu? yiyiju Pilato ire.

Ito bajiro i yibojarocati ire cudibisiju Jesús.

¹⁰Mucana tudi ire seniayiju Pilato:

—¿Yure cudibeati mu? Gajerã mure yucutẽoju yu jaju roti ãmoja jaju roti masia yu. Mure yu bucõa ãmoja, bucõa masia yu. ¿Itire masibeati mu? yiyiju Pilato Jesure.

¹¹Ito i yijare:

—Mu rotiroca Dios i mure yibeja, yure roti masibitiboa mu. Mu rêto busaro seti cutigu ñami yure ina ñiatoni gotiru, yiyiju Jesús Pilatore.

¹²Ito i yija tuocõri, “¿No bajiro yicõri Jesure bucõarujati yu?” yi tuoïayiju Pilato. Ito bajiro i tuoïabojarocati judio masa ado bajiro awasâyijarã:

—Ire mu bucõaja mua romano masa ujû ñasagu baba meje ñagû yigûja mu. No, “Ujû ñagû yigûja yu”, yigû, i ñami masa ujû wajacu, yiyijarã ina Pilatore.

¹³Îna ito yija tuocõri, Jesure ãmi rotiyiju Pilato ija. Ito yicõri ujarã ina rujiriju rujiyiju Pilato ija. Itiju Gabata wame cutiyiju hebreo ocana. “Gûtana buoraju”, yireoni ñayiju itiju. ¹⁴Pascua basa riojua ãmua gudareco ñayiju iti rumu. Ito yija Pilato ado bajiro yiyiju judio masare:

—Âni ñami mua ujû, yiyiju Pilato.

¹⁵Ito bajiro i yibojarocati bato awasâyijarã ina:

—Siacõruja ire. Siacõruja ire. Yucutẽoju ire jaju sãña, yiyijarã ina Pilatore. Îna ito yijare:

—¿Musa ujure jaju sīagū yigujada yu? yiyijū Pilato ĩnare.

Ito ĩ yijare, ado bajiro cūdiyjarā paia ujarā:

—Romano masa ujū riti ñami gua ujū. Ñimujua gāji mami, yiyijarā ĩna Pilatore.

¹⁶Ito bajiro ĩna yija tuocōri, yucutēojū Jesure ĩna jaju sīatoni ĩnare ĩsiyijū Pilato. Ito bajiri Jesure āmicoayjarā ĩna ĩja.

Yucutēojū Jesure ĩna jaju sīare gaye
(Mt 27.32-44; Mr 15.21-32; Lc 23.26-43)

¹⁷Īre ĩna āmi waja, sūya wacu gua cūni. Īre āmi wacōri, yucutēo ĩre gaja roticā ĩna. Hebreo ocana Gólgota wame cutiri burojū ĩre āmi wacā ĩna. “Rijoga gōari ñaro”, yireoni ñacu itijū. ¹⁸Itojū āmi ejacōri, Jesure yucutēojū jajucā ĩna. Gājerā jūarā jua dūja gāna yucutēojū yosacā ĩna. ĩna gūdareco ñaquī Jesús. ¹⁹Jesús ĩ wānaritēojū ĩ ya rijoga weca wame wō rotiquī Pilato. Ado bajiro goticu iti: “Jesús Nazaret gagū, judio masa ujū”, yi wānacū iti.



(San Juan 19.17)

²⁰Judio masa jājarā ticā iti ucarere. Jesure yucutēojū ĩna jajucati cuto tuti ñacū. Ĩ ya rijoga weca wame wānarise griego oca, hebreo oca, latín oca cūni ñacū iti. ²¹Ito bajiri judio masa paia ũjarā ado bajiro yicā Pilatore:

—“Judio masa ũju ñami”, yi ucabesa. “Judio masa ũju ña yū”, yibojarū, yi ucaja quena, yicā ĩna Pilatore.

²²Ito bajiro ĩna yibojarocati ado bajiro cūdiqū Pilato:

—Yū ucare ito bajiroti tujaro ya, yiquī Pilato ĩnare.

²³Surara yucutēojū Jesure jaju tiorā ĩ ya yutabujurire āmicā ĩna.

Itire āmicōri, juariorori batocā ĩna. Ito yicōri ĩnacōti gāji coro, gāji coro āmicā ĩna. Jesús ĩ sānado joegadoama jioya mano ñacū. Riojoti sua mūja, gajanoado ñacū. ²⁴Ito bajiri ado bajiro yicā surara:

—Itore ñigāmena manī. Ñimūjua itore ĩ bũjaja tiana yirona, gŭtana rea ajecā ĩna.

Ito bajiro ĩna yija Dios oca tuti iti gotiado bajiroti rētacū. Ado bajiro gotia ĩ oca: “Yū ya yutabujurire batocā ĩna. Ñimūjua adore ĩ bũjaja tiana yirona, gŭta ajerā yirāji”, yi gotia Dios oca. Ito bajiroti yicā surara.

²⁵Jesús ĩ yucutēojū wānaro roca adocō jājarā ñacū gua. Ĩ jaco, Cleofas manajo María, María Magdalena, ito yicōri yū cūni ñacū ĩna rāca. ²⁶Jesús ĩ jacore, ito yicōri yū ĩ maigŭre ticōri, ado bajiro yiquī Jesús ĩ jacore:

—Cana ĩ ñagŭ yiguīji mū macū, yiquī Jesús ĩ jacore.

²⁷Ito yicōri yūjare ado bajiro yiquī:

—Iso ñagō yigōji mū jaco, yiquī Jesús yure.

Ito ĩ yija bero isore boca āmicōri, yū ya wijū isore codecū yū ĩja.

Jesús ĩ ũsi jedire gaye

(Mt 27.45-56; Mr 15.33-41; Lc 23.44-49)

²⁸Ito ĩ yija bero, “Dios ĩ āmoro bajiroti yure rēta jedicoajū ĩja”, yi tŕoiaquī Jesús. Dios oca tuti iti gotiro bajiroti iti rētatoni:

—Idi āmoa yū, yiquī Jesús.

²⁹Ito ñacū ũyé ide jiaradū. Ide udi āmirisena itire udi āmicā ĩna surara. Ito yicōri hisopo wame cutiricū rŭju gaja siacā ĩna itire. Ito yicōri Jesús ya rise tū ñutucā ĩna. ³⁰Ŭyé ide jiare weroiācōri, ado bajiro yiquī Jesús:

—Dios ĩ goticādo bajiroti rēta jedicoajū ĩja. Itocō ña, yiquī Jesús.

Ito yija ĩ ya rijoga queo yocōri, ũsi jedicoaquī Jesús ĩja.

Jesús ya warubū surara ĩ sare cudare gaye

³¹Iti rŭmŭ pascua basa riojua ñacū. Busuri gua judio masa ya tujacāra rŭmŭ ñaro yicū. Ito bajiri yucutēojū godana ya rŭju wānare āmobicicā ĩna tujacāri rŭmŭ ñajare. Tujacāra rŭmŭ guijori rŭmŭ ñacū gua judio masare. Ito bajiri Pilatore ado bajiro senicā ĩna: “Yucutēojū wānarāre sagaro gōare jajea rotiya. Ito yicōri ĩna ya rŭjuri rŭjio rotiya”, yicā ĩna Pilatore. ³²Pilato ĩ rotija tŕocōri, ĩ ya surara wacōri, yucutēojū wānarāre ĩna ya sagaro gōarire jajeacā ĩna. Jesús tū

jüarã yucutëoju wãñarãre ñna ya gõarire jajeacã ñna. ³³Jesús tujü eja rügücõri, “Ûsi jedicoañi añi”, yi ti masicã ñna. Ito bajiri ï ya sagaro gõare jajeabiticã ñna.

³⁴Ito bajibojarocati Jesús ya warubu sare cudaquí sigü surara masu. Ito ï yirocaci rí ide wusarise budicu. ³⁵Yü itire gotigu, itire tigorü ña yu. “Riti gotia yu itire”, ya yu. Mña cuni itire tuorünutoni, riojo itire gotia yu. ³⁶Iti jeyaro rëtacu Dios oca tuti iti goticato bajiroti. Tüote. Ado bajiro gotia Dios oca: “Ïre co gõa jajeamena yirãji ñna”, yi gotia Dios oca. ³⁷Gajeju Dios oca iti gotija ado bajiro gotia: “Sare cuda ecorure tirã yirãji masa”, yi gotia Dios oca.

Jesure ñna yujere gaye

(Mt 27.57-61; Mr 15.42-47; Lc 23.50-56)

³⁸Ito bajija bero José Arimatea gagü Jesús ya rujure ämirocü Pilatore seniyiju ï. Jesús ocare tuo sáyagorü ñayiju ï, ito bajibo jaguti gäjeräre goti batobisiju ï, judio masare güügü. “Ämiña”, Pilato ï yija tuocõri, Jesús ya rujure rujiogu wayiju José. ³⁹Nicodemo ñamiju Jesús räca busigu ejagorü cuni ejayiju. Treinta kilos rücurisecõ queno suti quenarise ämi ejayiju ï. Mirra wame cutirise, äloes wame cutirise wüore ñayiju iti sutirise. ⁴⁰Ito bajiri José, Nicodemo räca Jesús ya ruju ämicõri saya botirona sutirise tucõri, ïre gümayjarã ñna. Judio masa, masa yujerã ñna yisotirise ñayiju iti. ⁴¹Jesure yucutëoju ñna jaju sïaraju ote wese tü ñayiju. Iti weseju masari cuma mama goje ñayiju. Gäjeräre yujeiaña mani goje ñayiju iti goje. ⁴²Jabeto ruyayiju tujacãra rümü iti busuroto. Ito bajiri iti gojeju Jesús ya rujure säyijarã ñna, sõju meje iti goje ñajare.

Jesús ï tüdi catire gaye

(Mt 28.1-10; Mr 16.1-8; Lc 24.1-12)

20 ¹Gua masa ya moashora rümü busuri jiju räitü busaroca wayijo María Magdalena. Jesús ya masari cuma tü ejacõri, iso tija güta biaraga mañiju. ²Ito iti bajija ticõri, ümaquedi wacõri, gua tü ejacõ iso. Simón Pedro, ito yicõri yu Juan Jesús ï buto maicana ñacu gua. Gua tü ejacõri, ado bajiro yicõ iso:

—Mani Üju ya rujure ämicoañi ñna. “Itoju ï ya rujure cüana ñna”, yi masibe yu, yicõ iso güare.

³Iso ito yija tuocõri, yu Pedro räca masari cumaju tirã wacu gua.

⁴Gua jüarã cocati ümaquedi wacu. Pedro rëto busaro ümaquedicu yu. Ito bajiri yujüa cajero masari cuma ejasüocu. ⁵Muqueacõri, ito tisõcu yu. Ïre ñna gümagore riti ticu yu. Itoju säjabiticu yu maji. ⁶Yü bero ejaquí Simón Pedro. Ìama masari cumaju säjacoaquí ïja. Ì cuni Jesure ñna gümagore riti tiquí. ⁷Jesús ya rijoga gümado gajeroju iti jesaja tiquí. Düreare rujajucu gajeroju iti jesaja tiquí ï. ⁸Ito yija yu cajero ejacacu cuni säjacoacu. Iti rëtare ticõri, “Tüdi caticoañi Jesús”, yi tuoíacu yu ïja. ⁹Iti riojua, “Godabojaguti tüdi catigu yiguíji Jesús”, Dios oca iti yire gaye tuo masibiticu gua maji. ¹⁰Ito yija bero gua ya wijü tüdi wacu gua.

María Magdalenare Jesús i goaïore gaye

(Mr 16.9-11)

¹¹María Magdalenama masari cuma tã oti tujacõ. Otigoti masari cumajũ tisõyijo iso. ¹²Ito iso tisõja jũarã ángel mesa botirise sãnarã rujiyijarã. Sîgũ Jesús ya rijoga ñagoadojua rujiyijũ. Gãji ï ya gãbori ñagoadojua rujiyijũ.

¹³Ito yija ado bajiro seniïayijarã ïna María Magdalenare:

—¿No yija otiati mã? yiyijarã ángel mesa isore.

Ïna ito yija:

—Yũ Ûjũ ya rujũre ãmicoañi ïna. “Itojũ ï ya rujũre cũana ïna”, yi masibea yũ, yiyijo iso ángel mesare.

¹⁴Ito bajiro yigoti, Jesure jũda ti bujayijo iso. Ito bajibojarocati, “Jesuti ñami ãni”, yi masibisijo iso. ¹⁵Ito yija ado bajiro seniïayijũ ïjua isore:

—¿No yija otiati romio mã? ¿Ñimũre ãmati mã? yiyijũ Jesús isore.

“Adi wese coderi masũ ñaguïji”, yire masiyijo iso. Ito bajiri ado bajiro ïre yiyijo iso:

—Ï ya rujũre mã cũja, “Ito cũmũ yũ”, yiya yũre. ãmigõ waroco ya yũ, yiyijo ïre.

¹⁶Iso ito bajiro yija tuocõri, ado bajiro yiyijũ Jesús isore:

—María, yiyijũ Jesús isore.

Ito ï yija tuocõri, ado bajiro yiyijo iso hebreo ocana:

—Rabuni, yiyijo iso. “Yũre riasogu”, yireoni ñayijũ iti.

¹⁷Ito yija ado bajiro cãdiyijũ Jesús:

—Yũre moaïabesa maji. Yũ Jacũ tã mujabea yũ maji. Wasa yũ ñarãre ado bajiro gotitẽña: “Dios sîgũti ñami mani Jacũ. Ito yicõri ï sîgũti ñami mani Ûjũ. Ï ñarojũ wacũ wagũ ya yũ”, yi gotitẽña, yimi Jesús yũre, yi rotiyijũ Jesús María Magdalenare.

¹⁸Ito yija gũare gotigo ejacõ iso. “Mani Ûjũre tibũ yũ”, yicõ iso. Ito yicõri Jesús ï gotiado bajiro gũare goticõ iso.

Ï rãca riasotigoanare Jesús i goaïore gaye

(Mt 28.16-20; Mr 16.14-18; Lc 24.36-49)

¹⁹Gua masa ya moasũora rãmũ ñacũ iti rãmũ. Iti ñami gua Jesús rãca riasotigoana wiju minijua ñacũ. Gua ñarã judio masare gũirã soje biacõri, ñacũ gua. Ñajasaroti gua wato goa rũgũquï Jesús.

—Ñati mã, ñe oca mano queno ñaña mã, yiquï Jesús gũare.

²⁰Ito ï yija bero ï ya ãmori, ito yicõri ï ya warubũ ïoquï gũare. Gua ï rãca riasotigoana gua Ûjũre ticõri, bũto wanũcũ gua. ²¹Mũcana tũdi ado bajiro gotiquï Jesús gũare:

—Ñe oca manoti queno ñaña mã. Yũ Jacũ yũre ï cõado bajiroti yũ cãni mãare cõa yũ ïja, yiquï Jesús gũare.

²²Ito yija gũare juti jeocõri, ado bajiro yiquï ï:



(San Juan 20.15-17)

—Mua ya usijũ Espiritu Santo ĩ quedi sãjaroça ya yũ. ²³İre boca âmıcõri, gãjērã ĩna ñeñaro yirise mua ãcaboçaja, ĩnare seti mano yiroja. ĩna ñeñaro yirise mua ãcaboçabeja, seti cutirãti ñarã yirãji ĩnaõna, yiquĩ Jesũs guare.

Tũdi Jesũs ĩ catija bero Tomás ĩ tire gaye

²⁴Ito bajiro guare Jesũs ĩ goaĩoroça Tomás gũa rãça gagũ maniquĩ. ĩ ñaquĩ “Sũrũaru”, gũa yicacu. ²⁵Tomãstre ti bujãcõri:

—Mani Ujũre tibũ gũa, yiboçacu gũa ĩre.

Ito bajiro gũa yibojarocati Tomás ado bajiro yiquĩ:

—Ĩ ya ãmo ĩna ja cudarajũ yũ tibeja, ito yicõri ĩre ĩna ja cudarajũ yũ ya ãmo wãsoana yũ ñusõĩabeja, ito yicõri ĩ ya warubũ ĩre ĩna sare cudadojũ yũ ya ãmona yũ moaĩabeja, “Ĩti ñami”, yi masibicũja yũ, yiquĩ Tomás guare.

²⁶Udia ãmojeno rumũri bero mucana tudĩ minijuacũ gua. Iti rumũ gua minijuacati rumũ Tomás cuni ñaquĩ ĩja. Soje biado ñabojarocati gua wato goa rũgũquĩ Jesús.

—Ñati mua, ñe oca mano queno ñaña mua, yiquĩ Jesús guare.

²⁷Ito yicõri Tomásre ado bajiro yiquĩ ĩ:

—Yũ ya ãmore ticõri, mũ ya ãmo wãsoana yũre ñusõĩaña. Mũ ya ãmona yũ ya warubũ susuro yũre moaĩaña. “Ĩ meje ñaguĩji”, yibeja ĩja. “Ĩti ñami”, yi masiña mũ ĩja, yiquĩ Jesús ĩre.

²⁸Ito ĩ yijare:

—Yũ Ʋjũ, Dioti ña mũ, yiquĩ Tomás Jesure.

²⁹Ito ĩ yijare Jesús cudiqũ:

—Tomás yũre ticõri, yũre tuorũnua mũ. Gãjerãma yũre tibitibojarãti yũre ĩna tuorũnũja, queno wanũ quenarã yirãji ĩna, yiquĩ Jesús Tomásre.

Cristore tuorũnũña mua cuni, yirocũ adi uca yũ, San Juan ĩ gotire gaye

³⁰Gaje jaje tiyamani ĩoquĩ Jesús gua ĩ rãca riasotirã tiro riojo. Iti ñarocõti ña jedibea adi papera tutijũ. ³¹Adi yũ ucarise, “Jesuti ñañi Cristo, ito yicõri Dios Macũ ñañi”, yi mua tuorũnutoni uca yũ. ĩre tuorũncõri, catitĩñare mua bujatoni itire uca yũ.

Jua ãmojeno ĩ rãca riasotigoanare Jesús ĩ goaĩore gaye

21 ¹Ito bajija bero mucana tudĩ goaĩoquĩ Jesús, guare ĩ rãca riasotigoanare. Tiberias wame cutirita tunimajũ guare goaĩoquĩ Jesús. Ado bajiro bajicũ ĩ goaĩoja. ²Adocõ jãjarã ñacũ gua minijuacana, Simón Pedro, Tomás “Sũrũarũ”, gua yigũ, Natanael Galilea sita Canã wame cutiri cuto gagũ, gua Zebedeo rĩa, ito yicõri gãjerã jũarã Jesús rãca riasotigoana ñacũ gua. ³Gua ito baji ñaroca ado bajiro yiquĩ Simón Pedro:

—Wai jogũ wacũ ya yũ, yiquĩ Pedro.

Ito ĩ yijare:

—Gua cuni mũ rãca wajũ, yicũ gua.

Ito yicõri wacũ ĩja. Cumajũ sãjacõri, ñamiasaro wai jobojacũ gua. ⁴Iti busu mũja wadiroca itajura tunima guare goaĩoquĩ Jesús. Ito bajibojarocati, “Ĩti ñaguĩji”, yi masibiticũ gua. ⁵Ado bajiro guare yi ruyuquĩ ĩ:

—¿Wai sĩabeati mua? yiquĩ Jesús guare.

Ito ĩ yijare:

—Sĩabea, joboja gua, yicũ gua ĩre.

⁶Gua ito yijare:

—Cuma riojocadũjare yorigũ cõa roaya mua. Ito bajiro mua yija wai sĩarã yirãji mua, yiquĩ Jesús guare.

Ī roticato bajiroti yicũ gũa. Wai jãjarã ĩna ñajare, yorigũre mosã masibiticũ gũa, wai jãjarã ĩna ñajare. 7Ito baji ñaroca, yũ Jesús ĩ maigũ ado bajiro yicũ yũ Pedrore:

—Mani Ʋjũti ñami ĩ, yicũ yũ Pedrore.

“Mani Ʋjũ ñami”, yũ yija tũocõri, wasoro yosagũ ñari joegado sãñaquĩ ĩ. Ito yicõri itajurajũ quedi roacoaquĩ ĩ. Ito yicõri Jesús tũjũ bati waquĩ. 8Cien metrocõ tunima sõjũa jayacũ gũa. Ito warãti jajũ tunima ejacũ gũa. Wai yorigũ rãca weja jãjã ejacũ gũa. 9Cuma majacõri, jeame weca wai jũoana ti ejacũ gũa. Ito yicõri naju cũni iti ñaja ti ejacũ gũa. 10Gũa ejaja ticõri, ado bajiro yiquĩ Jesús, gũare:

—Wai jane mũa sãana udiarãcõ ãmi waya, yiquĩ Jesús gũare.

11Ito ĩ yija tũocõri, cumajũ mũja sãjaquĩ Simõn Pedro, ito yicõri wai cũrã yorigũjũ ñarã jajũjũ waire weja mocũquĩ ĩ. Ciento cincuenta y tres ñarã ñacã wai jeyaro. Jãjarã ĩna ñabojarocati cudubiticũ yorigũ. 12Ito yija Jesús ado bajiro yiquĩ gũare:

—Ba yujirã waya maji, yiquĩ Jesús gũare.

“¿Ñimũ ñati mũ?” yi seniãbiticũ gũa, “Mani Ʋjũti ñami”, yi masicõri. 13Ito yicõri gũa tũjũ eja rũgũcõri, naju gũare batoquĩ ĩ. Waire cũni ito bajiroti yiquĩ.

14Itina udiãji goãioquĩ Jesús gũare, godacõri tũdi ĩ catija bero.

Simõn Pedro rãca Jesús ĩ bũsire gaye

15Gũa ba yuji tĩoja bero ado bajiro seniãaquĩ Jesús Simõn Pedrore:

—¿Mũ rãca gãna rẽtoro yũre maiati Simõn, Jonás macũ mũ? yiquĩ Jesús Simõn Pedrore.

Ito ĩ yijare:

—Mũre maia yũ Ʋjũ yũ. “Yũre maiami”, yi masia mũ, yiquĩ Pedro Jesure.

Ito ĩ yijare:

—Oveja rĩare ĩna ecasotiado bajiro yũre yiari yũ ñarãre riaso ĩsima mũ, yiquĩ Jesús ĩre.

16Mũcana tũdi jũaji seniãaquĩ Jesús Simõn Pedrore:

—¿Yũre maiati Simõn, Jonás macũ mũ? yiquĩ Jesús Pedrore.

—Mũre maia yũ Ʋjũ yũ. “Yũre maiami”, yi masia mũ yiquĩ Pedro Jesure.

Ito ĩ yijare:

—Ovejare ĩna codeado bajiro yũre yiari yũ ñarãre code ĩsima mũ, yiquĩ Jesús Pedrore.

17Ito yija mũcana tũdi udiãji seniãa quenoquĩ Jesús ĩre:

—¿Yũre maiati Simõn, Jonás macũ mũ? yiquĩ Jesús Pedrore.

Ʋdiãjijũ, “¿Yũre maiati mũ?” Jesús ĩ yija tũocõri, bojori bũjaquĩ Pedro.

Ito bajiri ado bajiro yiquĩ ĩ Jesure:

—Jeyaro masigũ ña, yũ Ʋjũ mũ. Yũ mũre mairise masia mũ, yiquĩ Pedro Jesure.

Ito ĩ yijare:

—Ovejare ĩna ecasotiado bajiro yũre yiari yũ ñarãre riaso ĩsima mũ.

18Riti mũre gotia yũ. Iti rũmũjũ mamũ mũ ñaja yutabuju sãñacõri, mũ

ãmoro bajiroti wa ucusotiyija mũ maji. Mũ bũcũgũ ñaja mũ ya ãmo siacõri, mũ wa ãmobetoyũ mũre ãmi warã yirãji ña, yiquĩ Jesũs Pedroro.

¹⁹“Ito bajiro mũ godaja ticõri, Diore rũcũbuorã yirãji masa”, yirocũ ito bajiro gotiquĩ Jesũs Pedroro. Ito ã yija bero:

—Waya yũ rãca. Yũ oca tuo sũyagũ waya, yiquĩ Jesũs ãre.

Yũ Juan ã rãca riasotigorũre Jesũs ã bũto mãire gaye

²⁰Jũda ticõri, ñnare yũ sũyaja tiquĩ Pedro. Yũ ña Jesũs rãca riasotigorũ bũto ã maicacũ. Yũ ña Jesũs rãca basũsacati rũmũ ã tũ rujicacũ. Yũ ña Jesure seniĩacacũ, “¿Ñimũ ñati mũre ña ñiatoni gotiri masũ?” yi seniĩacacũ ña yũ. ²¹Yũre ticõri, ado bajiro Jesure seniĩaquĩ Pedro:

—Yũ Ʋjũ, ¿ãniama no bajiro godagũ yiguĩjida? yiquĩ Pedro Jesure.

²²Ito ã yija ado bajiro cũdiquĩ Jesũs:

—Mũcana tũdi yũ ejarijũjũ ã catire yũ ãmoja, catigũ yiguĩji maji. Iti mũ masibeja, no yibea mũre. Mũãma yũre sũyaba, yiquĩ Jesũs Pedroro.

²³Ito ã yija tũocõri: “Juan godabicũ yiguĩji”, yire masicã ña. Jesuama, “Godabicũ yiguĩji”, yibitiquĩ. Ado bajirojũa yiquĩ ã: “Yũ tũdi ejarijũjũ ã catire yũ ãmoja, catigũ yiguĩji maji. Iti mũ masibeja, no yibea mũre”, yigũ yiquĩ Jesũs. Iti oca queno tuo masibiticõri, “Godabicũ yiguĩji Juan”, yire oca batobojãni ña.

²⁴Yũ ña Juan, Jesũs rãca riasotigorũ. Yũti ña adi paperare ucacũ. “Riojo gotiami”, yi masia mũa yũre.

²⁵Gaje jaje ña Jesũs ã yigore. Jeyaro Jesũs ã yigore mani uca jebojaja cũni, adi macãrũcũrore daja rãtacoabodoja papera tutiri. Itocõ ña.